

नेवाः बौद्ध समाजय् मृत्यु संस्कारया व्यवस्था

लेखक

सत्वतारावज्र वज्राचार्य

चक्रेश्वर रत्नकीर्ति महाविहार (मखंबाहाः)

नेवाः बौद्ध समाजय् मृत्यु संस्कारया व्यवस्था

लेखक

सत्त्वतारावज्र वज्राचार्य

चक्रेश्वर रत्नकीर्ति महाविहार (मखंबाहाः)

प्रकाशक-

नानीमय्जु वज्जाचार्य

बसपार्क, बागबजार, यें ।

फोन ल्याः ४२२६२१२

न्हापां-

बु. सं. २५५५

ने. सं. ११३२

वि. सं. २०६८

ई. सं. २०११

म्- धर्मदान

थाक्-

लिक प्रिन्टर्स

ढल्को, यें, फोन ल्याः ४२५२११४



चक्रेश्वर सत्वतारावज्र वज्राचार्य

दातापिनिपाखें

श्रद्धेय दिवंगत जुयाबिज्याःम्ह जिमि न्हान चक्रेश्वर सत्वतारावज्ज
वज्जाचार्य चवयाबिज्याःगु "नेवाः बौद्ध समाजय् मृत्यु संस्कारया व्यवस्था"
नांगु सफ् वसपोल सुखावती भुवनय् वास नायेमा घयागु कामना यासैं
धर्मदान द्दहलपागु जुल ।

दाता परिवारपिं

जहान - नानीमय्जु वज्जाचार्य

भौपिं	छय्पिं	छय्भौपिं	छय्पिं
मय्जुहेरा	विनोद	रजनी	निर्मला
सावित्री	मनोज	एरीका	कमला
	सरोज	श्रमिका	रमिला

छुइपिं - अभिषेक, स्वेच्छा, सिमरन, युवान, एकता, श्रियान ।

बिषय - सूची

न्त्यथना

दाताया परिवारपाखें

१. नेवा: बौद्ध समाज म्हसीका १
२. मृत्यु संस्कार २
३. कार्यपत्रय् फ्यानागु म् उद्देश्य - कार्यपत्र च्वयेत छयलागु स्तोत ३
४. दाह संस्कार - अग्नि संस्कार - जल प्रवाह - पृथ्वीतत्वय्
लीन यायेगु - वायु प्रवाह ४-६
५. दाह संस्कारय् संस्थागत व्यवस्था - गों व्यवस्था - सनागुथि
- सिङ्गुथि - बिचा:गुथि ७-८
६. जात: संस्कार - लास परदेशय् संस्कार ९-१०
७. उत्क्रान्ति क्रिया - शव यात्रा - मुकेगु - क्रिया च्वनिगु
- दशपिण्ड विधान - बाखं कनेगु ज्या - न्हयन्हु दुकुन्हु
भष्मचैत्य दयेकेगु - न्यापा: मण्डल - लख चैत्य - मृत्यु
संस्कारय् पया भूमिका व अर्थ ११-१६
८. श्राद्ध कर्म - स्वपिण्ड विधान - बौ स्वया: काय् न्हापा
दिवंगत जुङ्गु अवस्थाय् - मिसा पुच:या वंश - निछाभू -
विवाह मज्जनिपिं मिसामचात - श्राद्ध यायेगु उद्देश्य - बोधिसत्व
चर्चाय् स्थिर जुयेगु - सर्वपाप मोक्ष - भिंखुगू कथंया दु:ख
मोचन - द्वादश अंग सिद्ध यायेगु - यमद्वारय् जुङ्गु दण्ड
कष्टं तरे जुङ्गु - षड्गतिया उद्धार - श्राद्ध यायेबलय्
विशेष यांना: छयलिगु सामग्री हेतु - दशपिण्ड - मास पिण्ड
अर्थात् लय् लय् पतिकंया श्राद्ध - लत्या - स्वलाया क्रिया
- खुलाया क्रिया - लय्प्यं थये धुंकेगु - दकिला - भिंपुजा
- निर्दंया तिथि - वार्षिकी श्राद्ध १७-३०
९. श्राद्ध याके योग्यम्ह गुरुया लक्षण - योग्यम्ह गुरु - पुरोहितया
लक्षण - श्राद्ध कर्मय् गुरु पुरोहित जुङ्गु लायक मज्जनिम्हसिया
लक्षण - निष्कर्ष ३०-३१

१०. मृत्यु सम्कारय न्हयनुमाया महन्व - उपसंहार ३२ - ३५
११. मृत्युः परमार्थ सत्य - बीद्व धर्मया पुना पद्वतिया विशेषता ३६-३७
१२. मृत्यु जुडगुया प्रक्रिया - लासा हिडकेगु - लः त्वंकेगु - मृत्यु प्रमाण - मृत्युया ख्वःसःया प्रम्फुटन - लोहा अग्निया रक्षा - सिड कंकेगु - सिडगु छैय् सु धंकेगु - पञ्चमय लाः मलाः यकिन यायेगु ४०-४६
१३. सिथं यंके पूर्वया ज्या - सउबैय् तयेगु - सु कले म लुखाय् धंकेगु - छःतय्गु मर्तिड सु त्वपुडगु - देव फायेकेगु - गुयियार जःपिन्त कंके ज्या - फांगा तयेगु - क्ताः दयेकेगु - पञ्चमय लाःगु खःसा अक्रिया क्रिया - वसः हिडकेगु - दुखापिखां तियेके - बापां दयेके पुलुपुलु - छ्वासय् वाये - पाखाकुं यनेगु - भाजं - पि ख्वयेगु - पिचा वायेगु ४७-५७
१४. सिथं यंकेगु - सिडबाजं - पुलुपुलु - भाजं - वा हवलेगु - जिलाजंपिं - गुरुजुपिं - कुण्डाला - सिडम्ह तयाहःगु क्ताः अथवा खत - ख्वयावनिपिं - ५६-५९
१५. दीपय् यायेगु क्रियाकर्म - सिँपय् तये, लः त्वंके -लिकुकोला पिण्ड - लःधाः तये - होम याये, मि तये - सिड बाजं यायेगु - अस्थि कायेगु मुकेगु - भष्म प्रवाह अथवा नौ चुडकेगु, मिखा पियाः लिहां वयेगु ६०-६४
१६. दाह संस्कार लिपा दू मब्बंकृतलय् जुडगु क्रिया - मुके कनेगु - क्रिया च्वंम्ह सुनानं मथिडक च्वनिगु - बलिं पियाः दुकायेगु - छै छ्वां बँ पुनाः सामान्य निसी यायेगु - चिपं यिडकेगु - खाद्य भोज्य वर्जित वस्तुत -सिंगारपतारया लस्ता मयायेगु - सिकया भाग - बिचाः वनेगु बिचाः फयेगु - दशपिण्ड - मण्डल सृजना व पूजा - लोचाः फयेगु - ब्याहा वये - लोचाःबजि नयेगु - पाः वयेगु ६५-७१
१७. घःसू (गृह शुद्धि) कुन्हुया विधि - दुर्गतिपरिशोधन मण्डल विर्सजन - पैय्ती लाकेगु - दश पिण्डया ज्या - न्हयन्हुमा - खुसिड वने - पञ्चगव्य सिंचन - दर्पण दर्शन - ग्वाः सगं - पिखालुखुड पिण्ड वियेगु - कँय्लः - छैय् घःसु गृहशुद्धि होम विधि - शय्यादान - पाठ याकेगु - त्वाजं बियेगु - जाप्वः

- खायेगु - पाखाजा खायेगु - निमोह - छेँ सुची निची याये -
पूजाविधि - बाधा फुक्का - भोजन - कलः वायेगु ७१-७८
१८. समापन ७८
१९. दच्छि तकंया दुने क्वचायेकेगु ज्या - बर्खी बाहे यायेगु -
तपुलि मपुइगु - तुयूगु तपुलिइ पुइगु - विशेष कथंया तुयूगु
तपुलि पुइगु- लाकां बाहे याइगु - बस्त्र बाहे याइगु -
लसताया ज्या जुइमखु - चिकं तिलेगु, सँ छयनेगु बाहे याइगु
- दुरु अथवा धौ बाहे याइगु - उच्च शय्या शयन परित्याग
- तिसा तियेगु वर्जित - पेशकी ब्वने - नखः दंके छ्वये - देवा
च्याकेगु - शतबीज ह्वलेगु - लय् लय्पतिकं श्राद्ध यायेगु -
लत्या - स्वलाया क्रिया यायेगु ७९-८५
२०. मायाजाल ८५
२१. खुलाया क्रिया यायेगु - लयप्यं थये धुंकेगु - अस्थिया
ज्या - नमोबुद्ध वनेगु - जामाच्च वनेगु - क्वदुवाः वनेगु - नेक्
पुइकेगु - चैत्यय् लः छायेगु - दागिं वनेगु ८६-८८
२२. दकिला - पाहां ब्वनेगु - अनालाया विशेषता - निर्दंया तिथि
व वार्षिकी ८९
२३. सन्दर्भ ग्रन्थसूची ९१
२४. अनुसूची १, रेखाचित्र - लिक्वपिण्ड थयेगु थापिना - लौकिक
पिण्ड (प्वप्यं थये) - षोडश पिण्ड विधान - लोकोत्तर
पिण्ड (जाप्यं थये) ९२-९३
२५. अनुसूची २ - हलंज्वलं - सिथं यंकेत माःगु हलंज्वलं - १. बन्या
ज्वलं २. पसः ज्वलं - ३. मेगु माःगु ज्वलं - ४. दुखापिखां
तियेगु - ५. छ्वासय् वायेगु - ६. पाखाकुँ थनेत - ७. ध्वाँय्
दयेकेत - ८. कूताः दयेकेत - ९. लिक्व पिण्ड थयेत -
१०. नौ चुयेकेत - ११. सिइ उयेत १२. दूब्येकेत माःगु
ज्वलं - १३. ग्वाःसगंयात माःगु ज्वलं ९४-९५
२६. अनुसूची ३: भिंनिगू तीर्थया विवरण नाग - पीठ - पाप
मोचन अथवा फलप्राप्ति । ९६-९७

किपा धलः

१. चक्रेश्वर सत्वतारावज्र वज्राचार्य	
२. क. मोतिकाजी वज्राचार्य व नानीमय्गु वज्राचार्य	९९
ख. मणिलिंग तीर्थय् सिमन्तीया फलेचा	९९
३. जिनसंघ विहारय् श्री अक्षोभ्य बुद्ध	१००
४. आनन्दकुटी विहारय् श्री शाक्यमुनि बुद्ध	१०१
५. स्वनिगःया आजुपिनिगु आगमन	१०२
६. छवप, यें व यलया चक्रेश्वर आजुपिं	१०३
७. सत्वतारावज्र व नानीमय्जुया महारथारोहण	१०४
८. स्वयम्भूइ सत्वपूजा यानाविज्याःपिं गुरु वज्राचार्यपिं	१०५
९. बागबजारया छँया वज्रधातु चैत्य	१०६

न्हयथना

लोटस रिसर्च सेन्टर थुगु स्थापना कालनिसें नेपाःया बौद्ध धर्म, संस्कृति व सम्पदाया संरक्षण, सम्बर्धन यांनाः निरन्तर रूपं न्हयानावयाच्चंगु छगू संस्था खः । थुगु संस्थां विविध प्रकारया कार्यक्रम, गोष्ठी, राष्ट्रिय व अन्तरराष्ट्रिय सम्मेलन, सेमिनार यांनावयाच्चंगु दु । थ्व हे क्रमय् वि.सं. २०६२ स चतुर्थ अन्तरराष्ट्रिय बौद्ध संस्कृति सम्मेलनया निम्ति थुगु सेन्टरया अनुरोधकथं यें देया रत्नकीर्ति महाविहार मखंबाहाःया चक्रेश्वर सत्त्वतारावज्र वज्राचार्य "नेवाः बौद्ध समाजय् मृत्यु संस्कारया व्यवस्था" नामक कार्यपत्र च्वयाबिज्यानाः अन्तरराष्ट्रिय भवन, न्हबानेश्वरय् न्यंकाबिज्याःगु खः । थुगु कार्यपत्र लेखनया निम्ति लोटस रिसर्च सेन्टर यें, यल, छ्वप स्वनिगःया थुगु विषयय् सिउसःपिं गुरुजुपिं सामूहिक रूपं मुंकाः सहलह यायेगु व्यवस्था मिले यांनाबिउगुलिं वसपोलं थुगु सेन्टरयात धन्यवाद बियाबिज्याःगु खँ कार्यपत्रय् उल्लेख जुयाच्चंगु दु । थुगु कार्यपत्र तयार यायेत तःधंगु सहयोग यांनाबिज्याःम्ह बौद्ध विद्वान प्रा. यज्ञमानपति वज्राचार्ययात वसपोलं उगु हे बखतय् सहर्ष धन्यवाद बियाबिज्याःगु खः ।

थुगु लोटस रिसर्च सेन्टरं बु.सं. २५५४ बुद्ध जयन्तीया लसताय् पिथंगु "पलेस्वां" पत्रिका या २६ गूगु अंक वसपोल थपाजु गुरुजु सत्त्वतारावज्र वज्राचार्ययात भावपूर्ण अर्पण याःगु जुल । थुगु अंकय् वसपोल सत्त्वतारावज्र वज्राचार्य च्वया बिज्याःगु "नेवाः बौद्ध समाजय् मृत्यु संस्कारया व्यवस्था" कार्यपत्र प्रकाशित जुउगु जुल ।

आः थन दिवंगत चक्रेश्वर सत्त्वतारावज्र वज्राचार्यया धार्मिक जीवनीया विषयय् छत्वाःचा खँ प्रस्तुत यायेगु सान्दर्भिक जुइताया । वसपोल सत्त्वतारावज्र वज्राचार्य यें देया लाय्कूया प्रसिद्ध काल भैरवया पुजारी बालखवज्र (चीनीकाजी) वज्राचार्यया सुपुत्र खः । वसपोल ल्याय्म्हगु बखतनिसें यें देया वज्रयानी महापूजाय् सम्मिलित जुया बिज्यात । फम्पिइ वज्रजोगिनीइ निक्वः तक जुउगु अहोरात्र महायज्ञ पूजाबलय् वसपोल तत्कालीन प्रख्यात वज्राचार्यपिं पं. जोगमुनि वज्राचार्य व पं. अमोघवज्र वज्राचार्यया सतसंगतय्

लात । पं. जोगमुनि वज्राचार्य यानाबिज्याः गु. दीक्षा, सिन्हामत, त्रयोदशामत, छत्रीसामत आदि फुक्क महागृह्य पूजाय् वसपोल चचापा (गीताचार्य) कथ दुथ्याः गु जुल । पं. अमोघवज्र वज्राचार्य थः गु. मिन्दरान्मक चक्रपूजाय् वसपोलयात प्रमुख गीताचार्यया रूपय् तयाबिज्यात ।

वि.सं. २०३५ सालय् विजेश्वरी वज्रयोगिनीया १० वर्षया कलेवर हिलाः प्रतिष्ठा जुल । थ्व हे भुवलय् अन विजेश्वरीड हे वि.सं. २०३८ सालय् पं. जोगमुनि वज्राचार्यया उपाध्यायत्व व निर्देशनय् जगतमुनि वज्राचार्य मूलाचार्य जुयाः सम्पन्न जुउगु अष्टचत्वारिंशत महासंवर चक्रात्मक पूजाय् सत्त्वतारावज्र वज्राचार्य पूजा क्रिया व्यवस्था यायेगुलिङ्ग विशेष योगदान बियाबिज्याः गु जुल ।

वि.सं. २०६० सालय् विजेश्वरी वज्रयोगिनीया कलेवर हिलेगु ज्या सत्त्वतारावज्र वज्राचार्य थः उपाध्याय जुयाः मूलाचार्य यज्ञमानपति वज्राचार्य यात पूजा पद्धतिया फुक्क ज्याय् स्यनेकने यानाः महत्त यानाबिज्यात ।

वि.सं २०३८ सालय् पं. वद्रीरत्न वज्राचार्यया मूलाचार्यत्वय् नेपालया १०८ पीठया पूर्वसेवा वनेगु ज्या न्ह्यात । थ्व पूर्वसेवाया बा-पूजाबलय् षट्त्रिंशात्मक संवरया चक्रपूजा यायेगुलिङ्ग सत्त्वतारावज्र वज्राचार्यया विशेष सहयोग दुगु जुल । थ्वया लिपा पं. वद्रीरत्न वज्राचार्य मूलाचार्य जुयाः यानाबिज्याः गु तःक्वःमछिया कीलन दीक्षा, सिन्हामत, त्रयोदशामत, छत्रीसामत आदि वज्रयानी महापूजाय् सत्त्वतारावज्र वज्राचार्ययात उपाध्याय यानाबिज्यात । थ्व उपाध्यायया ज्या कर्मकाण्ड क्रियाकर्मय् दक्षता दुपिसं जक यायेफइगु खः ।

दीक्षागुरु सत्त्वतारावज्र वज्राचार्य न्हापां थः अबुजु बालखवज्र वज्राचार्यया उपाध्यायत्वय् मूलाचार्य जुयाः चक्रसंवरया दीक्षा बियाबिज्यात । थ्वया लिपा ज्योतिष वैद्य धर्मानन्द वज्राचार्ययात उपाध्याय यानाः दीक्षा बियाबिज्यातसा थ्वया नं लिपा निक्वः तक चक्रसंवरया दीक्षाय् पं. वद्रीरत्न वज्राचार्ययात उपाध्याय यानाबिज्यात, थुकथं सत्त्वतारावज्र वज्राचार्य महायानी महापूजा तक्वःमछि हे मूलाचार्य, उपाध्याय, गीताचार्य, कर्माचार्य, व दिगाचार्य

जुयाः सम्पन्न यानाबिज्याःगु जुल ।

सत्त्वतारावज्र वज्राचार्यया अबुया पाजुपिं सक्वय् जुउगुलिं वसपोलं सक्वय् दीक्षा कयाबिज्याःगु खः । मणिलिंगय् स्नान यायेत वइपिं मनूतयत् च्वनेत थाय् मदुगुलिं वसपोलं थन फलेचा दयेकाबिज्यात । म्हासुख्वाः अजिमाया थाय् च्वंम्ह वसुन्धरादेवीया मूर्ति खुयायंकुगुलिं दँय् दँसं यानावयाच्चंगु तिलाव्रत दनेत छःया अभाव जुउगु खनाः वसपोलं न्हूम्ह वसुन्धरादेवीया मूर्ति तयाबिज्यात । जात्रा याइम्ह म्हासुख्वाःम्ह वज्रयोगिनीया मूर्ति जीर्ण जुउगुलिं थुगु मूर्ति जीर्णोद्धार यायेत सत्त्वतारावज्र वज्राचार्य अथक प्रयास यानाबिज्यात । थ्व हे भूवल्य् वज्रयोगिनीया प्राणप्रतिष्ठा यायेत अहोरात्र महायज्ञ यायेगु ज्या नं सम्पन्न जुल ।

न्हापा वाहा-बहिलिइ जक ततःधंगु वज्रयानी गोप्य पूजा जुइगु खः । सत्त्वतारावज्र वज्राचार्य थःगु बागवजारया छँयात विहारया आगं थें यानाः पं. वद्रीरत्न वज्राचार्य यानाबिज्याःगु दीक्षा, चक्रात्मक पूजा आदियात न्हयाबलें हे स्थान बियाबिज्यात । थुलि जक मखु डा. नरेशमान वज्राचार्य, तेजरत्न वज्राचार्य, ज्ञानीराजा वज्राचार्य, अष्टरत्न वज्राचार्यपिसं नं सत्त्वतारावज्र वज्राचार्यया छँय् हे दीक्षा, दरु, सिन्हामत आदि यायेत थाय् कयाबिज्याःगु खः । महापूजाया लागी थःगु छँय् थाय् काःवइबल्य् थाय् जक बिइगु मखु, मत व लः जक मखु, मेगु नं माःमाःगु तक व्यवस्था यानाबिज्यानाच्चंगु खः । सत्त्वतारावज्र वज्राचार्य वज्रदेवीया परमभक्त जुउगुलिं वज्रयानी ततःधंगु पूजायात न्हयाबलें सहयोग सेवा यानाबिज्यानाच्चंगु खः ।

वि.सं. २०६४ सालं यज्ञमानपति वज्राचार्ययात थःगु छँय् थाय् बियाः थः उपाध्याय जुयाः माःगु स्यने-कने यानाः बौद्ध दर्शन अध्ययन पुचः इकुबहाःया ग्वसालय् अचलया दीक्षा बिइकाबिज्यात ।

सम्यक् महादानबल्य् स्वयम्भू भगवान् येंया लाय्कुलिइ बिज्याकी । सु नं दातां नःरां पञ्चदां यात धाःसा वयागु छँय् नं स्वयम्भू भगवान् बिज्याकी । सत्त्वतारावज्र वज्राचार्यया थःगु छँय् स्वयम्भू भगवान् बिज्याकाः संघदान यायेगु सदिच्छा जुउगुलिं वि.सं. २०३७ श्रावणकृष्ण त्रयोदशी कुन्हु थःगु छँ मखंवाहाःया पिनेसं दानशाला ग्वयाः स्वयम्भू भगवान् बिज्याकाः यें, यल,

लवप, थिमि, किप् व सक्कया वज्जाचार्य शाक्यपिन्त पञ्चदान ज्वलं दान
विया: न:रां पञ्चदां न्यायेकाविज्यात ।

दान धयागु थम्हं जक यायेगु मखु, थ: म्वजन व इष्टमित्रपिन्त नं दान
विइगु प्रेरणा विया: दान याकं विइगु सत्त्वतारावज्ज वज्जाचार्यया धार्मिक
सद्भाव ख: । वसपोलं गबलें वज्जाचार्यपिन्त प्रजापारपिता पाठ याका: गबलें
पञ्चरक्षा सूत्र व गबलें बौद्ध स्तोत्र संग्रह पुस्तक प्रकाशित याना: थुगु पुस्तक
सहित पिण्डपात्र दान व संघ भोजन याकाविज्यात । हानं गुबलें वज्जाचार्य
गुरुमांपिन्त नं पञ्चरक्षा सूत्र पाठ याका: दान प्रदान यानाविज्यात । थम्हं
प्रकाशित यानागु सफूत का:व:पिन्त नि:शुल्क वितरण यानाविज्यात ।

वि.सं २०५८ कार्तिक शुक्ल सत्ययुगादि कुष्माण्ड नवमी कुन्हु वज्जाचार्य,
भिक्षु, भिक्षुणी, अनागारिका, लामा भिक्षु, सन्त महन्त बाबाजी, वृद्ध, वृद्धा,
विधवा, द्योमां व याचकपिन्त यथाश्रद्धा दान वियाविज्यात । थये हे जंकव
खतय् तया: विधिवत् भीमरथारोहण देवरथारोहण याये धुंकुपिं वृद्ध वृद्धापिन्त
कुसां कुइका: गृहस्थीयात मा:गु ज्वलं दान याना: दान यायेगुलिइ विविधता
क्यनाविज्यात ।

परिवर्तित समयानुसार अन्तरजातीय विवाह याना: दुपिं वज्जाचार्य व
शाक्यपिनि पुत्रपिन्त प्रवज्या संवर बियेगु लागी दयेकुगु वैरोचन तीर्थया
जिनसंघ विहारय् ल्वहंयाम्ह क्वा:पा:द्य अक्षोभ्य तथागत स्थापना
यानाविज्यात । थये हे थ:गु बागवजारया छँक्वय् वज्जधातु चैत्य निर्माण
यानाविज्यात । थ:गु मखंबाहा:या छँय् त:धिक:म्ह वज्जदेवी व चक्रसंवर
स्थापना याना: आगं दयेका: दँय्दँसं चिकुलादिसि व ताल्लादिसिबलय् थ:गु
जिउताभर रहस्य कोलास्या पूजा यानाचवनाविज्या:गु जुल ।

सत्त्वतारावज्ज वज्जाचार्यया थेरवाद बुद्धधर्म प्रति नं उलि हे श्रद्धा दु ।
भन्ते गुरुमांपिन्त थ:गु छँय् आमन्त्रण याना: भोजन दान वियाविज्याइ ।
वसपोलं आनन्दकुटी विहारय् त:धिक:म्ह ल्वहंयाम्ह शाक्यमुनि बुद्धया मूर्ति
स्थापना यानाविज्या:गु स्मरणीय जुउ ।

वि.सं. २०५८ स सत्त्वतारावज्र वज्राचार्य रत्नकीर्ति महाविहार मखंबाहाःया
चक्रेश्वर थायपा जुयाबिज्यात ।

लुम्बिनी विकास कोषपाखें भिक्षु भिक्षुणी, लामाभिक्षु तथा वज्राचार्य
गुरुजुपिं दुगु धार्मिक उप-समितिइ सत्त्वतारावज्र वज्राचार्ययात वज्रयान पण्डित
कथं मनोनीत याःगु जुल । थथे हे वि. सं. २०६५ स अन्तरराष्ट्रिय ख्यातिप्राप्त
धर्मोदय सभां वसपोल सत्त्वतारावज्र वज्राचार्ययात वज्रयान आचार्यकथं
धर्मानुशासकया सम्मान्य पदय् मनोनयन याःगु खः ।

नेपालय् अष्टमीबलय् आर्यावलोकितेश्वरया धलं दनेगु व भाद्रकृष्ण
तृतीयाबलय् वसुन्धरादेवीया धलं दनेगु नेवाः बौद्धतसें यानावयाच्चंगु उपोषध
व्रत खः । सत्त्वतारावज्र वज्राचार्य तःदैं न्ह्योनिसें थःम्ह श्रीमती नानीमय्जु
सहित प्रत्येक शुक्लपक्षया अष्टमी पतिकं आर्यावलोकितेश्वरया उपासं च्वनेगु
यानावयाच्चंगु खः । लिपा उपासक उपासिकापिं सम्मिलित यानाः गुंलाया
यल पंचदांया अष्टमी कुन्हु आर्यावलोकेश्वरया धलं दनेगु व भाद्रकृष्ण
तृतीया कुन्हु वसुन्धरादेवीया धलं दनेगु यानाबिज्याःगु नं तःदैं हे दत । थथे
अष्टमी व्रत व तिलाव्रतबलय् थः जहान भोछिं, थःथिति, इष्टमित्र व वये
धाक्वसित सःताः थःगु छँया तःधंगु बैगः जायेक धलं दनाः व दंकाः सकल
व्रतालुतय्त पालं याकाछ्वयाबिज्याइगु खः । वसपोलया अन्तिम वर्ष तक नं
अष्टमी व्रत व वसुन्धराव्रत दनाबिज्याःगु खः ।

सत्त्वतारावज्र वज्राचार्यया दिवंगत पितृप्रति अतिकं श्रद्धा दु । वसपोलया
बौया तिथिबलय् व मांया तिथिबलय् चर्यागीति सहित पञ्चशाली पूजा
यानाः बौयागु छगः, मांयागु छगः व काय्यागु छगः यानाः ३ स्वंगः कोल्ला
तयाः लोकोत्तर श्राद्ध यानाबिज्यानाच्चंगु खः । पितृपक्षय् सोह्रश्राद्ध
याइबलय् थः दिवंगत जहानपिं, थःथितिपिं, गुरुजुपिं, इष्टमित्रत, जय्मांत,
म्हय्त, शाह जुजुपिं व राणा प्रधानमन्त्रीपिं नापं यानाः २०० निसलं मयाक
नां काये फक्व नां कयाः पिण्डदान याना बिज्याइ । पिण्ड वाः वनेत स्वंगः
कोल्लाय् जायेक तयाः स्वम्हसें ज्वना वनेमाः । थथे म्हो व्यक्तिकं जक याइ जुइ
उकिं थन उल्लेख यानागु खः । पितृयात यानागु श्रद्धादान सितिं वनीमखु,
श्राद्ध याये न्ह्यो अथवा लिपा अनं वः थनं वः मदयेक आमदानी जुइ धयागु

वसपोलया अनुभव व विश्वास खः । पितृ प्रति यथे विश्वास दुम्ह जुयाः हे वसपोलं “नेवाः बौद्ध समाजय् मृत्यु संस्कारया व्यवस्था” कार्यपत्र च्वयेगु स्वीकार यानाबिज्यागु जुइमाः ।

यलय् अन्तरराष्ट्रिय ख्यातिप्राप्त पं. वै. आशाकाजी वज्राचार्यया दीक्षादानया ज्याय् सत्त्वतारावज्र वज्राचार्य येंयापि चचापा वज्राचार्य (गीताचार्य) पिं व्यवस्था यानाबिज्याःगु खः । युबलय्निसें वसपोलपिनि धार्मिक सम्बन्ध क्वातुयावंगु खः ।

सत्त्वतारावज्र वज्राचार्य जीवनया अन्तिम समय वि.सं. २०६६ सालय् स्वयम्भू महाचैत्य मर्मत सम्भार जीर्णोद्धार तथा सुवर्णलेपनया निम्ति न्यास लिकायेगु आदि ज्या थः मूलाचार्य जुयाः न्हयाकाबिज्यात । थुगु ज्या पूर्ण जुइमलाकं थथे हे ज्या यायां थःगु देह त्वःताः वि.सं. २०६६ मार्ग शुक्ल पूर्णिमा कुन्हु वसपोल सत्त्वतारावज्र वज्राचार्य दिवंगत जुयाबिज्यात । वसपोल भीमरथारोहण, देवरथारोहण व महारथारोहण ३ क्वः तक ज्याजंकोया संस्कार सिधयेकाः ९२ वर्षया उमेरय् स्वर्गारोहण जुयाबिज्याःगु खः ।

श्रद्धेय सत्त्वतारावज्र वज्राचार्यया श्रीमती नानीमय्जु वज्राचार्य व वसपोलया छय्पिसं थःम्ह स्वपुरुष व पितामह च्वयाबिज्याःगु “नेवाः बौद्ध समाजय् मृत्यु संस्कारया व्यवस्था” कार्यपत्र थःपिसं खर्च हनाः पुस्तकया रूपय् प्रकाशित याय्गु यानाबिज्यात थथहे लोटस रिसर्च सेन्टरपाखें उक्त कार्यपत्र प्रकाशित याय्गु स्वीकृति बिउगु जुल । थुगु पुण्य कार्यया निम्ति परिवार व लोटस रि सर्च सेन्टरयात कृतज्ञतापूर्वक साधुवाद ब्रह्मपागु जुल ।

अन्तय् श्रद्धेय चक्रेश्वर सत्त्वतारावज्र वज्राचार्ययात दुर्गति परिशोधन जुयाः सुगतिफल प्राप्त जुइमा धकाः प्रार्थना याना ।

ने.सं. ११३२ योमरिपुन्ही
वि.सं. २०६८ मार्ग २४ शनिबार

फणीन्द्ररत्न वज्राचार्य
अध्यक्ष
नेपालभाषा परिषद्

नेवाः बौद्ध समाजय् मृत्यु संस्कारया व्यवस्था

नेवाः बौद्ध समाज म्हासीका

स्वयम्भूपुराण कथं कालीहद नांगु भराय् घंगु पृथ्व्या नः पित छवयाः बसोबास यायेबहः जुद्धक दयेकातःगु भूमियात प्राचीन नेपालमण्डल धाद । प्राचीन कालनिसैं नेपालमण्डलय् बास याना वयाच्चपि सकल मन्यात नेवाः बौद्ध समाजया घेरा दुने लाकातःगु दु । युमिसं ल्हाङ्गु भाय् नेवाः भाय् हे खः । नेवाः बौद्ध धायेबलय् वज्राचार्यपि गुरु पुरोहित यानाः यःपिनिगु दशकर्म, दिगुपूजा, भ्राद्ध आदि पूजा-आजा याना वयाच्चंगु जुल । उकिं यन यें, यल, छवप, थिमि, किपू, सक्व आदि यासय् आदिकालनिसैं बसोबास यानावयाच्चपिं मनूतय्गु पुचःयात नेवाः बौद्ध समाज घयागु खः । तर समय ह्युपाः लिसैं थियी जाति कथं थःथःगु नांया लिउने जात जाति कयंया खँग्वः छयलेगु यानाहल ।

नेपालमण्डलय् छुं कयंया कारणं अस्थायी अथवा स्थायी बास याःवःपित नेवाः बौद्ध समाजय् दुथ्याका तःगु मदु । गथेकि प्रतापमल्लया पर्यायय् इहां वःपिं मुसलमानत, पृथ्वीनारायण शाहलिसे वःपिं ठकुरी, मगर, पाण्डे, ब्राम्हण आदिपिं नं नेपालमण्डलया आदिवासी घकाः थन घयामतया ।

तर ठकुरी हे जूसां जयप्रकाश मल्लया पूर्वजया वंशोत्पन्न मल्ल, प्रधान, श्रेष्ठ आदिपिं (बौद्ध परम्परा कथं आःतले नं दिगुपूजा, भ्राद्ध, घःसू आदि ज्या याना वयाच्चन) नेवाः बौद्ध समाजय् दुथ्याकागु जुल । नेपाःगाः छगुलिं न्हापा बौद्ध समाज हे खः अले थनया बासिन्दा दक्व नेवाःत खः, इमिगु बृहत पुचःयात हे नेवाः बौद्ध समाज खः धैगु अवधारणा कयागु जुल ।

थथे धाय्बलय् -

१. न्हापा भिक्षुराचार्य, कुलिशाचार्य आदि धायेका वयाः आः यौ कन्हय् वज्राचार्य घकाः जाति कथं छयला वयाच्चपिं ।
२. बुद्धाचार्य, शाक्य, वन्द्यजु, बिखू बरे आदि ।
३. उदाय समाज घकाः शिल्पकार, कंसाकार, ताम्राकार, स्थापित, तुलाघर, सिखराकार ।

४. राजकर्णिकार ।
५. माली, गथु ।
६. ज्यापु, महर्जन, सुवाल, डंगोल, मुनिकार, साप् ।
७. चित्रकार ।
८. तण्डुकार ।
९. नापित, नकर्मी ।
१०. मानन्धर ।
११. श्रेष्ठ, प्रधान ।
१२. कुम्हा, प्रजापति ।
१३. रंजितकार, पी ध्यनिपिं भंब, कारंजित ।
१४. दुई, दली, राजवाहक ।
१५. जोगी धकाः कुशले, दर्शनधारी ।
१६. नाय, प्वः, च्यामखलः ।
१७. च्वय् च्वयागु नेवाः बौद्ध समाजया सीमा बन्धनय् लाःपिं मेपिं नेवाःत समाहित याना तयागु जुल ।

प्राचीन नेपालमण्डलया थाय्बाय्कथं कान्तिपुर, अशोकमण्डप महानगर, सुवर्ण प्रणाली महानगर, मञ्जुपट्टन, स्वयम्भू क्षेत्र, ललितपुर, भक्तपुर, कीर्तिपुर, मध्यपुर, ग्वल, शंखपुर (सक्व), पांगा, शंखु आदि दुथ्याकागु जुल । थ्व थासय् च्वंपि वासिन्दात लजगाः अथवा मेगु हुनिं यागाः नेपालमण्डलं पिने विराटनगर, वीरगञ्ज, नेपालगञ्ज, पोखरा, धनकुटा, भोजपुर, पाल्पा आदि थासं थासय् वास यानावयाच्च्वंपित नं नेवाः बौद्ध समाजय् दुथ्याकागु जुल ।

मृत्यु संस्कार

थ्व संसार अनित्य खः । संसारय् च्वंगु न्ह्यागु वस्तु नं छन्हु मदया वनी । अयेहे संसारय् च्वंगु न्ह्यागुकथंया प्राणीपिं नं छन्हु ला छन्हु मदया हे वनीतिनि । मन् नं थ्व हे स्वभावय् दुने लाः । उकिं मृत्यु जुइगु अवस्था

बांलायेमा धकाः सन्त्युर्ध्वार्पणिगु ध्याउना खः । मृत्यु जड़गु अवस्थाय् बांलाःगु चित्त जुल्कि मृत्युउपरान्तया अवस्था न बांलाइगु धकाः धयातःगु दु ।

तर चित्त शान्त जुयाः मृत्यु जगु खः ना मखुला सुनां न छुं धाये फइमखु । अथे न वया हितचित्त कः घानाच्चपिन्त ना मृत्यु जम्हसिया मरण गये जुल जुड धैगु खँ ला दइगु हे जुल । बांलाःगु अवस्थाय् मृत्यु जगु खः सा सुगति लाइ धाइ । बांमलाःगु अवस्थाय् मृत्यु जगु जसा दुर्गतिइ लाइगु भय जुल । गजागु अवस्थाय् मृत्यु जुल धैगु सिद्धम्हसियां जक सिद्धके फइगु जुल । सिद्धम्ह ला सि हे सित । जि थये अवस्थाय् सिनागु खः धकाः वं धाः वइगु मखुत । अकिं सिद्धम्हसिया छँजःपिनि थन दायित्व ज् वल । छुं जुयाः दुर्गतिइ लानाच्चंगु खः सा व दुर्गतिं तरे यानाः सुगतिइ लाकेगु ज्या यायेमाःगु जुल । थुगु कथंया विधिविधानं युक्तगु नेवाः बौद्ध समाजय् मृत्यु संस्कार नी स्वनातःगु दु । थ्व हे पहःयात नेवाः बौद्ध म्हसीकेगु माध्यम धाःसां छुं पाइगु मखु । प्रस्तुत कार्यपत्रय् “नेवाः बौद्ध समाजय् मृत्यु संस्कारया व्यवस्था” शीर्षक अन्तर्गत थुगु विषयस थम्हं स्यूगु छ्ता निता खँ उपस्थित विद्वतवर्गपिनि न्ह्योने ब्वयाच्चना ।

कार्यपत्रय् फ्यानागु मू उद्देश्य

थ्व कार्यपत्रया उद्देश्य थये खः-

१. मृत्यु संस्कारया थी थी विधिया अवधारणा (सैद्धान्तिक खँ) फयांफछि न्ह्यब्वयेगु ।
२. मृत्यु संस्कारया थी थी क्रमाकथ त्वःमफिइक च्वयेगु ।
३. मृत्यु संस्कारया विषय अध्ययन अनुसन्धान याइपिन्त छगू स्रोतया रूपय् न्ह्यचिइकेगु ।

कार्यपत्र च्वयेत छयलाःगु स्रोत

थ्व कार्यपत्र च्वयेत जिगु अनुभवं यक्वं ज्या ब्यूगु दु । जि थें हे मेपिनिगु अनुभवयात नं सहयोग कयागु दु । जिके दुगु थी थी कथंया पूजाविधि सफलइ च्वयातःगु खँत नं दुथ्याकागु दु । अले छापा आखलं छापये जुया पिहांवःगु सफूत नं दु । थुपिं दक्व अनुसूचीया रूपय् तयागु दु ।

कार्यपत्रय् फयाफक्व छु न खँ त्वः मफिकेगु निति -

१. छधाः क्वचायेक च्वया ।

२. श्व क्षेत्रय् अनुभव दुपिं गुरुजुपिं सामूहिक कथं मुंकाः वसपोलपित श्व कार्यपत्र न्यंकाः तनेमाःथाय् तनाः लिकाय् माःथाय् लिकायेगु ज्या जुल ।

३. यें, यल, छ्वप स्वंगू देया गुरुजुपिं व यलया गुरुजुपिं लोटस रिसर्च सेण्टरं व्यवस्था यानाब्यूगु खः । उपिं गुरुजुपिंसं ब्यूगु सुभाबयात नं थन दुथ्याकागु जुल । लोटस रिसर्च सेण्टरं कार्यपत्र पूर्वकेत यानाब्यूगु छलफलया व्यवस्थां जितः यक्वं सहयोग जूगु दु । श्व ज्याया नितिं सेण्टरया दुजःपिं सकसित धन्यवाद दु ।

दाह संस्कार

मानव शरीर पृथ्वीतत्व, जलतत्व, अग्नितत्व, वायुतत्व आदि प्यंगू तत्वयात चतुरमहाभूत धाइ, थुकिपाखें सृजना जुयाच्चंगु जुल । थुजागु मानव शरीरया मृत अवस्थाय् तत् तत्वय् समर्पण यायेगु प्रक्रियायात दाह संस्कार धाइ । मेगु कथं धायेगु खःसा मृत मानव शरीरयात सुनियोजित ढंगं नष्ट याना छवयेगु क्रियायात दाह संस्कार धाइ । अन्त्येस्ति नं धाः । नेवाः बौद्ध समाजय् दाह-संस्कार क्रिया श्व चतुरमहाभूतय् लीन यानाः “यथाभूत”या अवधारणा अनुकरण जूगु खनेदु । इपिं थन विचार याना स्वयेवहः जू ।

अग्नि संस्कार

पार्थिव शरीरयात मिइ छुयाः खरानी याना छ्वयेगु क्रिया दाह-संस्कार अन्तर्गत अवलम्बन यानावयाच्चंगु दु । सप्तलक्षण (रत्न) स्वरूप न्हय्का सिंया छःने तयातःगु सिंपय् तयाः विधिवत् अग्नि दान बियाः वहे अग्निया माध्यमं पार्थिव शरीरयात दाह यानाछवयेगु हे आधिकारिक दाहप्रथा खः । सिद्धम्ह लास छुं गर्ये जुयाः संस्कार यायेत उपलब्ध मज्जा सिद्धम्हया प्रतीक वया जातःयात हे अग्नि-संस्कार विधिवत् याइ । जातः नं मदुसा सिद्धम्ह मनुखं प्रयोग यायेगु यानातःगु वसः आदियात जूसां अग्नि-संस्कार याइ ।

बाह्य तयाः बाह्य व्यंके मनाःनिबलय मृत्यु जम्ह मिसामचाया
अग्नि-संस्कार जुद्धमखु । बाह्याय तः गु यासं क्वसं च्वंगु छेलिइ गाः म्हुयाः
लास गाधय याइ । मचाब व्यंके मनाःनिबलय मदुम्ह मचायात नं
अग्नि-संस्कार वर्जित यानातः गु दु ।

अग्नि-संस्कार यायेगु प्रथा जूसां अग्नि-संस्कार छगु हे जक
अन्तिम-संस्कार मखु । दाह-संस्कार मध्ये अग्नि-संस्कार छगु जक खः ।
छाय्धाःसा अन जलतत्वया भागय, पृथ्वीतत्वया भागय अले वायुतत्वया
भागय लीन यायेगु क्रिया त्यनाच्चंगु हे दनि ।

जल प्रवाह

अग्नि-संस्कारया लिपा मृतकया लास हेंगवालय परिणत जुइ । हेंगवाः
नं परिणत जूगु नौ जुल । थ्व नौयात नं नष्ट यानाछ्वयेगु प्रक्रिया मृत्यु
संस्कारय व्यवस्था यानातः गु दु । हेंगवा नौयात विधिवत् म्हुज्यानाः हयंया
मिखा कौया म्हुतु तयाः संक्षेपं सिद्धम्ह मनू धकाः भाःपिया खुसिइ हयाः
चुइकाछ्वयेगु विधि सृजना यानातः गु दु । थ्वयात भष्म प्रवाह धाइ ।
जलतत्वलिसे लीन यायेगु कारणं जल-समाधि नं धाः ।

नेवाः बौद्ध समाज जूसां अग्नि-संस्कार यायेगु संभव मदुगु यासय नाम
मात्र अग्नि-संस्कार यानाः लासयात खुसिइ समर्पण यायेगु यानाः वयाच्चंगु
नं दु । उदाहरण कथं पूर्व पहाडया भांगाफोलिया दृष्टान्त कायेफु । अन
नेवाः बौद्ध समाजया बस्ती दु । अन सियं यंकेबलय दीप अथवा श्मशानय
मयंकुसे पहाडया उच्च उच्च भागय यंकी । थुगु पहाडया क्वय्या भागं क्वहां
वयाच्चंगु ततः धंगु खुसि खः । थन अग्नि दाहया नामं लासया म्हुतुइ धं छपु
च्याका तइ । अले लासयात खुसिइ लाइगु कथं पहाडं कुतका छवयाबी ।

अग्नि दाह यायेत विधिवत् दीप मदुगु यासय अथवा अग्नि दाह यायेत
सिंया अभावया कारणं यानाः अजागु यासय थुगु कथं दाह संस्कार याना
वयाच्चंगु जुइमाः ।

पृथ्वीतत्त्वय् लीन यायेगु

गथे अग्नि-संस्कार अन्तिम संस्कार मखु । अथे हे जल प्रवाह नं अन्तिम संस्कार मखु । अग्नि-संस्कारया अन्तिम अन्तिम चरणाय् “अस्थि” धकाः साहा साहालय् च्वंगु मिं नःगु, क्वैय् तुक्रा कायेगु परम्परा दु । श्व अस्थियात बडा जलपर्वक शुद्ध वस्तुया रूपय् छँ हयाः सुनानं मथिइक तयातइ ।

श्व अस्थियात थी थी पर्वय् चाया चैत्य दयेकाः चैत्यया गर्भ दुने तयाः विधिवत् पूजा भाव याइ । लय् लय् पतिकं तीर्थ तीर्थय् श्राद्ध यायेबलय् थजाःगु ज्या जू । छँ लख चैत्य थायेगु धकाः एक लाख संख्याया चैत्य दयेकइ । श्व लख चैत्य विसर्जन यायेबलय् नं अस्थि मार्जन यायेगु ज्या जू । नमोबुद्ध धकाः नम्रा भगवानया समीपय् च्वनाः श्राद्ध याइ । थबलय् अस्थिया भाग तयाः दयेकुगु पिण्ड श्व नमो बुद्धचैत्यया गर्भय् दुने स्वथनेगु ज्या यायेमाः । श्व फुक्क विधियात चाया तत्त्वय् लीन याना छ्वःगु भावं जुइ । थुकियात अस्ति पुइकेगु धाइ ।

बाहा ब्यनके मजुइवं मदुम्ह बाहा व मचाब् ब्यंके मलाःनिबलय् मदुम्ह मचायात नं खुसिसिथय् भूमिइ गाः म्हुया पृथ्वीतत्त्वय् तप्यंक लीन यायेगु संस्कार जुइ । थुजाम्ह मचायात गाःमचा धाइ ।

वायु प्रवाह

थाय् यासय् थी थी पर्वय् छयछयं वःगु अस्थिया शेष भागयात अन्तिम संस्कार यायेगु ज्या वायु-प्रवाह खः । शेष अस्थियात नचुक निनाः धू जुइकी । श्व धू अस्थियात जातमात्रच्च धकाः जामाच्च पर्वतय् वनाः विधिवत् पूजा यानाः फसं पुयेका छवयेगु ज्या जुइ । श्व विधियात वायुतत्त्वय् समर्पण यायेगु कथं नालाकया वयाच्चंगु दु ।

नेवाः बौद्ध समाजय् छम्ह मनूयात थये हे प्यथी कथंया दाह संस्कार यायेगु व्यवस्था दु । श्व प्यंगूकथंया दाह संस्कार यायेमाःसां अग्नि-संस्कारयात प्राथमिकता बियातःगु दु । दकले न्हापां अग्नि-संस्कार याइ अनं लिपा जल-प्रवाह, पृथ्वी-प्रवाह व वायु-प्रवाह याइ । श्व अग्निदाह संस्कारयात प्राथमिकता बियातःगु क्रिया स्वास्थ्यया दृष्टिकोणं नं उपयुक्त

जू । कीटाणुत दक्क मिड छुया वनिगु जगु कारण न्वय् छु दसा अन मेथाय् मेथाय् फैलय् जुयावनिगु खँ मद् । आर्थिक दृष्टिकोण म्वयेबलय् नं थ्व क्रिया पायछि जू । जमिनय् गाः म्हुया चा न्हाकेगु जमा जमिन न्यायेत हे छेबा माल । सिद्धिपिं दक्कसित थये जमिनय् तयेगु अबस्थाय् म्वानाच्चपिं मनूत हे च्वनेत थाय् दइमखु जुड । गाः—मचा अर्थात् बुड धुनेव मचाव् व्यंके मनाःनिबलय् सित धाःसा जक बैय् गाः म्हुयाः दुत स्वनिगु खः । अन बाहानःपिं व्यंके न्ह्यः सित धाःसा अजापिन्त जक गाः म्हुया संस्कार यायेगु जुयाच्चंगु द् । यजागु घटना म्हो हे जक जुड । अकिं नेवाः बौद्ध समाजय् अग्नि दाह संस्कार यायेगु क्रिया सकतां पायछि जू ।

दाह संस्कारय् संस्थागत व्यवस्था

मृत्यु निश्चित खः, धुव सत्य खः । अकिं मनू सिद्धिधुंका लासयात विधिवत् मदयेका छवयेगु ज्या याये माः । यजाःगु ज्या याकःबुकःनं जुडगु मखु । छँ जःपिं थः स्यान्हाम्ह मृत्यु जगुयात आकाशं वज्र कुतुवःगु ये फयां फये मफुगु दुःख अफशोचया भुमरीइ दुनाच्चनी । थये धैर्य हे धारण यायेगु अवस्थाय् मदुपिसं सिद्धिहसियागु लासयात गये यानाः नाश याना छवये फइ ? थ्व संभव दुगु खँ मखु । यजाःगु अफशोचया खँ न्ह्याम्हसितं न्ह्यागु छँ नं छन्हु मखु छन्हु लाः वडगु अवश्य खः । अकिं सहयोगया भावना दयेकाः ज्या न्हंकेगु नितिं न्ह्याबलेस नं ज्याखेलय् वयेकिगु कथं संस्थागतया अवधारणा ब्वलंकातःगु दु । थ्व छगू नेवाः बौद्ध समाजया विशेषता खः । थन थ्व विषयय् चर्चा यायेबहः जू ।

गाँ व्यवस्था

सिद्धिह लासयात छँनिसें माःगु कथं ज्या यानाः दीपय् यंकाः छवयेका छवयेगु व भष्म प्रवाह तकं यायेगु ज्याया भारा काइगु छगू ब्यागलंया व्यवस्था दु । थये व्यवस्थायाइपिंत गाँ धाइ । गाँया व्यवस्था प्राचीन खः । गाँ धकाः ज्यापू पुचलय् दुने छयी ब्यागलं कथंया समाज दु । गाँ समाजयात वार्षिक शुल्क कथं खाद्यान्न व धिबा दैय् दैसं बिया च्वनेमाः । अले थये सित तन जुडगु बखतय् विशेष शुल्क पटके पुँलेमाः । थये वार्षिक शुल्क व विशेष पटके शुल्क मुनाःवःगु आयस्तां थ्व गाँ पुचःया ज्या सञ्चालन जुया च्वनिगु खः ।

गौं समाजं देवं फायेकेगु, सिथं यंकेगु, श्मशानय् सिद्धम्ह छवयेकेगु, मुकेगु, भष्म प्रवाह यायेगु आदि इत्यादि सकतां ज्या याः । सिद्धयाय् दुगु व्यवस्था अनुसार थ्व ज्या थप घट नं जू ।

सिद्धगुथि, सनागुथि आदि विकास जुया वःलिसे गौं समाजया ज्या म्हो जुजुं वःगु दु । थौं कन्हे सिद्धगुथिया सनागुथिया विकास व विस्तार जुयावःगु दु । अले गौंसमाजय् नं थजाःगु लजगाःया ज्याय् गौं समाजया न्हूगु पुस्तापिनि चासो कम जुजुं वःगु कारणं गौंया ज्या नगण्य धायेमाः ।

सनागुथि

थवं थः मिले चुले जुयाः सहकारिता भावनाय् सिद्धबलय् विधिवत् व्यवस्थित कथं हाली ग्वाहाली यायेगु कथं स्वनातःगु पुचःयात सनागुथि धाड् । सिद्धम्ह मनूया लासयात श्मशानय् तक यंकाबिद्धत माःगु ज्या दक्वं याना बिद्धगु तकं थी थी स्तरया सनागुथि दु । युक्तिया संचालक गुथियारपिसं याड् ।

सनागुथिद्ध गुथियारतय् पालंपाः यानाः गुथि न्यायेकेगु व गुथिया सिद्ध उथये यायेबलय् यायेमाःगु ज्या नं थःपिनि दथुइ इनाः इनाः (श्रम विभाजन) जुड् ।

सु क्वबिद्धगु, भाजं क्वबिद्धगु, सिद्ध क्वबिद्धगु, कूताः दयेकेगु आदि इत्यादि मुख्य मुख्य ज्या नं पाः कथं गुथियारतय् दथुइ स्वतः व्यवस्था जुयाच्चनी ।

सिद्धगुथि

सनागुथि धालकि सिद्धम्ह दीपय् तयाः मि मतःतलय् यायेगु ज्या तक सीमित जुड् । सिद्धम्ह लासयात दाह संस्कार धाःसा याइमखु । सिद्धगुथि जुलकि सनागुथि स्वयाः नं छगू तगिं च्वय्यागु जुल । अर्थात् सिद्धगुथिया व्यवस्थाय् सिद्धम्ह उना छवयेगु, मुकेगु अर्थात् उना छवयेगु ज्या त्यं मदयेक क्वचायेकेगु, नौ(भष्म)या म्ह ज्यानाः खुसिद्ध प्रवाह यायेगु आदि तकं यायेगु जुड् ।

सिद्धगुथि व सनागुथि न्नापचाप यानाः आर्यिक व्यवस्था यादगु चलन दु । आः यको थासय् म्थायी कथया आर्यिक कोष दयेका हःगु दु । दैय् दैस अथवा दच्छिया निक्वः गुथि न्यायेकाः गुथियान सन्नगता व व्यवस्थित रूपं सञ्चालन याना वयाच्चंगु दु ।

विचाःगुथि

सिद्धम्हसियागु छैय् वनाः छँजःपिन्त सान्त्वना बियेगु कथया गुथि नं दु । थः स्यान्याःहापिं सुं मन्त धायेव थःगु गुथियाके विचाः वनेत ग्वाहाली काः वनी । अले गुथिया गुथियारत मुनाः सान्त्वना ब्यवनेगु ज्या जुड । थजाःगु ज्या दीपया ज्या सिधयेकाः सतिकुन्हु सुय न्हापां सकलें मुनावनेगु चलन दु । गनं गनं सिद्धगुथि व सनागुथिं थजाःगु ज्या नं याः ।

जातः संस्कार

नेवाः बौद्ध समाजय् जातःया व्यवस्था दु । जातलय् ब्रूगु सम्बत् सूर्य उत्तरायण दक्षिणायन, ऋतु, महिना, पक्ष, तिथि, नक्षत्र, योग, वार आदि उल्लेख यानाः अकिया आधारय् जन्म जूगु अवस्थाय् ग्रह नक्षत्रया स्थिति, अले थकिया लिधंसाय् राशि, स्वामी, योनि, शत्रुयोनि, आदि, मध्य, अन्त्य नाडी, अष्ट योगिनी दशा आदिया स्थिति च्वयातःगु दइ । ज्योतिष शास्त्रीतपाखें च्वकातःगु थजाःगु विवरण जन्म पत्रिका वा जातलय् दइ । थ्व जातःयात अन्नप्राशन यादबलय् इच्छाभुइ तयाः मचायात विधिवत् तःल्हानाबिइगु याइ । दिन दशा भिं मभिं गथे खः धकाः बेला बखतय् ज्योतिषयात क्यनाः दशा फायेकेगु ज्या याइ । गैर बौद्ध क्षेत्रय् नं जातःया संस्कृति दु । थ्वयात खय् भाषं चिन्हा धाइ ।

जातः धैगु मनूया किपा वा प्रतीक खः धकाः च्वय् न्हयथनागु दु । मनू मदुगु जातःया छुं महत्व मदु । मनू मदुगु जातः नं निष्प्राण समान खः । अकिं थजाःगु अवस्थाय् जातःयात तयातयेगु छुं औचित्य मदु । अर्थात् जातः धैगु मनू समान खः । अकिं मनू सितकि जातः नं सिद्धगु हे बराबर जुल ।

अकिं जातःयात नं सिद्धम्ह मनूया कपालय् चिनाः श्मशानय् दाहसंस्कार
यानाछवइ । सिथं यंके पूर्व ज्याया परिच्छेदय् उल्लेख जूगु दुखापिकां तियेके
धैगु खण्डय् श्व जातः संस्कारया विषयय् उल्लेख यानातयागु दु ।

लास परदेशय् संस्कार

मनू गबलय् सिद्ध, गन सिद्ध, श्व सुनां नं धायेमफु । “सिद्ध म्वाइ सुनां
धायेफु” धैगु उखान हे दु । न्हापा न्हापा थें मनूतय्गु चहलपहल
(:यखभभलत) प्रायः शून्यगु अवस्था नं थौं कन्हय् मखु । बन्जाया व्यवसायय्
न्हापा नं मनूत परदेशय् अखे थुखें वनेगु याः । थौंकन्हय् आधुनिक यातायात
व सञ्चारया युगय् थजाःगु वये वनेगु थितुं थिइक अप्वः जू । अकिं जन्म
जूगु अर्थात् बूगु छैय् हे सिद्धगु अर्थात् मरण जुइगु धैगु जुइमाःगु मदु ।
परदेशय् हे मृत्यु जुयाः अखे हे दाह संस्कार जूगु घटनात नं यक्व दु ।

तर जातः मनू गन गन वन, अन अन घानाजुइगु वस्तु धाःसा मखु ।
अकिं मनूया सीम्ह जक दाह संस्कार जुयाः जातः संस्कार मज्गु अवस्था
यक्व दु । थजाःगु अवस्थाय् छैय् जातःयात विधिवत् दाह संस्कार याइ ।

अथे धैगु जातःयात विधिवत् देवं फायेका, दुखापिकां तियेका, सिथं
यंकइ । कूताःया पलिसा धकिइ जातः तयायंकी, बाजं नं तइमखु । मेगु
विधिवत क्रिया पूर्वका अग्नि दाह याइ । सिद्धम्ह मनूयात गथे गथे याये माःगु
खः व दक्व विधि पुरा याइ ।

लास अत्तापत्ता मदुगु अवस्थाय् गबलें गबलें ला मनूया लास हे
अत्तापत्ता मदयेक च्वनी । मृत्यु जुयाः युद्ध भूमिइ मदुगु, भोखाय् ब्वयाः
ल्हानाः लास अन थन मदयेक जुयावंगु, खुसिं चुइकायंकुगु आदि इत्यादि
अवस्था कल्पना यायेबहः जू । थये अत्तापत्ता मदयेक अखे वं थखे वं मदयेक
सिना तनावंपि मनूतय्गु अवस्थाय् गुलिखे वर्ष तक तं च्वनाःलि लिमथ्यंपि
मनूतय्गु संस्कार नं जातःया माध्यमं दाह संस्कार यायेगु परम्परा दु ।

श्व जातःया संस्कार न मनतयग् दुर्गातिपाखें मोक्ष जुयाः सुगति छवयेगु विधियात त्वःमर्फिकेगु नेवाःतयग् संस्कार च्चछायेबहःगु खः । ल्हासा वनाच्चंम्ह सुरतवज्र सित धकाः सीपी वःगु आधारय् थन छैय् दाह संस्कार क्रिया कर्म जूगु धाड । सम्भवतः अबलय् नं यथे हे जातःयात संस्कार याःगु खड ।

उत्क्रान्ति क्रिया

सिद्दगु अवस्थाय् सिद्धम्हसिया चित्तया स्वभाव गथे जुल अथे हे मरणोपरान्त भोग याये माली धैगु बौद्ध दर्शनया मान्यता दुगु जुल । सिद्धम्हसिया जिगु चित्तया श्व अवस्थाय् सिनागु खः धकाः धाः वडगु खें द हे मदु । अकिं सिद्धम्हसिया छँ जःपिन्सं सिद्धम्हसिया सुगति लाकेगु कथं माःगु तक ज्या याडगु बौद्ध समाजया धर्म जुयाच्चन ।

श्व हे धर्मय् सिद्धम्हसियागु हंस हानं छक्वः लित हयाः म्हय् दुने तयेगु अले विधि विधान पुवंकाः सिद्धम्हसिया चित्तय् छुं कथंया मभिं मदयेक हानं सिका तं छवयेगु ज्या दुसा गुलि बांलाः जुड । श्वयात विधि व्यवहारय् हयेगु विधानयात उत्क्रान्ति क्रिया धाड । उत्क्रान्ति क्रिया वज्राचार्य, शाक्य व उदाय समाजय् जक दु । थुलि समाजय् नं दीक्षा दुपिं जूसा जक याये जिउ धाड । तर श्व विधि असाध्य दुर्लभगु खः । थकिया शील आचार संहिता यक्वं दु । आः अथे उत्क्रान्ति क्रियाया योग साधना कयातःपिं गुरु पुरोहित नं म्हो जुया वनाच्चंगु दु । आःया अवस्थाय् विहारया थायपा जुल, अथवा समाजया नायः थकालि जुयाः मृत्यु जूपिन्त जक अनिवार्य कथं श्व विधि जुयाच्चंगु खनेदु ।

उत्क्रान्ति क्रिया याडपिन्त मनू सिद्धधुकुंसा नं थकिया घोषणा जुडगु कथं छुं हे ज्या जुड मखु । गुथियार परचक्र आदि सुइतं सिद्धके बिडमखु । सिद्धगु अवस्थाय् छवयेगु ज्या तकं वर्जित यानातःगु दु । थन सिद्धगु हे मखुनि धैगु भावना खः ।

गुरु पुरोहित वड, मृत्यु अवस्था स्वड । सिद्धम्हसित चिकं क्वाः तयाः मुलिपतिं (वज्रासन, पद्मासन नं धाः) थ्याकाः फेतुके ज्या जुड । अले ग्व मतुके कथं छथाय् लिधंका तड । चसुप्वालय् व उखेथुखे सँ खाकेगु ज्या

जुइ । सँ खाकुगु थासय् रक्तचन्दन चूलाः पाकेगु ज्या जुइ । दीक्षाया लं भवत
फिकेगु जुइ । यःम् (पूजाबलय् छयलातःगु वहःयागु मिखा) तकं तिकेगु जुइ ।

विधि विधान कथं पञ्चशाली वज्रवाराही मण्डल, धौपती, सुकुन्दा,
कुण्डधारा १ गः चाया अंप ४ गः आदि तकं स्थापना यानाः कोतः ज्वलं
सहित तथाः पूजा जुइ । पूजाया भवलय् मृतकया हंस गुरु पुरोहितं सःता
कायेगु ज्या जुइ । न्हापा न्हापा थये सिद्धिहसिके कारोबारया खँतकं न्यने
कनेगु ज्या जू धाइ । विधि दक्कं क्वचालकि पूजा विसर्जन यानाः माःमाःगु
ज्या सिधयेकी ।

थजाःगु ज्या क्वचालकि अले विधिवत् छ्वयेमाःपिं छ्वयाः मृत्युया
प्राकृतिक सूचं बिइ । थनं लिपातिनि औपचारिक रूपं सिद्धिगु धकाः घोषणा
जुइ ।

उत्क्रान्ति क्रिया जूपिन्त खाइबःसिमाया सिँयागु खतय् तथाः थाय्पा
जूसा छत्रं कुइकाः जात्रा यानाः दीपय् यंकेगु याइ । थये सिद्धिह मिसाम्ह जूसा
खतय् तइमखु । वयात चिकं थाकाः क्वाः बियाः हानं ग्वतुकाः कुतालय् तथाः
सिथं यंकेगु याइ ।

अनं लिपा गुथियारतय्त धायेगु निसैं कयाः सिथं यंके पूर्वया ज्या
सकतां उयेतुं खः । थये सिथं यंकेबलय् काहा बाजा अनिवार्य यानातःगु दु ।
सिद्धिहया नीगु वसःयागु ३ प्वाः महादीप दयेकी । थुकियात पुलुपुलु धाइ ।
थ्व महादीप दयेकाः ज्वनावनीपिन्त नं पुलुपुलु हे धाइ । पुलुपुलु न्हापा
अनिवार्य जूसां थजाःगु ज्या याःपिं न्हावने धुंकल ।

शव यात्रा

दकले न्हापां बाजं खलः वनी । अकिइ नं काहा भुजानिं न्हापा च्वनी ।
काहाबाजंयात जयतूर्ज्य, इन्द्रबाजं आदि नं धाः । काहा बाजं धैगु ताहाकःगु
पुइगु बाजं खः । थ्व बाजं पुयेगुया अर्थ देवराज इन्द्रयात सूचं बिइगु खः ।
अकिं थ्व बाजं पुलकि स्वर्गय् राज यानाच्चम्मह द्यःतय् नं जुजु इन्द्र स्वः मवसे
मगाः धैगु खँ दु ।^१ थ्व बाजं तथाः सिथं यंकुम्ह मन् स्वर्गय् बास लाइ धैगु

१ मदन सेन बज्राचार्य, नेवाः बीइ संस्कृतिइ लोक बाजा, नेपाल मण्डलया बीइ संस्कृति
सम्मेलन : छगु प्रतिवेदन, १९९९, पृ. ३२३ ।

अवधारणा दु । काहा बाजं धुंकाः अर्नानि तिनि नायबाजं च्वनी । नायबाजं धकाः नार्याख व भ्याली दइ । यजाःगु बाजं फरमायस कयं म्थ्यायमचातयसं नं तयेगु याइ । थ्व सीबाजं जोर याये मज्य बिजोर खाकेमाः । नायबाजं सिइबलय् थायेमाःगु ताल व बोलि वयेका लें दुच्छिं या यावनी । गनं गनं विशेष थासय् थ्यनिबलय् बोल पाकेमाःगु नं दु । अजाः याय् बोल पाकाः बाजं थाना वनी । बाजंया ताल व बोलिं तापाकं च्वापिन्सं नं थ्व सियं हःगु बाजं खः धकाः सिइकाकायेफु । थ्व बाजंया ताल व बोलिया विशेषता हे थ्व जुल । सीबाजं थाइगुयात “तुं छ्याँय्, पाकुं छ्याँय्” धाइ ।

बापां दायेका धकाः दुवातय् दुवातय् अयवा द्यःत दुगु यासय् पुलु टुक्राय्, वाः फिप्, अवीर व धिवा नं ततं वनी । यये याइपिन्त भुजं धाइ । दुवाः पतिकं ताः क्वछुकाः थायेगु याइ । उकिं मेबलय् क्वछुकाः ताः थायेमत्यः धाइ । खुसिइ थ्यनकि बाजं खुसि पारी वनेगु वजितं यानातःगु दु । वारीइ हे च्वनाः मि तये सिमधःतलय् बाजं थायेगु दिकी मखु । सिइम्हयात मि तयेत तिँप्वाः ज्वनाः चाःहगु खन कि मेकयं बाजं थानाः थायेगु दिकाछ्वइ ।

बाजं लिउने पुलुपुलु च्याकावनिपिसं पुलुपुलु ज्वनावनी । यजाःगु पुलुपुलु छगू जक दइ मखु । स्वंगू तयेगु चलन दु ।

सु क्वबीपिं, भाजं क्वबीपिं, वा हवलीपिं, ताय् अबिर धेवा हवलीपिं, जिलाजपिं, धुं ज्वनाः दुर्गतिपरिशोधन पाठ याइपिं गुरुजनपिं धुंकाः थन न्याम्ह कुण्डाला धारा लँज्वःछि हायेका वनिपिं च्वनी । मितइम्ह सियां लँया कुण्डाला हायेका वनी । व न्याम्ह मध्य् दकले लिपा च्वनी । कुण्डालाय् कुसुं दुगु लः थनिगु खः । थ्वया न्ह्यो मेपिं प्याम्ह क्वजि कयं न्हापालाक च्वनाः चाया अपंया धारा हायेका वनी । थ्व न्याम्ह बाहेक मेपिं छ्वयावनिपिं सिइम्हया लिउने च्वनी । थये वनिपिनि धोतिं चिना वनेगु याना वयाच्चंगु दु ।

थन दीपय् थ्यंकाः खुसि सियय् तयाः लः त्वंकेगु लिक्वकिला पिण्ड अजाःगु ज्या जुइमखु । तप्यंक दीपय् यंकाः होम कुण्ड सहित दयेकातःगु सिप्यै तइ ।

उत्क्रान्ति क्रिया कथं थन होम विधि जुइ । होम यायेबल्य् छयालिगु ग, वज्र, सुतुपाः चत्वा आदि दक्वं खाइबसिमाःया सिंयागु दयेकी । होमय् अग्नि स्थापना याइबल्य् जज्ञय् मि तये यासय् मृतकया देहय् मि तयेगु ज्या जुइ । मि तइबल्य् न लः धाः तइबल्य् थें स्वचाः न्ह्यः कथं व स्वचाः अःकथं चाःहुयेकाः मि तयेगु याइ ।

दाह संस्कार यायेगु क्रिया सिधः मधः जूबल्य् साहा साहा पतिकयागु भष्म क्वेंय् प्रमाण मात्रा कथं मुनेगु जुइ । थ्वयात अस्थि कायेगु धाइ । अन्तक्रियाया विधिइ धाःसा थ्व अस्थि कायेमाःगु अनिवार्य जुल ।

मुकेगु

शरीरया दक्वं भाग भष्म जुइक छ्वःगु खः मखु स्वयेगु ज्या जुइ । दक्वं भष्म जूगु पक्का जुलकि लः तयाः ग्वानाच्चंगु मि स्यायेगु जुइ । उत्क्रान्ति क्रिया भूवल्य् थ्व हँवाः नौ आदि फुक्क दीपय् तुं मुंकाः भेगतं त्वपुंया थकिइ । प्यन्हुलिपा नौ चुयेकेगु भष्म प्रवाह अथवा नौ चुइकेगु ज्या जुइ ।

प्यन्हु तक भष्म भ्यगतं त्वपुंयाः दीपय् तयातइ । प्यन्हु कुन्हु थ्व नौयात नं भष्म यायेमाः । अकिं धकिं छपातय् थ्व नौयात ग्वतुलाच्चंम्ह मनूया मूर्ति आकार वयेकाः म्ह ज्याइ । मिखाया कथं हथं तइ । म्हुतुया कथं कौ तइ । थ्व मूर्तियात आः अग्निं भष्म याये फइमखु । अले जल प्रवाह यानाः भष्म याना छ्वयेगु कथं खुसिइ हयाः चुइकाछवइ । आः शरीरया शेष भाग नौ तकं बिलीन जुयावन । थ्वयात मुकेगु व नौ चुइकेगु नं धाः ।

भगवान बुद्धया शरीर दक्वं नौ मजू । अस्थिधातु तू पायग्वः च्वकि पायग्वः मू पायग्वः जुयाः गुलि गुलि चिनावन धाइ ।^१ थये जुइगु सिद्ध पुरुषपिनिगु लक्षण खः धाइ ।

क्रिया च्वनिगु

मि तःम्हसित मोल्हुकाः धोति चिकाः सुनानं मथिइक छँय् लित हइ । च्वकाबजि आदि तयाः बलिं पियाः दुकाइ । सुनानं मथिइक छेलिइया छगू थासय् तइ । लासाय् छने मजिउ धकाः सु लानाः अकिया छःने छबः जक

१. भिक्षु अमृतानन्द, सक्षिप्त बुद्ध-जीवनी, (काठमाडौं : आनन्दकुटी विहार, वि.सं. २०४०) पृ.१४१।

कापः तथाः चवनी । न्हिं छःछाः नद । यःम्र त् अथवा पासा च्वम्हसिनं जा
युइका नकेगु याइ । दम्ब्यं तलय् यथे ते चवनी ।

दशपिण्ड विधान

श्व क्रिया अन्त्येष्टि क्रियाय् मयासें मगाःगु यानातःगु जुल । सुथय्
सुथय् खुसिइ वनाः दशपिण्ड यथेगु ज्या जुइ । र्याकिया विस्तृत विवरण श्राद्ध
खण्डय् च्वयागु दु ।

बाखं कनेगु ज्या

न्हिनय् न्हिनय् संसार धैगु अनित्य खः धैगु कय्या बाखं गुरु पुरोहित
वयाः कं वथेगु ज्या जुइ । युबलय् 'बुद्धोक्त संसारमय' या बाखं कनिगु खः ।

न्हय्न्हु दुकुन्हु भष्म चैत्य दयेकेगु

श्व कुन्हु दूब्यंके न्हयः सुथय् अस्थि तथाः दीपया न्हयोने खुसिइ
कचिअपाया चैत्य दयेकी । श्वयात भष्म चैत्य धाइ । श्व चैत्ययात प्राणप्रतिष्ठा
तकं ज्या यानाः होम याइ । थनं लिपा दूब्यंकेगु ज्या जुइ । दूब्यंके सिधयेव
होमादि कर्म पिण्ड आदि ज्या जुइ । मरी भू कुलाभू समेत जुइ । लोकोत्तर
पूजा जुइ । शेष बलितकं ज्या जुइ । चर्यागीत जुइ तर थन शेषबलिइ नृत्य
धाःसा जुइमखु ।

बहनी दक्क ज्या सिधलकि तीर्थय् वनाः जाःप्वः खायेगु ज्या
यायेमाः । थथे क्रिया यायेबलय् कन्हे कुन्हु निमोह धकाः याये माःगु मदु ।

न्यापाः मण्डल

स्वलाया क्रिया याये न्हयः पञ्च ध्यानी बुद्धया छम्ह पतिकं छपाः मन्दः
यानाः न्यापाः मन्दः च्वकेगु ज्या जुइ । न्हिया न्हियं अक्षोभ्य समाधि विधि
कथं हस्तमुद्रा सहित पूजा जुइ । थन अस्थि सिलेगु विधिकथं नं पूजा जुइ ।

लख चैत्य

एक लाखया हिसाबं चाया चैत्य थायेगु ज्यायात लख चैत्य थायेगु
धाइ । चैत्य दयेकेत चा कायेगु नं पूजाविधि दु । पूजाविधि कथं विधिवत् चा

कायेगु थासय् पूजा यांना: वहःया कू व लुँया कुलि चा पाला कायेगु याइ । अनलि न्हिया न्हि दक्व छँजःपिं च्वना: मनसे शूची निची यांना: छः थायेगु ज्या जुइ । चैत्य दयेके सिमधःतलय् छा: लाभा प्याज गोलभेडा मुसू आदि भक्ष यायेगु वर्जित यांना तःगु दु । लख चैत्य प्रतिष्ठा यांना: लिपा खुसिइ यंका: चुइका छवयेगु जुइ ।

मृत्यु संस्कारय् पंया भूमिका व अर्थ

सिद्धम्ह श्मशानय् तक यंकेगु ज्वलंयात कूता: धाइ । उत्क्रान्तिक्रिया या:सा खतय् तया: यंकइ, कूता: म्वाल । मिसाम्ह जूसा उत्क्रान्तिक्रिया जूसां खतय् तइमखु, कूता: हे छ्यली । मिजंम्ह जूसा कूता:या सट्टा खतय् तया: सिथं यंकइ ।

कूता: पंयागु दयेकी । कूता: सजये यायेत ध्वाँय् आदि दयेकेत तिँकथि छ्यली । तिँ धइगु नं पंया प्रजाति हे खः । संक्षेपय् कूता:(ध्वाँय् नाप) दयेकेत पं व पंया सामान छ्यलिगु खः । पं धइगु छगू कथंया सिमा जुल । जमिनं थाहां वया: छुंभचा लिपा अन गथि थेंजागु स्वापू दइ । वहे स्वापूया गथिं हानं च्वय् चुलि थाहां वइ । एवं प्रकारं आकाशमुखी जुया थाहां वनी ।

पंयात संस्कृत भाषाय् “वंश” धाइ । “वंश” निरन्तरताया प्रतीक खः । छगू वंश फुना: मेगु वंश प्रारम्भ जुयाच्चनी । वंशया आदि नं महु अन्त नं महु । ध्वदुके थाकु । यन थ्व खँ जाति विशेषतापरक मखु । जाति विशेषताया वंश केवल मनूतय्गु भावनामयी जक खँ खः । संज्ञावाचक जक खः । मानव जातिया पुरुषपाखेया आधारय् वंश परम्परा उल्लेख यांनाच्चनागु खः । सिद्धम्ह मनूयात पंया कूतालय् तयेगुया अर्थ नं छगू “वंश” फुत मेगु “वंश” प्रारम्भ जुल धका: संकेत खः । चन्द्रकीर्तिजुयागु प्रदीपोद्योतनय् थये श्लोक ब्वनेदु :-

“वंशस्तदभवदा भाति रागादि प्रसवान्वितम् ।

आलोकाभास विज्ञानमुपाय इति संज्ञितम् ॥”

भावार्य : छगू इच्छा पुरा जुयेवं मेगु इच्छा सृजना जुया वइगु नियम खः । थ्व नियम पंमा गये खः अये हे खः धका: तुलना यांनातःगु जुल ।

श्व श्लोकयात पं. दिव्यवद् वज्राचार्यन् कुल परम्परा न्ह्याकेगु “वंश” लिसे स्वाप् तया बिया बिज्यागु अर्य यये खः - “उपाय धकाः धयातःगु आलोकया आभास जुयाच्चंगु विज्ञानय् राग आदि उत्पन्न जुयाच्चंगुलि व विज्ञान वंशयात (कुलपरम्परा) न्यवा बियाच्चंगु ये आभास वयाच्चन ।”

पंयागु थजाःगु प्रकृतिया प्रतीक स्वरूप सियं थकंगु कृताः दयेकेत पंयात छयलाच्चंगु खः । कृतालय् जवं खवं सजय् यायेत दयेकेगु ध्वाँय् नं तिकयि प्रयोगय् हइ । तिकयि धैगु नं विचय् विचय् गौ गायि दयाः पंया हे आकारया खः । तिकयि पंया प्रजातिया रूप खः । खतय् तयाः सियं थकेत दयेकिगु खत धाःसा पं छयलिगु मखु । अय् नं खतय् प्यकुनेसं तइगु ध्वाँय् दयेकेत व धाःसा तिकयि हे प्रयोग जुइगु खः । खः क्वबुद्धत नं पं माः । अकिं पंया प्रत्यक्ष अथवा अप्रत्यक्ष रूपय् पंया थाय् ग्यसुलंक खनेदु ।

गुरु वज्राचार्यपिनि षोडश लाश्या धकाः भाव नृत्य याइबलय् “वज्रवंशे त्रौ” धकाः धयाः वंश परम्परायात सम्मान यानातःगु खँ नं थन लुमकेबहः ज् ।

श्राद्ध कर्म

“श्रद्धा व विश्वास” जगत संसारया मेगु नां खः । श्रद्धा व विश्वासय् श्व संसार न्हयानाच्चंगु दु । श्रद्धा व विश्वास बांलाः जुतलय् संसार नं बांलानाच्चनी । श्रद्धा व विश्वासय् कुंखिने माःलिसे संसारय् विकृति नं वइगु खः । अले थवं थः दथुइ ल्वापु थयाः आरोप प्रत्यारोप जुइगु खः । श्व ल्वापुया चरमोत्कृष्ट अवस्थाय् हातहतियार अस्त्र शस्त्र नं छयले मालाः रक्तपात तक जुइगु खः ।

मृत्यु पश्चात् जुइगु संस्कार नं श्रद्धा व विश्वासय् हे दिनाच्चंगु दु । मृत्यु पश्चात् मृतक दुर्गतिइ मलायेमा, दुःख मोचन जुयेमा, मृत्यु जूम्हसित छुं कथंया दुःख मजुयेमा, सुखावती भुवनय् वास लायेमा, मोक्षपद लायेमा आदि आदि खँय् श्रद्धा व विश्वासय् अनेक संस्कार कर्मया उत्त्लेख जुयाच्चंगु धलः दु । अकिइ मध्यय् श्राद्ध नं छगु संस्कार खः । मृत्यु जुयाः दागवति बिइन्ह्यः याइगु लिक्वकिला (क्रिया) पिण्ड, घःसूया श्राद्ध, मृत्यु जूसां निसै भिन्हुतक न्हिन्हिं याइगु दशपिण्ड श्राद्ध, लय्लय् पतिकं याइगु श्राद्ध, लत्या श्राद्ध

षोडशापण्ड, स्वला, खुला, दाकला, निर्देया तीर्थ धका: याइगु श्राद्ध, अले वर्ष पतिक याइगु वार्षिकी श्राद्ध आदि दक्कं क्रिया श्रद्धा व विश्वास हे ख: ।

दिवंगत माँबौपिन्त श्रद्धा भाव यायेगु खँ भगवान बुद्धया जीवन कालय् नं दु । पूर्व पश्चिम दक्षिण उत्तर च्वय् क्वय् स्वया: सुथ न्हापां मोल्हुया नमस्कार याना च्वनिम्ह सिगाल धैम्ह छम्ह युवकयात श्व विषयय् ब्यगु अर्ति उपदेश सिगालवाद सूत्र धका: न्यने ब्वनेदु । य:त जन्म बिया: ब्वलंका थकुपिं थ: माँ बौयात श्रद्धा भाव तथा: पूर्व दिशापाखे स्वया: न्हिथं सुथय् नमस्कार यायेमा: धका: सूत्रय् च्वयात:गु जुल । दिवंगत माँबौपिनिगु थाय् पूर्व दिशा जुल । अकिं पूर्व दिशाय् नमस्कार यायेगु ख: । इपिं पुलावने धुंकुपिं जगुलिं नं इमित पूर्वगम धाइ ।

भगवान् बुद्ध नं दिवंगत जुइधुंकुम्ह थ: मां मायादेवीयात तरे यायेत वसपोल स्वयं अन स्वर्गय् बिज्याना: अभिधर्मया खँ कना: बिज्यात धैगु साहित्यय् ब्वनेदु ।

मनूतय्सं थ:गु कर्मया फल भोग यायेमा: धैगु बौद्ध दर्शनया म् खँ जुल । मृतकं या:गु कर्मया फल नं व मृतकं म्वाना च्वंबलय् भोग याये मखना: छुं बाकी दनिसा सिइधुंका: जूसां भोग यायेमा: धैगु बौद्ध अवधारणा ख: । बांला:गु कर्म जूसा बांला:गु फल भोग याये दइ । बांमला:गु कर्म जूसा बांमला:गु हे फल भोग यायेमा: । श्वयात थन क्रमश: सुगति व दुर्गति धाये । सुगति वंगु जूसा ला अन छुं समस्या मदु धाये । दुर्गति वनाच्चंगु जूसा ला दुर्गति मोचन यायेगु उपाय ला याये मा:गु खनेदत । मृतकया थ:थिति काय् म्थ्याय् दाजु किजा आदिपिनिगु मृतकयात दुर्गति मुक्त यायेगु कर्तव्य नं ख: ।

थकिया उपाय नं दु । बौद्ध दर्शनया छगू अवधारणा श्व नं ख: कि थम्हं यानागु पुण्यया प्रभाव मेपिन्त लाके जिउ । श्वयात पुण्य संभार यायेगु अले व पुण्य थ: य:पिन्त ला: वनेमा: धका आशिका यायेगु । थये आशिका जीवित मनूतय् नं छवये जिउ । दिवंगत जुइ धुंकुपिन्त नं छवये जिउ । श्वयात पुण्यानुमोदना धायेगु या: । मृतकया नामं पुण्यानुमोदना यायेबलय् व पुण्यया लाभ मृतकयात लाइगु जुल । मृतक दुर्गति च्वना च्वंगु जूसा दुर्गति पाखें याकनं मोचन जुइ धैगु बौद्ध अवधारणा ख: । यजागु विषय खुद्दकनिकायया

थी थी सूत्रय् न्यथनातः गु द । थ्व हे अवधारणाया लिधसाय् मृतकया नाम
थी थी कयया श्राद्ध यायेगु संस्कर्त न्याना वयाच्चंगु द ।

श्रद्धा धैगु सन्मान न खः । श्रद्धा धैगु दान खः । श्रद्धाञ्जलि न धाः ।
श्रद्धादान पूजा न खः । श्रद्धादानया पर्यायकय श्राद्ध ध्याह्ल । दिवंगतपित्त
व श्राद्ध धैगु थः माँ बौया वंश लुमकेगु उचिन न् । छायाः सा थः न वहे
वंशया अंश खः । श्राद्ध याइबल्य् अर्क दिवंगत माँ बौ नापं प्यंग् पुस्ताया
लुमंति जुयाः पूजाभाव, श्रद्धाञ्जलि, श्रद्धादान आदि न्याच्चनी ।

बौया श्राद्ध जूसा १. बौ (स्वपिता) २. बौया नं बौ (पितामह, बाज्या),
३. बौया नं बाज्या (प्रपितामह, तापाबाज्या) व ४. बौया नं तापा बाज्या
(वृद्धपितामह, तापाबाज्याया नं बौ) नापं यानाः प्यंग् पुस्ताया नाम विधिवत्
पूजा जुइ । अले श्राद्ध याइम्ह नापं न्याग् पुस्ताया नाप लानाः वंश
परम्पराया मिलन जुयाच्चनी । थ्व क्रियायात वैरोचनआदि न्याम्ह ध्यानी
बुद्धया प्रतीक कथं स्वये छिं ।

अथे हे माँया श्राद्ध जूसा १. माँ (स्वमाता), २. माँया माजु (पितामही
अजि), ३. माँया अजिमाजु (प्रमातामही), ४. माँया अजिमाजुया नं माजु
(वृद्धमातामही) थये प्यंग् पुस्ताया माँपिं तयाः श्रद्धाञ्जली पूजाभाव जुइ ।
श्राद्ध याइम्ह छगू वर्तमान पुस्ता नापं थन नं न्याग् पुस्ताया मिलन विन्दु
जुयाच्चंगु जुल ।

लोकोत्तर पिण्ड धकाः जाया पिण्ड दयेकाः श्राद्ध याइबल्य् बाज्या,
दिवंगत पिता अथवा माता व पिण्डदान याइम्ह नापं स्वंग् जक पुस्ता तयाः
भाव यायेगु विधि दु । थ्व स्वंग् पुस्तायात बुद्ध, धर्म व संघया कथं भाव
जुइगु खः । दिवंगत जुयाः न्ह्यसाला वंसा नं न्ह्याबलेस नं स्वंग् पुस्ता हे जक
जुया च्वनिगु प्रथा दु । थये स्वंग् पुस्ता अर्थात बुद्ध, धर्म व संघया पुस्ताय् हे
जक सीमित याना तयेगु प्रथाविधियात स्वपिण्ड विधान धाइ ।

लोकोत्तर विधि बाहेक सामान्य श्राद्ध विधिइ नं दिवंगत पिण्डिइ प्यंग्
पुस्ता हे जक सीमित जुइ । दिवंगत जूपिनिगु पुस्ता थ्व स्वयाः नं अपो दयाः

३ श्राद्ध याइम्ह काय् म्हाय् पुस्तायात कयातःगु खः । बाज्या नाम किजा आवि मेगु
नातागोतापित्सं श्राद्ध याःसा काय् म्हाय्या प्रतिनिधि कथं जुगु भाःपाः खः ।

नृत्यसाला वंसा नं प्यग् पुस्ताय् सीमित यायेगु विधि दु । श्व विधि नं स्वपिण्ड विधान खः ।

स्वपिण्ड विधान

स्वपिण्डयात सपिण्ड, समापिण्ड, समानुत्तरपिण्ड लीनपिण्ड आदि आदि नं धायेगु याः । स्वपिण्ड जोडे यायेगु धकाः दिवंगत जूम्हसित पुस्ताया धलखय् जायेकेगु खः । थये दिवंगतया पुस्ताया धलखय् जालकि पिण्ड ग्राह्य तथा योग्य जुइ । वया नामं पिण्ड छायेगु योग्य जुइ । पुस्ताया हिसाबं छगः छगः पिण्ड तथाः च्वनिबलय् साध्य हे जुइ मखु । छायधाःसा श्व पुस्ताया परम्परा त्याःकथं स्वयेगु खःसा आकाश समान खः । आकाश ला दु तर यिइत स्वःसा ध्वदुके फइगु मखु । अथे हे वंश परम्परा नं खः । वंश ला अवश्य दु । तर आजु ला थन नं ध्वदुके फइगु खँ म्दु । अयनं प्यग् पुस्तायात हे वंश परम्परा नालेगु संस्कार जुया वयाच्चंगु दु । आजुलिसे प्रतिसन्धि यायेगु कथं आजुपिण्डय् क्रमाकथं समाहित यायां वनिगु विधि दयेकातःगु जुल ।

नेवाः बौद्ध समाजय् आजुपिं धकाः बृद्धपितामह, प्रपितामह, पितामहयात क्रमशः बुद्ध, धर्म व संघ धकाः भापिनातःगु दु । बृद्धपितामह (बुद्ध), प्रपितामह (धर्म) व पितामह (संघ)या नामं स्वंगः पिण्ड तइ । मृतकया पिण्ड नं तइ । श्वयात मूल पिण्ड धाइ । विधि विधानकथं पूजा यानाः मृतकया पिण्डयात लुँ व वहःया ज्याभलं स्वक् थयाः बुद्ध, धर्म व संघया नामं दयेकातःगु स्वंगः पिण्डय् छक् तथाः समाहित यानाबिइ ।

अकिं अन नृत्याबलेस नं आजु बुद्ध, धर्म व संघया सदाकालंया पुस्ता जुयाच्चनी । श्व क्रिया सागर समुद्र समान खः लिपा लिपा वइपिं सकलें श्व हे बुद्ध, धर्म व संघया सागर समुद्रय् नृत्यनाच्चनी । मञ्जुश्रीपाराजिकाय् लीन यायेगुया 'ओं मुने मुने महामुने स्वाहा' धकाः च्वयातःगु दु ।^४ पिण्ड लीन यायेगु बाक्य धकाः थये बियातःगु नं दु ।

'अद्य प्रभृति अहं अमुक भिक्षु यथाते तथागतायानुत्तरां

सम्यक्संबोधीं तथाहं परिणामये'^५

४ प. मोहनराज वज्राचार्य, मञ्जुश्रीपाराजिका (पलः : शानबहादुर शाक्य न्हं २०४२) पृ. २३ ।

५ ऐजन् ।

बौ स्वयाः काय् न्हापा दिवंगत जग्गु अवस्थाय्

बौ दयेक कायम्ह मदया वनिगु घाडिइ थ्व पिण्डु गये याना जोडे याइगु धैगु नं खँ दु । थ्व अवस्थाय् पिण्डु लीन हे याये म्वाः धैगु नं घाप् दु । थ्व कथं ज्या न्ह्याःवयाच्चंगु दु । यथे जुइवनय् व मदुम्ह कायमचा वंश परम्पराय् स्वाप् हे मदुम्ह धैये जुल । बुद्ध धर्म व संघय् दुमथ्याइम्ह जुल । थ्व खँय् विद्वत् वर्गपिन्सं विचा यायेवहः जू ।

अकिं स्वपिण्डु लीन याये हे माः । बौम्ह दयेक काय दिवंगत जूसां यन छुं समस्या मदु । छायधाःसा दिवंगत काय्या वं वंश ला छगु हे खः । व हे वंश परम्परां जीवन न्ह्याना च्वंगु जुसेलि जीवन लीला फुइव वहे वंशय् समाहित जू वनिगु खः । वंश परम्पराया सागरय् यजिकथं समाहित जू वने माःगु धैगु मदु ।

मिसा पुचःया वंश

मिसा पुचःया वंश परम्पराय् नं थ्व हे अवधारणा पायछि जू । माजु दयेक भौमचा मदइगु धैगु अजुगति चाय् माःगु विषय मखु । सामान्य खँ खः । थन नं पुरुष वंशया परम्पराय् थें म् स्वंगु पुस्ता स्थायी कथ जुइ । अकिइ हे मिलान जू वनी ।

तर थन छगु सवाल छु दु धाःसा मिसाया जन्म ला मिज्या वंशं जग्गु मखु । मिसाया बौ ला मेगु हे वंशयाम्ह खः । अकिं मिसापिं मदइगु घडिइ माजुया पिण्डुय् लीन यायेगु स्वयाः व मिसाया थःछें पाखे पितृ वंशया पिण्डुय् लीन याये माःगु खः ला धैगु खँ नं जुइफु । तर अथे मखुसे थः मिज्या माँ अर्थात् माजु लिनाः पिण्डु लीन जुइगु व्यवस्था यातातःगु खनेदु । थ्व छगु परम्परा धकाः धाःसां विबादं तापाक च्वने नं जिउ । तर यकिया नं लिधंसा मदुगु मखु, दु ।

निछाभू

थन भौमचा विबाह याना हइबलय् निछाभू धैगु पढति दु । माजुया जःखः विबाह जूम्ह काय्मचा व भौमचा तयाः जा भोजन जुइ । थबलय् विधिवत् माजुया भोजन यानाच्चंगु न्ह्या बज्जि कयाः भौमचाया न्हय्

तथाबिड । भौमचा व माजुया चिपगु जा नयेगु ज्या जुड । थये धइगु माजुया वंश भौमचालिसे स्वाप् तयेकूगु खः । अर्थात् वंशया अंश भौमचायात लःल्हाःगु व भौमचा माजुया वंश थःगुलिड लीन यानाकाःगु खः अकिं आः काःगु वंश थः दिवंगत जुडबल्य् माजुयात लितंतु बिडगु ज्या सपिण्ड जोडे याइगु खः ।

थ्वहे कारण निछाभू चलये मज्जुपिं मिसात विवाह यायेगु समाज्य वर्जित यानातःगु खनेदु । निछाभू धैगु जा हे माः । जा चलये मज्जुपिं विवाह यातकि निछाभू याये मज्जु । निछाभू मज्जुपिं स्वपिण्डय् लीन जुडगु नं मखुत ।

थौकन्हे समय्य् ह्यूपाः कयं जाया थासय् बजि तथाः निछाभू धकाः यानाहःगु दु । अले हानं माजुया चिप जा नयेगु भौमचायात मछिनी लुइमखाइ धकाः थ्वं अयलाः आदि इत्यादि जक माजुम्हं त्वनेगु भाव जक यानाः भौमचायात लःल्हाना त्वंकेगु नं यानाहःगु खनेदु ।

विवाह मज्जुपिं मिसामचात

बिया मछ्वःपिं मिसामचात सितकि इमिगु सपिण्ड गथे जुड धैगु नं छगु प्रश्न खः । विवाह मज्जुपिं मिसा मचात छगु हिसाबं इपिं कायमचा सरह खः । अकिं पितृपक्षया पिण्डय् लीन यायेगु पक्षया खँ नं दु । मेगु पक्षया खँ वंश परम्पराय् म्थ्यायमचा व भौमचा समान खः धाइपिं दु । अकिं माया पिण्डय् लीन यायेगु पक्षय् नं दु । वास्तविक थ्व अवस्थाय् याना वयाच्चंगु परम्परा थये खः ।

स्वपिण्डय् संस्कार ब्वलने मधुंकुपिं लीन यायेगु याना मतः । गथेकि मिजं मस्त जूसा चूडाकर्म मयाःपिं व मिसामचात जूसा इहि मयाःपिं स्वपिण्डय् लीन याइमखु । थजागु जातीय संस्कार मज्जुपिंत वंशया नाताय् कःघाकातःगु खनेमदु । थजापिनिगु मृत्युपश्चात २१ छन्हुं फुक्क ज्या क्वचाइ । इमिगु नामं श्राद्ध तकं जुडमखु । अथे हे मचाबू ब्यंके मधुनिबलय् मृत्यु जूपिन्त नं सपिण्डया भाग थयेका तःगु मदु । श्राद्ध तकं जुडमखु ।

श्राद्ध यायेगु उद्देश्य

श्राद्ध धैगु श्रद्धा जुल, पूर्वगमपिन्त अर्थात् पूर्वापिन्त । थ्व खँ च्वय् नं न्ह्यथने धुन । दुर्गति मलायेमा, आदि इत्यादि खँ नं च्वये च्वयागु दु । थुपिं न्ह्यथनेबहः जूगु छतानिता खँ थन च्वयेगु कुतः यानागु दु । इपिं थये खः ।

१. बोधिसत्त्व चर्याय् स्थिर जयेगु

थ्व संसारय् च्वपिं माग पदुगति प्राणीयान उद्धार यायेगु कुतः न्ह्याका च्वनिगु धर्मपरायण जयाच्चनिर्मासित बोधिसत्त्व धाड । सकलें उद्धार मज्जतले यः नं मोक्ष जुया वनेगु यःके योग्यता दसां आःयात मोक्ष काये मखु घकाः हानं हानं जन्म कयाच्चनिगुयात हे बोधिचर्या धाड । नेवाः बौद्ध समाजया धर्म नं थ्व हे खः । यजाःगु तःधंगु धर्म जगु कारणं थ्वयात महायान धाडपिं नं दु । आःयात दिवंगत जम्हसित मृत्युपश्चात् यजाःगु महायान नैपुड छुं कथंया मार मवयेमा । मार वहे वतले नं दिग्भ्रमित मज्जुसे बोधिचर्याय् न्ह्याः वने फयेमा धैगु श्राद्धया आपालं उद्देश्य मध्ये छगु खः । श्राद्ध पिण्ड संकल्पय् ब्वनेगु वाक्यय् च्वयातःगु छगु अंश यये खः-

‘बोधिसत्त्व चर्या चरदभि बुद्धै भगवदभि मातापितृ पूर्वगमेभ्यः,
सत्पुरुषेभ्यः, सप्तनिषेभ्यः, युस्मदभिधानात् ।’

सर्व पाप मोक्ष

म्हाना च्वंतलय् सिसें मसिसें अनेक कथंया पाप कार्य जुया च्वनेफु । यी यी अवसरय् पाप देशना यानाः पाप मोक्ष याःगु नं खयेफु । अयनं छुं कथं जुयाः पाप ल्यं दयाच्चने नं फु । पाप कर्मया विपाक फल भोगय् याये मालिगु पक्का खः । यजागु पापया कारणं भोगय् याये मालिगु नकारात्मक फलया प्रभावनिस्तेज यायेगु नं श्राद्धया मेगु उद्देश्य जुल । अकिं पिण्डसंकल्प वाक्यय् दिवंगतया नां कयाः ‘सर्व पाप क्षयं करी स्वधा’ घकाः च्वयातःगु दु ।

फिंखुगु कथंया दुःख मोचन

मृत्यु जम्ह मन्या मृत्यु पश्चात् कर्मया विपाक कथं जुइमफुगु दुःखात फिंखुगु ब्वय् विभाजन यानातःगु षोडशपिण्ड विधानय् च्वयातःगु खनेदु । थ्व दक्क दुःख पाप मोचन यायेगु श्राद्धया मेगु उद्देश्य खनेदु । फिंखुगु पिण्ड दान यायेगु बखतय् छगः छगः पिण्डया छगु छगु दुःख मोचनया कामना यायेगु वाक्य दु । इपिं यये खः-

१. प्रथम पिण्डया संकल्प वाक्य - अवीची महानरक उत्पन्न दुःख मोचनार्थ ।
२. द्वितीय पिण्डया - त्रयम्बरक नरकोत्पन्न दुःख मोचनार्थ ।

३. तृतीय पिण्डया - प्रेतगति उत्पन्न दुःख मोचनार्थ ।
४. चतुर्थ पिण्डया - प्रत्यन्तजनपदेषूत्पन्न दुःख मोचनार्थ ।
५. पञ्चम पिण्डया - व्याधि रक्तातिसार दुःख मोचनार्थ ।
६. षष्ठ पिण्डया - कृष्ट विधात बहुजन निंदतो मोचनार्थ ।
७. सप्तम पिण्डया - हीन कुलेषु उत्पन्न दुःख मोचनार्थ ।
८. अष्टम पिण्डया - दुखातिदुःखपरस्पर नानाकर्मादि छेदन दुःख मोचनार्थ ।
९. नवम पिण्डया - अधोमुख नरके उत्पन्न दुःख मोचनार्थ ।
१०. दशम पिण्डया - सूचीमुखीत्पन्न दुःख मोचनार्थ ।
११. एकादश पिण्डया - दश पापं कृतोत्पन्न मोचनार्थ
१२. द्वादश पिण्डया - कृमिकीटोत्पन्न दुःख मोचनार्थ ।
१३. त्रयोदश पिण्डया - तमान्धकार भूम्युत्पन्न दुःख मोचनार्थ ।
१४. चतुर्दश पिण्डया - क्षुरधारा अयोमयो शात्मत्यादि भग्न दुःख मोचनार्थ ।
१५. पञ्चदश पिण्डया - असिपत्रादिनरकोत्पन्न दुःख मोचनार्थ ।
१६. षोडश पिण्डया - अग्निघट महानरक दुःख मोचनार्थ ।

द्वादश अंग सिद्ध यायेगु

मृत्यु जुयाः मेगु जन्म मकाःतलेया अवस्थायात अन्तराभव अवस्था धाइ । अन्तराभव धैगु आःया जन्म व मेगु भविष्यया जन्मया दथुइ प्रतिसन्धि खः । अन्तराभव अवस्थां मेगु जन्म काये थाय् वनेबलय् अपांग मजुइब्यु धकाः इच्छा यायेगु स्वाभाविक खः । थ्व हे कामना यानाः षोडशपिण्डया उद्धार यायेगु खँ दु । भिनिगः पिण्ड छथी ब्यागलं कथं संकल्प यायेबलय् छगः छगः पिण्डया छगू छगू अंग सिद्ध जुयेमा धकाः ब्वनेगु वाक्य दु । व थये खः-

१. प्रथम पिण्डया - शिर मुद्ध सिध्यर्थ ।
२. द्वितीय पिण्डया - चक्षु सिध्यर्थ ।
३. तृतीय पिण्डया - नासिका सिध्यर्थ ।
४. चतुर्थ पिण्डया - श्रोत सिध्यर्थ ।

५. पञ्चम पिण्डया - हृदय मिध्यर्थ ।
६. षष्ठ पिण्डया - हस्त मिध्यर्थ
७. सप्तम पिण्डया - नाभि मिध्यर्थ ।
८. अष्टम पिण्डया - इन्द्रिय सिध्यर्थ ।
९. नवम पिण्डया - पाद सिध्यर्थ ।
१०. दशम पिण्डया - रोम सिध्यर्थ ।
११. एकादश पिण्डया - योनि सिध्यर्थ ।
१२. द्वादश पिण्डया - वाक् सिध्यर्थ ।

५. यम द्वारय् जुड़गु दण्ड कष्टं तरे जुड़गु

मनू सिद्ध धुंकाः यमराजया थाय् पाप पुण्यया हिसाब व्यहोरे याये माःगु धकाः मनस्थिति विद्यमान दु । याःगु दक्व पापया यमराजया यमदूततसें यमदण्ड बिड़ । पापकर्मया विपाक कथं गुम्हसितं मुलुपेय् न्यासिकी । गुम्हसितं छयनय् कःतिं फायेकेगु ज्या याइ । गुम्हसितं दायेकातःगु चिकनय् क्वफाड । गुम्हसित गये गुम्हसितं गये । थजाःगु यमदण्ड कष्ट नये म्वालेमा, नयेमाःसां सास्ति म्हो जुड़मा धैगु आशिका यायेगु नं स्वाभाविक हे खः । थ्व कष्ट खनाः सकलें हे त्राहिमाम जुड़क गयाः । थ्व दुःखं पार लगये जुड़गु नं भ्राद्वया छागू उद्देश्य खः । थकिया वाक्य थये दु-

‘ओं यमपाश विशोधिर्या यमदण्ड निहन्यते ।

यमद्वारविनिर्मुक्तं त्राहिमां शरण त्रयं’ ॥

षड्गतिया उद्धार

षड्गति प्राणी धकाः खुताजि प्रकारं जन्म जुड़गु संसारया नियम खः ।

१. खेंचं बुड़पिं गये कि भंगः कीत ।
२. मांया प्वाथय् च्वनाः बुड़पिं मनू व पशुत ।
३. चःति फोहर आदि थासं उत्पन्न जुड़पिं सि, धँय्, कुसि आदि ।
४. रूप मकासे च्वनिपिं भूत प्रेत आदिपिं ।
५. जन्मया सिलसिलाय् रूप काये धुंकुपिं अथवा रूप काये बाकिपिं ।

६. मनूतयस् खनाः नां तयेधुंकुपिं अथवा श्व धाये व धाये धकाः नां तक मद्रुपिं ।

न्ह्यागु हे कथंया जूसां दुःख कष्ट मजुयेमा धकाः आशिका यायेगु नं श्राद्धया उद्देश्य खः । जव स्वकः खवं स्वकः चाहुयेकाः लः आदि तर्पण बियेबल्य् ब्वनिगु वाक्य दु । क्रियासमुच्चय व षडक्षरी लोकेश्वर साधनाय् च्वयातःगु वाक्य थथे खः-

‘यावन्तः सर्वसत्त्वाः सत्त्वसंग्रहेण संगृहीताः अण्डजा वा जरायुजा वा संस्वेदजा वा औपपादका वा रूपिणो वा अरूपिणो वा संज्ञिनो वा असंज्ञिनो वा नैव जिनो वा यावत काश्चित् सत्त्वधातु प्रज्ञप्यमानः प्रज्ञप्यते सर्वे मया अनुपाधिशेष निर्वाण धातौ प्रतिष्ठापयितव्या इति’ ।

श्राद्ध यायेबल्य् विशेष यानाः छ्यलिगु सामग्री हेतु

श्राद्धया हलज्वलंया विशेषता दु । श्व श्व सामग्री धायेवं श्व श्राद्धया सामग्री धकाः अथे हे सिद्धदइगु विशेषता दु । अजागु सामग्रील्य् हामो, कुश, कस्ति, दुरु, घ्यः, धउ लः अन्न आदि । थजाःगु सामग्री छाय् प्रयोग यायेमाः धैगु हेतु दु । श्व सामग्रीया विषय्य् थथे च्वयातःगु दु ।

‘तिलादुत्पद्यते मुघ्नी, कुशेन श्रोत चक्षुषौ,
मधुना नासिका वाह, क्षीरो वक्षं, घृतोदरं,
दध्न श्व कटि जानूभ्यां तोयेन हस्तपादयोः,
अन्नादौ सर्व गात्रं च जायते बुद्धवीर्यवान् ।’

थुकिया भावार्थ थथे ब्वने दु : १. हामोया कारणं शिर उत्पत्ति जुइ, २. कुशया कारणं न्हाय्पं मिखा उत्पत्ति जुइ, ३. कस्तिया कारणं न्हाय् व बोह उत्पत्ति जुइ, ४. दुर्या कारणं नुगः उत्पत्ति जुइ, ५. घ्यःया कारणं प्वाः उत्पत्ति जुइ, ६. धौया कारणं जें (कम्मर) व पुत्ति उत्पत्ति जुइ, ७. लःया कारणं ल्हाः तुत्ति उत्पत्ति जुइ, ८. अन्न आदिया कारणं देह दक्वं पूर्ण जुइ । ज्ञान दयाः वीर्यवान् जन्म जुइ ।

दशपिण्ड

क्रियाय् चवनाः सम्कार याद्वनय् दशपिण्ड विधान मुताबिक भिन्हु तक न्हियान्हिथं खसिड वनाः श्राद्ध यायेमाः यथे भिन्हु गन्ती यायेबलय् सीकुन्हुनिसें ल्याः तइ । सीकुन्हु अथवा दागर्वानि कुन्हु व्यवहार कयं श्राद्ध यायेगु जुइमखु । दागर्वानि जुयाः कन्हय् कुन्हुजक श्राद्ध याइ । कन्हय् कुन्हु श्राद्ध याःसां र्वःन्हु तकया श्राद्ध याये बाकी दिन वःन्हु फुक्कया ल्याखं थव कुन्हु श्राद्ध याइ ।

वज्राचार्य व शाक्य समाजय् न्हय्न्हु द्रव्यके माःगु कारणं थव न्हय्न्हुया दुने हे श्राद्ध याये मानिगु फुक्क न्हयसालाः भिन्हु तकया पिण्ड दान बिइगु ज्या क्वचायेकइगु खः ।

थव निगू जाति बाहेक मेपिनि हकय् भिन्हु तक हे श्राद्ध याइ ।

दशपिण्ड विधानया म् उद्देश्य न्हिं न्हिं छगू छगू शरीरया अंग सिद्ध यायेगु खः । काकपिण्ड श्वानपिण्ड व प्रेतपिण्ड यांनाः मुकं स्वंगः पिण्ड जक दइ । दुर्गतिपरिशोधनया चैत्ययात पूजा यांनाः छुं कयंया दुर्गति मलायेमा धकाः आशिका याइ ।

मासपिण्ड अर्थात् लय् लय् पतिकंया श्राद्ध

दशपिण्ड विधान न्हिं न्हिया ल्याखंया श्राद्ध जुल । थव न्हिं न्हिया ल्याखंया श्राद्ध क्वचालकि लय् लय्या ल्याः वइ । लय् लय् पतिकंया श्राद्ध यायेगु परम्परा दु । थव सिइगुकुन्हु दिनया तिथियात आधार कयाः लय् लय् पतिकं वहे तिथि कुन्हु श्राद्ध यायेगु खः ।

थव श्राद्ध सामान्यतया तीर्थय् तीर्थय् वनाः याइगु खः । निगू अथवा निगू नदीया संगम जगू दोभानयात तीर्थ धायेगु चलन दु । थजागु तीर्थ भिनिगू दु । यें देयात बागमती व विष्णुमती थव निगू नदी चाःहुलाच्चंगु दु । बागमती प्रवाह जगू क्षेत्रय् प्यंगू, विष्णुमती क्षेत्रय् प्यंगू व अले बागमती व विष्णुमती ह्वना च्वंगु थासय् छगू अले अनं पिने नदी प्रवाह जुयाच्चंगु थासय् स्वंगू यांनाः मुक्कं भिनिगू तीर्थ दु । गुगु लय् गुगु तीर्थय् क्रिया यायेगु धैगु नं दु ।

तीर्थं पतिकं मोल्हयेत छ्याल्लिगु वस्तु थी थी कथं दु । अथे हे थी थी तीर्थं थी थी कथंया सामान दान बियेमाःगु धलः नं दु । श्राद्ध याये धुंकाः पीठ नं पूजा यायेमाः । खूसिइ नाग म्ह ज्यानाः पुई तं हायेमाः । श्व सकताया धलः अनुसूचीइ बियागु दु ।

थथे तीर्थं वनाः लय्प्यं थयेत वनेगु संस्कृति दु । अय नं तीर्थ तीर्थ पतिकं मवंसे छगू हे जक तीर्थं वनाः लय्प्यं थः वनेगु न्हू कथं परम्परा न यानाहःगु खनेदु । छगू हे जक तीर्थं वनाः ज्या याःसां दान यायेगु वस्तु व मोल्हयेगु हलंज्वलं तीर्थ तीर्थया विधान मुताबिक हे याइ । दान यायेगु वस्तु फुकसिया उथें मजू ।

लत्या

दिन गन्ती ल्याः चाः यायेबल्य् छन्हु निन्हु आदि यानाः लच्छितक वनि । लच्छि लिपा पाक्षिकया हिसाब वइ । थन नं दिवंगत जूगू लुमन्तिइ लय् लय्या ल्याः क्वचायेके कथं लय्प्यं थयेगु क्रिया चव्य् न्ह्यथनागु जुल । आः पाक्षिकया ल्या कथं दिवंगत जूगू दिनं लच्छि व छगू पक्ष अर्थात् भिन्यान्हु दु कुन्हु दिवंगत जूगू तिथि लाकाः त्रिपक्ष श्राद्ध जुइ । थुकियात ४५ दिनया श्राद्ध नं धायेगु याः ।

लत्याया क्रिया येंया वज्राचार्य वा शाक्य समुदाय्य् याना वयाच्चंगु मदु । थुपिं ब्राहेक स्वनिगःया मेगु दक्क समुदायपिन्सं श्व लत्याया क्रिया याना वयाच्चंगु दु ।

श्व लत्या क्रिया यायेगु दिन कुन्हु स्वपिण्ड लीन यायेगु ज्या जुइ ।

स्वलाया क्रिया

लत्या लत्या निथाय् स्वला दइ । स्वलाया लुमन्तिइ त्रिमास श्राद्ध कर्म जुइ । थुबल्य् 'मायाजाल' चचा हाली । येंया वज्राचार्य शाक्य समुदायपिनि स्वपिण्ड लीन यायेगु क्रिया थन हे जुइ । वज्रयानी अवधारणा कथं जाया पिण्ड दयेका पूजा जुइ । स्वलाया क्रियाबल्य् किलायात धाःसा होमादि कर्मलिसें न्हापां लौकिक पिण्ड थइ । लत्याकुसां कुइकी । पिखालुखुइ नं श्राद्ध याइ । भोजन धुंकाः हानं लोकोत्तर श्राद्ध याइ । शेषवलि पूजाय् चर्या गीत

हाली तर नृत्य यादमखु । थ्व किला स्वलाबलय मयासे खुला वा दकिलाबलय नं यायेगु याः ।

खुलाया क्रिया

स्वलाया दोब्बर खुला जुल । दिवंगत जूगु खुलाया लुमन्तिइ षाण्मासिक श्राद्ध क्रिया यायेगु संस्कृति दु । थ्व क्रिया दक्वासयां यायेमाः । यन नं विशेष पूजा यानाः जाया पिण्डयात श्रद्धाञ्जली बिडगु ज्या याइ । थुबलय नं 'मायाजाल' चचा हालेमाः । थ्व अवसरय् गुरुज्यात वहःया द्वांग व गा दान यायेगु परम्परा दु ।

लय्प्यं थये धुंकेगु

लय् लय् पतिकं श्राद्ध यायेगु क्वचाइगु दिन नं न्ह्यःने वड । थ्व दिन दिवंगत जूगु दच्छि दइ कुन्हु हे जुल । थ्व दिन दकिला आदि क्रिया याये माःगु कारणं भिंनिलाया पिण्डदान यायेगु क्रिया न्ह्यकायेगु यानातःगु दु । थ्व व्यावहारिक पक्ष खः । थ्व लय्प्यं थयेगु क्रिया विसर्जन नं यायेगु क्रिया जुइ । थ्वबलय् सहस्राहति होम याना षोडशपिण्डया क्रिया तकं यायेगु जुइ ।

दकिला

खुला खुला निथी तलकि दकिला जुइ । अर्थात् दच्छि दत, दिवंगत जूगु । थ्वया लुमन्तिइ यायेगु क्रियायात दकिला धाइ । यन नं स्वला खुलाबलय् थें जाप्यं दयेका वार्षिक श्राद्ध पूजा याइ । 'मायाजाल' चचा थबलय् नं हाली ।

भिंपूजा

कन्हय् कुन्हु बर्खी वारे यानाच्चपिंत बर्खी आबलि च्वनेम्वाल धकाः विधिवत् फुके यायेगु ज्या नं जुइ । छु छु बारे याना वयाच्चंगु खः व व वस्तु गथेकि वसः, चिकं, ग्वाः ग्वय् आदि नका बियाः बर्खी त्वःफिके बिडगु ज्या जुइ । थुगु पूजायात भिंपूजा धाइ ।

निर्दंया तिथि

दच्छिया दोब्बर निर्दं खः । निर्दंया क्रिया नं दु । थ्व क्रिया नं दकिलाबलय् थें तुं जाया पिण्ड दयेकाः द्विवार्षिक विधिवत् श्राद्ध पूजा

याइ । स्वला खुलाबल्य् थे तुं स्वनेमाःगु तयाः समार्ध तक चर्या याना पृजा जुइ । थुबल्य् न 'मायाजाल' चचा हाली । निर्देया तिथि तक जक हालिगु संसार अनित्य धकाः लुमंकेगु थव चचा 'मायाजाल' मेमेगु छुं न पूजाय् हालेगु वर्जित यानातःगु दु ।

निर्देया क्रिया मज्जतल्य् दिवंगतया नामं मेमेथाय् पिण्ड वर्नीमखु धाइगु अवधारणा दु । थःथितिपिसं थव दिवंगतया नामं दान बियेगु अथवा षोडश श्राद्ध याइबल्य् पिण्ड दान यायेगु थव निर्देया तिथि धुंकाः जक योग्य जुइ । निर्देया तिथि सिधल कि दिवंगतपिनिगु नामं सुथय् जा नयेबल्य् न्हिन्हिं बौ बियेगु याइ ।

वार्षिकी श्राद्ध

निर्देया तिथि धुंकाः दिवंगत जूम्ह उलि हे तापापां वर्नी । अले दिवंगत जूगु दिनया लुमन्ति दैय् दैसं दिवंगत जूगु तिथि कुन्हु श्राद्ध वर्ष पतिकं वार्षिकी यायेगु संस्कृति ल्यनाच्चंगु दु ।

श्राद्ध याके योग्यम्ह गुरुया लक्षण

श्राद्धयात गुम्ह गुम्हसियां मभिंगु मिखां स्वइपिं दु । श्राद्ध यायेगु उद्देश्ययात थथे मभिंगु कथं स्वयेमाःगु छुं कारण मदु । श्राद्धया उद्देश्य अतिकं हे शुद्धगु जू । अकिं श्राद्ध याकिम्ह गुरु वहे कथं योग्यम्ह जुइमाःगु खं दु । मञ्जुश्रीपाराजिकाय् गजाम्ह गुरुपुरोहित माः गजाम्ह मज्य् धकाः चवयातःगु दु । थव थन न्ह्यथनेवहः जू ।

योग्यम्ह गुरुपुरोहितया लक्षण

१. महानियमी शुद्ध शुद्धात्मा जूम्ह ।
२. म्वाः म्वाःगु खँय् नमवाइम्ह ।
३. इन्द्रिययात चिनाः त्याकाच्चम्ह, त्याके फुम्ह ।
४. मेपिनिगु वस्तुइ लोभ मदुम्ह ।
५. भतिचां नं सन्तुष्ट जुइम्ह ।
६. क्रियावन्त महाविलक्षणम्ह ।
७. राग द्वेष मदुम्ह ।
८. क्षमावन्तम्ह शुचि लाकम्ह ।

श्राद्ध कर्मय् गुरु पुरोहित नृद्धन लायक मज्झसिया लक्षणा

१. दृष्टआत्मा ।
२. अनथन मदयेक नृद्धयोम् ।
३. ख, कां, धूसि, म्हाय् च्याकिं थाःम्, यान्निमिखा, मिग्रिमिखा, वाछ्वाका धंवा ताहाम्, मिखा फूसि स्वाःम् ।
४. अशुचिम्ह चित्त मभिम्ह ।

निष्कर्ष

थ्व कथं श्राद्धया संस्कृति दिवंगत जर्पिनिगु लुमन्ति खः । उद्देश्यय् दुवाला स्वयेगु खःसा दिवंगतयात छुं कयंथा तकलिफ मदयेमा, पुनर्जन्म काःसां अपांग मजुयेमा, बोधिसत्त्वया चर्चाया लेंपु नं बाया मवनेमा, अकी हे अटल जुयाः थ्व संसारया अजानीपिन्त, दुःख कष्ट नयाच्चपित उद्धार यायेगु मार्गय् सदा सर्वदा कालं न्ह्याना वनाच्चने फयेमा आदि इत्यादि खँय् बः बियातःगु खनेदु । अकिं नं योग्यम्ह गुरु वरणा फानाः श्राद्ध यायेमाः ।

तर श्राद्धया नामय् फजुल खर्च व समय ववाद धाःसा याये मजिउ । थये विचाः यानाः संस्कृतियात न्ह्याकेमाःगु धैगु धाप खः । गथेकि मृतकया नामं सार्वजनिक रूपं त्वनेगु लःया व्यवस्था यानाबिडगु नं छगु श्राद्ध हे खः । न्हापा न्हापा थये हितिया बन्दोवस्त यानाबिडगु जक मखु अकिया नामं इलय् संरक्षण यायेत गुथि स्वनाः गुथियार तकं तयाबिडगु परम्परा दु । आः थजाःगु श्राद्ध न्हावन । त्वनेगु लः व्यवस्था याये थें मृतकया नामं आखः ब्वनेगु पाठशाला आदि नं श्राद्ध यायेगु छगू मेगु उपाय खः । थौं कन्हय् स्मृति संस्थान आदि नामं गैर बौद्ध क्षेत्रय् बुलुहुं ब्वलना वःगु दु । थजाःगु स्मृति प्रतिष्ठान आदि बाँलाक सञ्चालन जुयावन धाःसा अवश्य नं यकिया पुण्य संभार जुड । थौं कन्हय्यात ल्वःगु पुण्यया ज्यात लुमंकेगु खःसा धाःये हे माःपिन्त माःगु सामान गच्छे अनुसार दान बिडगु, पाठशाला भवन दयेका बिडगु, लःया मुहान मालाः लःत्वनेगु व्यवस्था मिले यानाबिडगु, मन्दिर दयेकेगु, टुहरातय्त सहयोग यायेगु, पुस्तकालय, अस्पताल दयेकेगु, समाजयात भिं जुडगु सफूत प्रकाशनय् हयाः गुहालि यायेगु आदि इत्यादि नं श्राद्धया

धलखय् जायेके जिउ । थजाःगु भ्राढ व्यवस्था न्हापा न्हापा मदुगु मखु, दु । तर छगू निगू शताब्दी जुल थजाःगु कथं मृतकयात भ्रद्धा प्वकेगु तनावनाच्चंग जुल । आः हानं थजाःगु संस्कृति म्वाका हयेमाःगु खनेदु ।

मृत्यु संस्कारय् न्हय्नुया महत्व

मृत्यु संस्कारय् न्हय्गू संख्यायात विशेषता बियातःगु दु । कृतालय् न्हय्गू संख्याया सिँ तइ । दुखापिका तिइकेबलय् न्हय्ति सुकां सुइगु ज्या जुइ । श्मशानय् सिँपं तइबलय् न्हय्का सिँ तइ । सिनाः न्हय्नु दइबलय् न्हय्नुमाः धकाः न्हय्गू मानाया जा तइ । व न्हय्नुमा जोरे याइबलय् न्हय्ता थी थीकयंया धासा ता दयेकी । वज्राचार्य शाक्यतय् न्हय्नुं दूब्यकेगु ज्या जुइ । थथे मृत्यु संस्कारलिसिँ न्हय्गू संख्याया विशेषता दुगु कारणं मेमेगु अवसरय् न्हय्गू ल्याःयात अशुभ कथं कयातःगु दु । ल्याः न्हय्गू खाकाः सुनानं छुं ज्या याइगु आँत याइमखु । थथे न्हय्गूसंख्या लिउने छुं खँ दु धैगु खँय् कुतुमतु कुला स्वयेगु नं थन उत्सुकताया विषय जुइ । थ्व हे भ्वलय् थन निगू खँ न्हय्थनेगु ज्या यानागु दु ।

सर्वार्थसिद्धजुं बुद्धत्व प्राप्त याये धुनेवं हे वसपोलं जि बुद्ध जुल धकाः न्हापां धर्मदेशना यानाबिज्याःगु मखु । बुद्ध जुयेधुंकाः न्हय्गू सप्ताहतक वसपोलं थःम्हं प्राप्तयानागु प्रज्ञाज्ञानया विषयय् थः हे दुबे जुयाः अनुभव यायेगु ज्या यानाबिज्याःगु खः । अले छगू छगू सप्ताहय् छगू छगू विषयया कथं न्हय्थी ज्या क्वचायेका बिज्यात ।

प्रत्येक हप्ताय् न्हय्नु दइ । थ्व न्हय्नुतक छगू हे विषय कयाः वसपोलं ज्ञानयात परमार्थ सिद्ध यानाबिज्याःगु खः । थजाःगु कथं वसपोलं थम्हं लाभ यानाकाःगु विषयय् क्वातुकेगु ज्या याये धुंकाःतिनि करपिन्त थःम्हं लाभ यानागु विषयय् धर्मदेशनाया रूपय् कनेगु ज्या यानाबिज्यागु खँ थन मृत्यु संस्कारया न्हय्गू संख्यालिसिँ लना स्वयेबहः जू ।^६

न्हय्का सिँया कृताः दयेकी । थ्व कृताः सिद्धिम्हसिया लागि च्वनिगु अन्तिम आसन जुल । आः हानं हानं मेगु थासय् ग्वतुले म्वाल । अर्थात् सीम्ह

६ Narada, *The Buddha and His Teachings*, (Malayaia: Buddhist Missionary Society, 1988)p. 46-56.

यर्नालि लिपा गुगु न योनिद्व जन्म काये म्वान, थ्व हे अन्तिम खः । कृताः
मोक्ष जूगु प्रतीक हे जुल ।

भगवान् बुद्धयागु शरीरयात न्हयन्हुतक तथाः पञ्जामन्कार यायेधुंकाः
तिनि दाहसंस्कार यागु जुयाच्चन ।^१

श्राद्ध याइबलय् संकल्प यायेगु ब्वनेगु वाक्यय् 'सप्त सन्प्रकाश पुरुषेभ्यः,
सप्त निषेभ्यः' धैगु खँ दु । यजाःगु वाक्य मे मेगु पञ्जाया संकल्प वाक्यय्
मदु ।^२ श्राद्ध पूजा विधिया थ्व विशेषता खः ।

सप्तरत्न धकाः बौद्ध साहित्यया क्षेत्रय् ब्वने दु । चक्रवर्तिसुत्तय् क्वय्
च्वयार्थे न्हयगःरत्न क्यनातःगु दु । १. चक्ररत्न, २. गजरत्न, ३. अश्वरत्न,
४. मणिरत्न, ५. स्त्रीरत्न, ६. गृहपतिरत्न, ७. परिणायकरत्न ।

चक्रवर्तिसुत्तय् थये च्वयातःगु दु । दल्हेनमि धयाम्ह चक्रवर्ती जुजु
छम्ह पुरुषयात वचन ब्यगु थये जुयाच्चन ।

‘चक्ररत्न गुबले न्हयाः वनी उबले

चक्ररत्न जित ति (छं) धाः वा ।’

उबलेनिसँ उगु चक्ररत्न न्ह्यातकि जुजुयात चक्ररत्न यःत कायेत
बिन्ति याः वनीगु खँय् ध्यान तथाच्चन । व चक्रवर्ती जुजु तःधिकःम्ह
काय्यात राज्य बियाः अभिशेष काल । न्हयन्हु दुबले चक्ररत्न नं अन्तरधान
जुयावन । थकिं व चक्ररत्न धयागु अये बीज्यगु मखु । चक्ररत्न कायेत
अथवा भोग याये योग्यम्ह जुइत चक्रवर्तीव्रत पालन याय्माः धयाः थये कन-
चक्रवर्ती जुजु जुइगु शील आचरण यायेवं हे जक उगु दिव्य चक्ररत्न प्राप्त
जुइगु खः । उगु चक्रयागु शक्ति प्राप्त याना कायेत पुन्हि पतिकं प्रासादया
च्वय्या तँय् च्वनाः, उपोषध शील पालन यायेमाः । वसपोलं थये बिन्ति यात
चक्रवर्ती जुजुयागु उत्तमगु ब्रत धयागु छु खः ले ? वसपोलं थये लिसः
बियाबिज्यात-

१. धर्मया आधार कयाः धर्मयात गौरव तथाः मनूत व सत्त्वपिन्त धर्मपूर्वक
रक्षा यायेमाः थःगु आपाचक्रय् अधर्म रूपं याइपिं फैलय् जुइके बीमज्य ।

७ सजीव पञ्जानुभाव, अनुवादक. मिस्त्रु सुमेध धीरसुमेधो, सम्पूर्ण बुद्धवचन त्रिपिटकया
सार, पृ. ७७

८ अमोघवज्र वज्राचार्य, पिण्डु विधानस् (येः पूर्व सेवा खलः ने.सं. १०९४ चित्लागा अष्टमी) पृ. २

२. गुम्हसिके धन मदु वयात धन बीमाः ।

३. अप्रमादी जुयाः खन्ति सोरच्च धर्म पालन यानाच्चपिं श्रमण ब्राम्हणापिंथाय वनाः कुशल अकुशल, दोष दुगु दोष मदुगु, यायेज्यगु यायेमज्यगु, गज्याःथाय, वनेबलय् उकियागु कारणं ताकालतक दुःख जुइका च्वनेमालिगु खः, गज्याःगु थासय् वनेबलय् ताकालतक सुख जुइगु खः, गज्याःगु खँ न्यनेबलय् कुशलधर्मयात ग्रहण यानाः आचरण यायेफइगु खः, यज्यागु आचरणायात हे चक्रवर्ती जुजुयागु बांलाःगु आचरण धाइ ।^९

४. थजाःगु कथं दुर्लभगु न्हय्गु रत्नं चाःहुलाच्चंगु थासय् मृत्यु जुइगु बांलागु खँ जुयाच्चन । बुद्ध कुशिनगर गां थेंजाःगु थासय् परिनिर्वाण जुइगु तयारी खनाः भिक्षु आनन्दं चित्त बुभे मजुयाः वसपोलं खँ न्हयथंगु जुयाच्चन । कुशिनगर सत्ताय् चम्पा, राजगृह, सावत्थी, साकेत, कोसम्बी थें ज्याःगु ततःधंगु नगरय् निर्वाण जुयाबिज्यायेत भिक्षु आनन्दं भगवान बुद्धयात बिन्ति याःगु जुयाच्चन । थकिया लिसलय् भगवान बुद्धं कुशिनगरया विषय कयाः निर्वाण जुयेत उत्तमगु थाय् खः धकाः वर्णन यानाबिज्याःगु जुया च्वन । महासुदस्सनसुत्तय् कुशिनगर न्हय्गु रत्न चाहुलाच्चंगु धैगु खँ कना बिज्यागु दु ।^{१०}

५. गुह्यसमाजतन्त्रया प्रदीपोद्योतनय् नं सप्तरत्नया खँ च्वयातःगु दु । थ्व कथं सप्तरत्नया खँ थये दुः-

१. पद्मराग, २. इन्द्रनील, ३. वैदूर्य, ४. मरकत, ५. मुक्ता, ६. प्रवाल
६. नेवाः बौद्ध समाज चैत्यवादी खः ।^{११} बुसानिसें सिद्धबलय् तकं याइगु संस्कारय् चैत्ययात महत्व बियावःगु दु । सिद्धुंकाः नं चैत्य दयेकेगु भगवान विपश्ची बुद्धया पर्यायय् ब्वलनाच्चंगु संस्कृति खः । यत्त भिंछेवहाया पं. कविराज ज्योतिष मोहनराज वज्राचार्यजुं भाषानुवाद यानाबिज्यागु महादीप छवयेकेगु दीपकथास उल्लेख जुयाच्चंगु थ्व विषय थन उद्धृत यायेबहः ज् । व थये खः

९ पूर्वोक्त पाद टिप्पणी स. ७, पृ. ९९

१० ऐजन ।

११ यज्ञमान पति वज्राचार्य, वज्राचार्यः हान छपुलु, पलेस्वा, अंक १६ ।

वसपोल विपश्वी भगवान्या अन्त्येष्टि कार्यं यगु वन्धवति शहरया राजां
 रत्नया खानी जुयाच्चंगु क्वेछि तवजा ज्वीक चैत्य स्थापना
 याना वसपोलयागु शरीर चैत्य पूजा याना बिज्यात । यगु चैत्य पूजा
 याना भावयागु प्रभावं अनेक प्राणी लखं लख स्वर्ग प्राप्त जुया
 मोक्ष जुया वना च्वन ।”

चैत्यया गजु न्ह्यगु तगिया चक्का दुगु जुयाच्चन ।” दान, शील, ध्यान,
 क्षान्ति, वीर्य, व प्रजा यानाः षट्पारमिता प्रतीक खुगु तगि जुल । थ्व खुगु
 तगिया पारंगत जुम्ह मोक्ष प्राप्त जुडगु जुल । मोक्ष प्राप्त जुम्ह थ्व खुगु
 तगिया द्यःने न्ह्यगुगु तगि जुयाच्चने दइ । सिद्धि मनु मोक्ष प्राप्त जगु
 भाःपाः न्ह्यगुगु त्याःया महत्व दयेकगु थन संकेत खः धकाः धायेंछिना
 वल ।

७. न्ह्यागु छगु पूजा जूसां गुरुमण्डलार्चन यायेमाः गुह्य पूजा जुडबलय्
 थये गुरुमण्डलया ज्या जुयाच्चनिबलय् गीताचार्यपिसं गीत हालाच्चनी ।
 यलय् अष्टभृंगाचल धैगु चर्यागीत हाली । थ्व चर्यागीतया अन्तिम चरण
 ‘गजरत्नना, पुरुषरत्नना, अश्वरत्नना, स्त्रीरत्नना, खड्गरत्नना,
 मणिरत्नना, चक्ररत्नना आदि न्ह्यगुः रत्नया नांया वर्णन यानातःगु दु । येँ
 गुरुमण्डल जुडगु अवस्थाय् मध्यमेरु धैगु चचा हालिगु खः । थ्व मध्यमेरु
 चर्यागीतय् नं सप्तरत्नया खँवः दु । अष्टभृंगाचल चचाय् गथे सप्तरत्नया
 नांत दु अथे हे मध्यमेरुड नं गीतया अन्तिम चरणाय् सप्तरत्नया खँ उल्लेख
 यानातःगु जुयाच्चन । व थये खः – प्रणवपरी भारथी सप्तपरि भूषिता, भव
 जलनिधि सप्तरत्न सेतु भूतं ॥

उपसंहार

सप्तरत्नया थीथी महत्व दु । सप्तरत्नं चाःहुलाच्चंगु यासय् मृत्यु जुडगु
 बाँलागु जुयाच्चन । षट्पारमितां परिपूर्णया लक्षण नं सप्तरत्न हे

१२ मोहनराज वज्राचार्य, महादीप छोयक्यगु दीपकया, (कान्तिपुरः चिनीकाजी वज्राचार्य,
 मन्त्रसिद्धि महाविहार, ने.सं. ११०२) पृ. २

१३ मिस्वंगु तगि दुगु गजु तयातःगु चैत्य नं दु । आःया स्वयंम् महाचैत्यय् नं मिस्वंगु तगि
 दुगु गजु खः । तर पुलां पुलांगु चैत्यय् न्ह्यगु तगि जक दु । स्वयंम् महाचैत्यया सिउने
 च्वंगु पुलासंगु धैगु चैत्यय् न्ह्यगु तगि जक दु ।

जुयाच्चन । थये न्हय्ग्या अतिकं महत्व दुगु जुयाच्चन । श्व हे कारण सीबल्य् याइगु थी थी कथंया इवल्य् न्हय्ग् संख्यायात नाला कयाच्चंगु धाये छिनावःगु दु ।

मृत्यु : परमार्थ सत्य

श्व संसारय् च्वंगु न्ह्यागु वस्तु नं छन्हु मदयावनी । संसारय् च्वंगु न्ह्यागुकथंया प्राणीपिं नं छन्हु ला छन्हु मदया हे वनीतिनि । मनू नं श्व हे स्वभावय् दुने लाः । सिइमानि धकाः सः स्यसां जीवत विशेष यानाः मनूतय् सामान्यतया सिइमासति मवः । न्ह्याबलेस नं म्वाना च्वनेत मनूतय्सं अनेक तनेक कुतः यानाच्चंगु दु । थः यःपिं माँबौ तहक्येँहे पासा भाइपिं नं सदा सदाया लागिं न्हय्च्याना च्वनेगु इच्छा जुयाच्चनिगु स्वाभाविक खः । थः ला सिइमासति मवः मवः । अजापिं थः स्याःन्ह्याःपिं नं मसिइसा थःत यक्वं यक्वं जिउ ताइ । अयनं छन्हु ला छन्हु मृत्युया वरणय् वने हे माः धनाद्यः व्यक्तिपिं जुइब्यु, अथवा गरिबपिं जुइब्यु मृत्यु जुइ हे तिनि । जुजु जुइब्यु अथवा जनता जुइब्यु मृत्यु जुइ हे माः ।

हिन्दु धर्मय् 'तथास्तु' या व्यवस्था दु । बौद्ध दर्शनय अजाःगु व्यवस्थायात थाय् बियातःगु मदु । तथास्तुया व्यवस्था दुगु हिन्दुधर्मय् तकं अमरत्वयात नालाकयातःगु मदु । दानवतय् (हिरण्यकश्यपु, तारकासुर, रावण, कुम्भकर्ण आदि) अमर जुये दयेमाः धकाः आशिका याना घनघोर कथं तपस्या याःसां ब्रम्हा देवतां सुइत नं सिइम्वाःगु अमरत्वया वरदान बिइ मफुगु खँ कनावयाच्चंगु दु । श्व खँयात थन न्ह्यथनेवहः जू ।

जन्म जुलकि मरण जुइमाःगु, श्व परमार्थ सत्यया अटल नियम खः । श्व खँया संकेत कथं जमवहाः स्थापना जुयाच्चंगु दु । 'जम' या 'ज' आखलं जन्मयात बोध यानाच्चंगु दु । अले 'जम' या 'ज' 'म' आखलं मरणयात संबोधन यानाच्चंगु जुल । 'जम' अर्थात् जन्म व मरण जुल ।^{१४}

'भगवान' खँग्वःया 'भग'या अक्षरशः अर्थ नं यथे हे खः । 'भव' धैगु दइगु, दुगु, जन्म आदि जुल । श्व भवया न्ह्योने च्वंगु आखः 'भ' जुल । 'भ'

१४ कमसमान वज्राचार्य, जमल बहालको सारांश परिचय, (धोबीधारा: बृद्धिहर्ष वज्राचार्य, २०६१) पृ.१

व 'ग' सम्मिश्रण जुया: 'भव' नगु जुल । 'भग' या अर्थ 'जम' ये तुं वड अले वनिगु जुल । वया वनिगु स्वभाव दुम्ह हे 'भगवान' सर्वत्र व्यापी खः । भगवान मदुगु थाय् गनं नं मदु ।

थये हे मेगु छगू खँवः 'जगत' । 'जगत'या तप्यंक अर्थ खः संसार । अकिया अर्थ भौतिक भूगोल धाःसा पका नं मखु । यन नं 'ज' या अर्थ 'जन्म' खः । 'गत' या अर्थ वनेगु वंगु, वनिगु खः । 'जगत' धायेबल्य् वयाच्चनिगु, वनाच्चनिगु, पद्धतियात संकेत याःगु खः । थ्वयात हे जगत धायेधुंकाः नं हानं संसार धायेगु पहः दु, जगत संसार । नामी सिद्धा अद्वयबज्जुया धापू कयं कार्य व कारणाया सम्बन्ध दयाच्चंगु अवस्था हे जगत खः । अद्वयवज्जसंग्रह पृ. ४२ स च्वयातःगु थये खः ।

'हेतुफलात्मक भवनिर्वाणैकरसतामात्रं जगत् ।'

थकिया भावार्थ थये जुल- हेतुफलात्मक भव निर्वाण एक रस मात्र जगत् । मेगु खँवः 'तथागत' नं नेवाः बौद्ध समाजय् छ्यले बुले जुया वयाच्चंगु खः । थ्व खँवःया अर्थ नं च्वय् च्वयागु खँतलिसे समान जू । भगवान शाक्यमुनि तथागतया द्वादशांग प्रतीत्यसमुत्पादया मूखँ नं थ्व हे खः । द्वादशांग प्रतीत्यसमुत्पादया फिनिगूगु अंग जरामरण हे खः । अर्थात् मृत्यु हे जुल । जरा धैगु खने दुगु वस्तुं ज्या याइगु त्वःतु त्वःतुं वनिगु खः । गयेकि मृत्युइ च्वंगु वा ज्या मजुया हाया वनिगु, सँ मदया वनिगु, मिखां मखना वनिगु, म्हय् दुने च्वंगु अंग प्रत्यंग ज्या यायेगु शियिल जुया वनिगु आदि इत्यादि खः । मरण धैगु शरीर लिसे चेतना बाया वनिगु जुल ।

बौद्धधर्मया पूजा पद्धतिया विशेषता

वःगु दक्कं वनेमाः । दुगु दक्कं फुना वनेमाः । दयेकुगु वस्तु स्यना (फुना) वनेमाः । थ्व परमार्थ नियम खः । थ्व सत्यतायात बौद्ध पूजा पद्धतिइ नं अनुकरण जुया वयाच्चंगु दु । न्ह्यागु छगू पूजा जूसां भौतिक कयं सामान (कलश, थापिं, जज्ञकुण्डल, अस्त्र, शस्त्र आदि इत्यादि दक्कं) स्थापना जुइ, मन्त्रं जुल, वाक्यं जुल, भावं जुल, चर्या जुल, नृत्यं जुल सृजना याइ । पूजाया ज्या क्वचायेवं विसर्जन मयासे मगाःगु खँ थन न्ह्यथनेबहः जू ।

थन तकया खं थव सिद्धिदु कि मरण धयागु परमार्थ सत्य खः । आः थन खं पिहों वइ, मरण गथे जुइगु बाँलाक जुइगु अथवा बाँमलाक जुइगु । मरणया अवस्था बाँमलाः जुलकि मृत्यु पश्चात जुइगु लिच्चः बाँलाइ मखु । अकिया विपाक फल कष्टप्रद जुइ । मरण बाँलातकि मृत्युपश्चात फल नं बाँलाइ । थव खं हिन्दू धर्मय् नं दु । जुजुपिन्सनिसें कयाः बुढा बुढी जुलकि राजपात दक्कं जिम्मा बियाः वानप्रस्थ वनाः आध्यात्मिक जीवन अनुशरण याइगु आदि प्रथा दु ।

बौद्ध दर्शनय् नं वहे मन् थबलय् सिद्धिगुसा यथे जुइगु, यथे जूसा यथे जुइगु धकाः क्यानातःगु दु । छन्हु छम्ह मन् वयाः भगवान् बुद्धयात फलाना मन् सिद्धत तच्चः जुयाच्चन । प्रभु, आः व सित धाःसा वया गति छु जुइ धकाः न्यंगु जुयाच्चन । अकिया लिसलय् भगवान् बुद्ध आः सित धाःसा व मन् दुर्गतिइ लाः वनी धकाः धयाबिज्यात । छुं भचा लिपा मेम्ह मन् छम्ह वहे सिद्धत्यम्ह मन् स्वयाः भगवान् बुद्धया थाय् वयाः व आः व मन् सित । वयागु गति धाःथे हे दुर्गतिइ लाइला धकाः न्यन । थुथाय् भगवान् बुद्ध लिसः बियाबिज्यात व मन् सुगतिइ लाः वनी । वहे मन् छम्हया विषयय् छक्कः दुर्गतिइ लाः वनि धाल हानं लिपा व सिद्धम्ह मन् सुगतिइ लाः वनी धाल, थव गथे प्रभु धकाः उत्सुकता प्वंकल ।

भगवान् बुद्ध न्हाचः सित धाःसा व मन् दुर्गतिइ लाःवनिगु खः । छायाःसा उगु अवस्थाय् वया चित्त भिंगु थासय् मलाः । वया चित्त भ्रान्त जुयाच्चंगु खः । अखे थुखे मलाःगु विषयय् आशक्त जुया च्वंगु खः । अकि चित्तं खंगु लाः भोगय् याये हे माल । अकिं व दुर्गति लाः वनिगु पक्का खः । तर लिपा वया चित्त भिना वल । चित्त स्थिर जुल । सुखस्थितिया चित्तय् च्वनाः प्राण त्याग जूगु कारणं व सिद्धम्ह मन् सुगतिइ लाः वनिगु जुल धकाः लिसः बियाबिज्यात ।

अकिं मृत्यु जुइगु अवस्थाय् चित्त शान्त व शुद्ध याःसा परलोक गमन नं सुखदायी जुइ । अकिं सिद्धबलय् चित्त शान्त यायेत न्हापांनिसें वातावरण दयेकु दयेकुं वयेमाःगु खः । मरणया अवस्थाय् न्हापा न्हापायागु पुण्यकार्यत लुमंकेत बिइगु वातावरण उथाय् दयेका बिइमाः । सिद्धत्यनिगु अवस्थाय्

अनथासय् च्वनाः ख्वयाच्च्वनिगु कोनाहल नडक हानाच्च्वनिगु उलि उचित मज् । थकिं यानाः वयागु शान्त सुखमय नडन्यगु चित्त न भ्रान्त जुडगु अवस्था वयेफु ।

यैय् हनुमानध्वाका दुने अनेक चुक्त छचाखेरं चाःहलाच्च्वंगु दु । उकि मध्ये कालिचोक धैगु छगु चुक नं दु । व चुकय् पिड् स्वाय्क तुलसी बुया वडच्च्वनिगु जूगुलिं तुलसी चुक नं धाः । व चुकया उत्तरनंगया दलानय् जुजुपिं सिद्धत्यनिगु अवस्थाय् तडगु थाय् यानातःगु जुयाच्च्वन । व दलानया छचाखेरं अभ्र धलिं सिलिंग आदि थाय् यासय् रासलीला, रसरंग भोग याना च्वंगु आदित ज्वलन्त खने दडगु कथं अंगःकिपात मूर्तित तयातःगु दु । नाप कृष्णं करामत क्यनाच्च्वंगु किपात मूर्तित तयातःगु दु । नाप कृष्णं करामत क्यनाच्च्वंगु किपात गथेकि कंसयात स्यानाच्च्वंगु, कृष्णयात स्यायेत वःम्ह किसियात स्यानाच्च्वंगु, आदित नं तयातःगु दु । मृत्यु जुडत्यंम्ह जुजुया मिखा गुखे वनी व अनया मुख्य विषय जुड । जुजुया मिखा देव देवतापाखे वंगु खः अथवा रसरंग भोग पाखेवंगु खः धैगु खँ सिद्धकेत अःपुकेत हे यजाःगु वातावरण किपा मूर्तित तयातःगु खः । जुजुया चित्त फयांफक्व अन देव देवतापाखे वंकेगु कथं व्यवस्था मिले यानातःगु जुयाच्च्वन ।

छँदुने सिके मज्ज, सिकलकि दुर्गतिइ लाइ धकाः मरणासन्न अवस्थाय् बलजफती आया आयु जुडक दुःख पीडा जुडक छँनं पिने घाटय् यकिगु, अले ब्रम्हनालय् तयाः तुति लखय् युनातयेगु संस्कार^{१५} यात छक्वः विचायायेबहः जू । थजागु अवस्थाय् सिद्धत्यंम्ह मनूया चित्त स्यानावनिगु यक्व सम्भावना दु ।

संस्कारय् फयांफछि पक्का ज्या यायेत अये यानां जीला थये यानां जीला शंका दक्व विधि विधान पुवंकेत छँजःपिन्सं स्वडगु स्वाभाविक हे खः । अकिं मृत्यु पश्चात मृत्यु जूम्हयागु हंस हानं आह्वान यायेगु, अले हानं भिक मृत्यु वरण याकेगु थें थयाःगु पद्धति 'उत्क्रान्तिया' विकास जुल । मृत्यु पश्चात सत्कर्म यायेगु नं मृत्यु बाँलाकाः जूगु भाःपाः व्यवस्था जुल । प्राण त्वःतेधुंक्गु शवयात नं नष्ट यानाछवयेगु, दुःखी जनपिंसं दुःखया भोग

१५ मदन सम्मक् सम्बोधि प्राणपुत्र, सम्म संस्कार, (नेपाल : सुखि होतु, बि.सं. २०६०) पृ. १७ ।

यायेगु, दुःख भोग मुक्त यायेगु, मृतकया नाम जज्ञ यायेगु, मन्दः च्वयगु, लख चैत्य दयेकेगु, लय्लय् पतिकं पिण्ड थयेगु, लत्या, स्वला, खुला, दकिला, निर्देया तिथि यायेगु, वर्ष पतिकं भ्राद्ध यायेगु, षोडश पिण्ड पुवंकेगु, दान प्रदान, कीर्ति स्थापना आदि इत्यादि यायेगु क्रिया कर्म सृजना यानातःगु जुल । थजागु क्रियाकर्मयात मृत्यु संस्कार धाल । नेवाः बौद्ध समाजय् मृत्यु संस्कारया छगू थःगु हे पहः दु । थ्व हे पहलं नेवाः बौद्ध म्हसीकेगु माध्यम धाःसां छुं पाइगु मताया । अले नेपाः देयागु संस्कृति जुल देयागु संस्कृति त्वः मफिकेगु धैगु नं छगू कथंया राष्ट्रियता खः ।

मृत्यु जुइगुया प्रक्रिया

जीवनया सम्पूर्ण सक्रियताया अन्तयात हे मृत्यु धाइ । जीवनया अन्तिम कालय् विपाक विज्ञान, नाम व कर्मज रूपया स्थिति व भंग काल च्युत जुइ । थ्व अवस्थायात मृत्यु धाइ ।^{१६} मृत्युया परिभाषा थये नं बियातःगु दु । स्कन्धया जीर्णता, इन्द्रियया शिथिलता मरणया पूर्व लक्षण खः । जरा व स्कन्ध अन्तर्धान जुइगु व नष्ट जुइगु मरण खः । थ्व जुल मेगु कथंया मृत्यु परिभाषा ।^{१७} भगवान् बुद्धया द्वादशांग प्रतीत्यसमुत्पादया दकले लिउनेयागु अवस्था 'जरा मरण' खः । जरा धैगु शरीरया अंग प्रत्यंग जीर्ण जुइगु खः । इमिगु मरण खने दयेक नं जुयावनी । गथे कि म्हुतुइ च्वंगु वां ज्या यायेगु त्वतिगु खने दयेक मदया वनिगु खः । म्हुतुं वा कुतुं तकं वइ । थये खने दयेक मरण जुल । मेगु खने मदयेक मरण जुया वनिगु दु । गथेकि मिखां स्वये मफया वनिगु, न्हासं गन्ध काये मफया वनिगु, न्हायपनं न्यने मफया वनिगु, म्हुतुं रस काये मफया वनिगु, म्हुं स्पर्श याये मफया वनिगु आदि इत्यादियात जरामरण धाइ । चैतन्यता व भौतिक शरीरया दथुइ दुगु स्वाप् भंग जुलकि नं मृत्यु जूगु धाइ ।

१६ प्रो. रामशंकर त्रिपाठी, प्रतीत्यसमुत्पाद, स्वविरवादी दृष्टिकोण (वाराणसी: केन्द्रीय उच्च तिब्बती शिक्षा संस्थान, १९८६ ई.) पृ. ६५ ।

१७ डा. ब्रह्मदेव नारायण शर्मा, 'सम्पूर्ण बुद्ध मन्त्रावली का केन्द्र प्रतीत्यसमुत्पाद' प्रतीत्यसमुत्पाद, (वाराणसी केन्द्रीय उच्च तिब्बती शिक्षा संस्थान, १९८६ ई.) पृ. २१७ ।

मृत्यु छाये नृद धैगु विषयय तिच्चनया लामा गुरु माक्या पण्डितजु^{१८}
 च्चयातःगु “मुनिमत” प्रकाश धैगु मफुलिङ्ग च्चयातःगु दु । व मफुलिङ्ग
 च्चयातःगु कथं न्हयगु कथं मृत्यु नृदगु नृयाच्चन । इपिं यथे खः ।”

१. आयु फुना वन ।
२. याये माःगु कर्म फुना वन ।
३. दुगु पुण्य फुना वन ।
४. आयु व कर्म नितां फुना वन ।
५. आयु व पुण्य नितां फुना वन ।
६. कर्म व पुण्य नितां फुना वन ।
७. आयु, कर्म, व पुण्य थ्व स्वतां फुना वन ।

मृत्यु जुइगु समययात लिछ्यायेगु नं उपाय क्यनातःगु दु थ्व न्यने कने
 न्हयइपुसे च्वं । अकिं थ्व खँ नं थन न्ह्यथनागु दु ।

१. आयु फुना वन धाःसा उष्णीष विजया, दुर्गतिपरिशोधन आदिया
 धारणी ब्वनेगु, पाठ यायेगु, याकेगु, पूजा यायेगु आदि कर्म याइ । युकिं आयु
 बढये जुया वइ । मृत्यु जुइगु ईयात घ्वाना छ्वयेगु उपाय थ्व नं छा खः ।
२. याये माःगु कर्म फुनाः मृत्यु जुइगु नं लिछ्याना छ्वये जिउ । थ्वया
 निंतिं स्थायेत तयातःपिं प्राणीपिन्त स्याके मबियाः इमिगु प्राण बचे यानाः
 जीवन बियेगु उपकार यायेगु आदि ज्या दु । थन सर्वज्ञमित्रं छगु दुष्कर
 चर्याया लागि जुजुं स्थायेत तयार याना तःपिं ४९९ म्हे मन्या जीवन उद्धार
 याना ब्यगु उदाहरण लुमंकेवहः जू । बौद्ध साहित्यया क्षेत्रय् यथे जीवन दान
 जगु खँत यक्वं ब्वनेदु ।
३. पुण्य फूगु जूसा पुण्य संचय यायेत गुरुपूजा यायेगु, त्रिरत्नया पूजा
 यायेगु, बुद्ध पूजा यायेगु, संघयात दान बियेगु ।
४. आयु, कर्म व पुण्य मध्यय् गुगु फुत व व थप याये जिउ । इपिं मध्यय्
 छुं निता फुसा वहे कथं उपाय याये जिउ ।

१८ छैन्यो वागीन्द्रशील व नारायण प्रसाद रिजाल (बुद्धबज्र अनुवादकर्तृ), मुनिमतप्रकाश,
 (ललितपुरः पहम घस्ते, वि.सं. २०५७) पृ. ४ ।

१९ ऐजन, पृ. ७५ ।

५. आयु, कर्म व पुण्य श्व स्वतां फुत धाःसा छुं कथंया उपाय मदु । मृत्यु निश्चित जुल धकाः सिद्धका काये माल ।

प्राणीया जीवन चतुरमहाभूतया सक्रियता सञ्चालन खः । चतुरमहाभूतया सक्रियतां थःगु लें त्वःताः निष्क्रियता पाखे न्ह्याः ववं पूर्ण निष्क्रिय जुडगुयात हे मृत्यु धाइ । श्व चतुरमहाभूत निष्क्रियता जुजुं वनिगु क्रम थथे खः-

१. पृथ्वीतत्व- दकले न्हापां शरीरय् दुने पृथ्वीतत्व निष्क्रिय जुड । श्व पृथ्वीतत्व जलतत्वय् समाहित जूवनी । थजाःगु अवस्थाय् व सिद्धत्यंम्ह मनू दनाच्चने फइमखुत । तुतिं न्ह्यायेत ल्हवना तयेगु शक्ति क्षीण जुड धुंकी । फेतुना तकं च्वने फइ मुखत । सतुबतु क्वें (मेरुदण्ड) नं म्हयात कःघानातये फइमखुत । सुनानं थनेत स्वःसां याला प्याला वंम्ह यें जुड । छयौं तकं धस्वाका तये फइमखुत । गःपतं छयौंयात ल्हवना तये फइमखुत । लासाय् तप्यंक ग्वजक तुलाच्चनी । अर्थात् शरीर दुनेया स्थूल भावं छुं नं ज्या याइ मखुत । अकिं सने फइमखुत । मृत्युया दकले न्हापांगु लक्षण श्व जुल । श्व जुल पिनेयागु लक्षण । दुनेया लक्षण म्ह छम्ह बँय् दुस्वना वंथे जुया वइ ।

२. जलतत्व- लिपा जलतत्व नं फुनावनी । जलतत्वयात अग्नितत्त्वं सुका बिडगु ज्या याइ । श्व अवस्थाय् शरीरय् दुने तरलतत्व गथेकि म्हुतु व न्हाय् गना वनी, चःति, ख्वबि, पिसाब, म्हुतुइ वडगु ई आदि दक्कं आः अन सृजना जुडगु म्हो जुजुं वनी । थजाःगु जलतत्व दु हे मदुगु अवस्थाय् थ्यनी । श्व मृत्युया मेगु लक्षण जुल ।

३. अग्नितत्व- क्वानाच्चंगु म्ह नं बुलुहुँ ख्वाउँया वनी । दुने च्वंगु क्वाःगु बुलुहुँ म्हं पिहाँ वनी । अले दुगु चःति नं गगं वनी । म्ह दक्कभनं ख्वाउँ जुजुं वनी । थकिया लक्षण शरीरय् अग्नितत्त्वं नं त्याग यानाच्चंगु खः । च्याःगु मिड छुं छुं हेंगवाः जुया वनी । हेंगवाः नं खरानी जुड । खरानी नं ख्वाउँया वनी । अले अन खरानी नं फय्या शरणय् वनी । अथे हे शरीरय् दुने च्वंगु तेजतत्व नं फसय् समाहित जू वनी । शरीरय् दुने च्वंगु तापक्रम आः यक्क कम जू वनी । श्व अवस्थाय् ल्हाः तुति पचिं कपाः आदि ख्वाउँसे च्वनी । वरफ थीबलय् गथे ख्वाउँचाइ अथे हे म्हया अंग प्रत्यंग दक्क थासय् नं ख्वाउँसे च्वनी । श्व मृत्युया स्वंगु लक्षण जुल ।

४. वायुतत्त्व- आ: शरीरय् केवल वायुतन्व जक दर्न । वायुतत्त्व छगु जक शरीर दुने च्वना च्वनिगु थाकगु जल । व न गन वने गन वने जुडगु स्वाभाविक खः । वायुतत्त्व चेतनाय् लीन जुड । थ्व अवस्थाय् सासः ल्हाये थाकुइ । असाधारण कथं सासः ल्हायेगु प्रकृति ज्ञया वड । सासः ल्हायेगु तताहाकः जुयावड । याकनं याकनं सासः पितृव्येगु सासः दुकायेगु अवस्था जुयावड । सासः पिहाँ वनिगु अप्वः, सासः दुहाँ वडगु म्हो जजु वडगु जुड । सासः दुने ताउतक तयातये फडगु अवस्था जुडमखु । थ्वयात दम याहाँ वःगु धाइ । मृत्युया प्यंगु लक्षण थ्व जुल ।

थये प्यंगु लक्षण जुड धुंकाः अन्तय् वायुतत्त्व शरीरं पिहाँ वनी, सदाया लागि थ्व मृत्युया लक्षण खः । यजाःगु खँ शिद्धा नरोपाया अन्तराभव योग साधनय् नं ब्वनेगु दु ।^{२०} थये थीयी चरणय् ववं मृत्यु जुडम्हसिनं चायेक चायेक मृत्यु जुडगु अवस्था योग्य मनूतय्त जक दइ । यजाःगु गुण न्ह्याम्हसिके नं दइ मखु ।

लासा हिडकेगु

विरामीया ल्हाः तुति ख्वाउँसे च्वनाः सासः ताताहाकः जुयाः नाडीया चाल नं कम जुयावन कि प्राण त्वःतिइन धयागु सिइकाः गनं मथिइक सालुगु वा तुयूगु कापः लानाः तच्चः जुउम्ह विरामीयात बिस्तारं ल्हवनाः उकी तइ । थुकियात लासा हिडकेगु धाइ ।

लः त्वंकेगु

हिक्का वयाः प्राण त्वःतिइगु हे अवस्थाय् थ्यन कि जहानपिं सकस्यां “भगवान शरण, करुणामय शरण, वज्रवाराही शरण” धकाः विरामीयात न्यंकी । गुलिसिनं स्तोत्र पाठ याइ । “जिमिगु माया कायेम्बाल । भगवानया शरणय् बिज्याहुँ” धकाः बिदा बिइ । छँया जहानपिं सकसिनं थःथःगु नाता अनुसार सम्बोधन यानाः विरामीया म्हुतुइ शंखं लः छतुलु त्वंकी । देखा दुम्ह जुल धाःसा देखाया निर्वाण जल त्वंकी । थ्व अन्तिम बिदाइ जुड ।

२०. डा. ठाकुरसेन नेगी, “नरोपाकी अन्तराभव योगसाधना” धीः न्याः ११, पृ. १२१ ।

आधुनिक अवस्थाय् अस्पताल आदि व्यवस्था दु । उसाय् मदयाः अस्पताल्य् न मृत्यु जू । श्व अवस्थाय् डाक्टरं मृत्यु जूगु प्रमाणमृत्यु प्रमाणपत्र च्वयाबिड । सामान्यतया हृदयगति निरोध जूगु व मगजं ज्या याये त्वःतुगु अवस्थाय् मृत्यु जूगु धकाः डाक्टरतय्गु धापू दु ।

मृत्यु लिपा व शरीर मृतक देहय् परिणत जुइ । अले लिपा वइगु दाह संस्कार आदि मजुल धाःसा शरीर क्रमशः नष्ट जुजुं वनिगु प्रक्रिया शुरु जुयावइ । दुर्गन्ध वइ । ध्वगिना वइ । की दाया वइ । भुजिं आदि की पतंगात वालाला भुनाच्चनिगु अवस्था नं जुइ । ला कुचा कुचा दयावइ । आतापुति आदि स्वयेहे वीभत्स रूपं पिहाँ वइ । क्वैय् जक जुया च्वनी । क्वैय् नं छुतये जुजुं वइ । क्वैय् नं रस विहीन जुयाः थारा थारा गनेगु जुइ । धू धू तकं जुया वनी । धूयात फसं पुइका यंकइ । सिधल । सिइ न्ह्यः न्हापा नवाये फुगु, प्याखं हुइफुगु, अनेक तनेक ओजस्वी दुम्ह प्राणी सिइ धुंकाः व शरीर आः धू धू जुयाः व धू तकं मदयावनी ।

यजाःगु अवस्था मवयेकेत प्राण मदुगु शरीर (मृतक देह) यात नष्ट यायेमाः । श्वयात मृत्यु दाह संस्कार धाइ । दाह संस्कारय् अग्नि संस्कार, जल संस्कार, पृथ्वी संस्कार (गाः म्हुया थुनेगु) वायु संस्कार आदि दु । मुख्यतया नेवाः बौद्ध समाजय् अग्निदाह संस्कार दु । शेष भागयात जल संस्कार, पृथ्वी संस्कार, वायु संस्कार आदि फुक्कं दु । श्व विषयय् दाह संस्कार धैगु खण्डय् विस्तृत कथं वर्णन जुइधुंकुगु दु ।

मृत्यु प्रमाण

मृत्यु जूगु खः मखु निश्चित यायेगु आवश्यकता दु । मखुसा अनर्थ जुइ यः । आः यौकन्हय् अस्पताल दु । तच्चतं उसौय् मदुगु जुलकि अन्तिम घडिइ जूसां अस्पतालय् यंकइ । अस्पतालय् डाक्टरतयसं मृत्यु जूगु खः धकाः प्रमाणित यानाबिड । न्हापा न्हापा अथे मखु । छैय् हे मृत्यु जुइ । गैर बौद्ध समाजय् यें घाटय् नं यंकेगु परम्परा दु ।

मृत्यु जूगु धैगु आभास वयेवं मृत्यु जूगु खः मखु निश्चय यायेगु कुतः जुइ । सः स्पृम्ह मन् अथवा कविराज वैद्य पुरोहित गुरु सु दत व सःता हयाः

परीक्षण याकिइ । सः म्यपिन्सं परीक्षण याइगु सामान्यतया थये खः -

१. नाडी दु मदु स्वइ । नाडी मदुगु जूनाकि मृत्यु जूगु लक्षण खः ।
२. म्हुतुइ लः तयाः स्वइ । लः कुल्ल क्वहों वनाकि मरण जूगु लक्षण खः ।
३. प्वाथय् त्यतु त्यलाः सासः याहों वः मवः स्वइ । सासः याहों मवल धाःसा मृत्युया लक्षण जुल ।
४. तुतिया म्हालापचिं ज्वनाः संकइ । मृत्यु जुइ धुंकुगु खःसा म्हालापचिं संकेबलय् थिग्रीक्क च्वनाः छ्यं तकं सनी । प्राण दुगु म्हा थये च्वनिसें क्वय्थ्यंक थिग्रीक्क च्वनिमखु । गन संकूगु खः व हे भाग जक सनी ।
५. मिखा स्वइ, मिखाया नानिचा मसन धाःसा मृत्यु जुल धकाः सीकइ ।

मृत्यु ख्वःसःया प्रस्फुटन

च्वय्या प्रक्रिया छचाःखेरं च्वनाः स्वयाच्चपिं जहान परिवारया जःपिसं थःगु दुःखया वेदना सह याये मफयाः अनायास छगू पाखं ख्वःसलं प्रस्फुटन यानाः पिकयाहइ । ख्वयेगु ज्या ला न्हापा लिपा नं जू, मजगु मखु । सामान्यतया दुःखया अवसरय् जक ख्वइगु क्रिया जुइगु खः । गबले गबले अति सुखया अनुभूति जुइबलय् नं ख्वयेगु क्रिया जू । तर अन्तर गाक्वं हे दु । दुःखया अवसरय् ख्वयेगु नं मृत्युया अवस्थाया ख्वःसः न्हापा लिपाया दुःखया ख्वःसःलिसें गाक्वं पाः । यजाःगु कथं ख्वःसः पाः कि व ख्वःसः न्यपिन्सं नं काः अन छें सुं मदयाः मृत्यु जूगु जुल धकाः सूचं कायेगु याइ ।

दुःखया वातावरणं जाया च्वंगु ख्वाःपाः ज्वना च्वपि जहान परिवारदक्व मृत्युया ख्वःसः प्राकृत रूपं प्रस्फुटन जुयावइगु थ्व आवाज जःलाः खःलातय् प्राकृतिक सूचं कथं नाला कायेगु ज्या जुइ ।

लोहा अग्निया रक्षा

सिद्धमहसिया मिखा चायाच्चंगु अवस्था खःसा मिखा तिसिइकाबिइ । म्हाछमं फांगा फायेकाबिइ । ख्वाः नं त्वपुइके ज्या जुइ । अले व प्राण मदुगु शरीरय् गुगुं कथंया अतिक्रमण मजुइकेत म्हाया छःने कर्द, चूपि, चक्कु अथवा नया अस्त्र तयाबिइ । थये तयाबिल कि सिद्धमह मनूया शरीरय् दुने काँचो वायु प्रवेश जुइमखु धाइ । थ्व जुल लोह रक्षा । अर्थात् नया रक्षा विधान ।

सिद्धम् ग्वारा तुका तः थाय् फुसय् व क्वय् अर्थात् तृतीया क्वय् पाल्चाय् चिकं तथाः मत च्याकातइ । छु अथवा थथे हे अन्य प्राणीतय्सं सिद्धम् मनूयात छु कथं अनर्थ ज्या मजुइकेत थथे मत तयेगु याइः । थ्वयात अग्नि रक्षाया रूपय् कयातःगु जुल ।

थ्व लोहा अग्नि रक्षाया क्रिया नं मृत्यु जूगु पक्का खः धइगु सांकेतिक प्रमाण जुल ।

सिद्ध कंकेगु ।

थजाःगु सांकेतिक प्रमाण पश्चात गुरु पुरोहित, दाजु किजा, स्यान्हयापिं तथाः आः गथे यायेगु, छु यायेगु, सुइत सुइत सिद्धगु समाचार बियेके छ्वयेगु आदि सल्हा साहुति जुइ । सीगुथि दुसा, सनांगुथि दुसा गुथिया पाःलाःयात धायेगु, सिद्ध कंकेगु फांगा कंकेगु सुइत सुइत खः, स्यान्हयापिन्त औपचारिक कथं धायेगु क्रिया न्ह्याकेगु, सिथं यंकेत माःपिं धायेगु आदि दक्वं सल्हा साहुति यानाः क्वःजिकेगु जुइ ।

सिद्धम् मिजंमचा, मिसामचा, मचाब् ब्यंकेगु मधुंकुम्ह वा चूडाकर्म मयाःनिम्ह ईहि मयाःनिम्ह आदिया लिधंसाय् थजाःगु सल्ला साहुति क्वःजिकेगु याइ । सिद्धम्सियागु अवस्था स्वयाः विधिवत् थीथी कथंया क्रिया दु । उत्क्रान्ति यायेमाःगु जूसा व क्रिया निं क्वचायेकेत ज्या जुइ । उत्क्रान्ति जुइगुया अवस्था जूसा च्वय् न्ह्यथनागु छ्वःसःया प्रस्फुटन नं उत्क्रान्ति क्रिया लिपा जक जुइ ।

सिद्धगु छँय् सु धंकेगु

सिद्धगु छँ थुगु हे खः धकाः सीके बिइत सिद्धगु छँया लुखा लिक्क सु छकले धंकातइ । मखुसा सिद्धगु छँ धकाः वइबलय् मखुगु छँय् लानाच्चनी धकाः सीके बीत थथे सु धंकेगु याइगु खः ।

पञ्चमय् लाः मलाः यकिन यायेगु

कालचक्रतन्त्रया मुताबिक २७ ग् नक्षत्र दु । थ्व नीन्हय्ग् नक्षत्रय् दकले लिपागु न्याग् धनिष्ठा, शतभिषा, पूर्वभाद्रपद, उत्तरभाद्रपद, रेवती नक्षत्रयात पञ्चम धाइ । थ्व न्याग् नक्षत्रय् लानाः सिद्धम् जुलकि पञ्चमय् लाःगु

धाइ । श्वं सिद्धम् नापं यः लापिं मेपि न निकटं भविष्यत् सिद्धं धैगु
 ल्याच्चःया अवधारणा खः । श्वं न्यागु नक्षत्रया नं दकले गुलि न्ह्यः जुल
 उलि हे मभिं धाइ । गर्थेक धनिष्ठा नक्षत्रय् लात धाःसा न्याम्ह लाइ ।
 शतभिषाय् ४ म्ह, पूर्वभाद्रपदय् ३ म्ह, उत्तरभाद्रपदय् २ म्ह, रेवतीइ छम्ह
 लात धाइ । श्वं दशाया तेज कम यायेगु अथवा दशा फालावकेबीगु कथं
 विधि यायेगु निश्चित जुइ ।

धनिष्ठा नक्षत्रय् मृत्यु जूसा न्याम्ह पञ्चमय् लाःगु जुल । श्वं अवस्थाय्
 याये माःगु क्रिया विधान दु । श्वं कथं संस्कार यात धाःसा भविष्यत् जुइगु
 भयं तरे जुइगु जुल । धनिष्ठा नक्षत्रय् मृतक जुल धाःसा न्याम्हसित दोष लगे
 जुइगु जुल । अकिया निवारण नितिं खें प्यंगः कुशं हिनाः म्ह ज्यानाः
 दयेकी । सिद्धम्ह छम्ह व श्वं खेंया म्ह ज्यानातःगु प्यंग् नापं जम्मा न्याम्हया
 त्याः खाइ । श्वं म्ह ज्यानातःगु सिद्धम्हया जवय् निम्ह खवय् निम्ह तइ ।

शतभिषा नक्षत्रय् लानाः सिद्धगु जूसा स्वंगः खें ल्हाः नापं तयाः म्हज्यानाः
 सिद्धम्हसिया याक्वय् स्वचायेकी । जैय् नं स्वचायेकी ।

पूर्वभाद्रपद नक्षत्रय् मृतक जुलधाःसा स्वम्हसित दोष लगे जूगु
 धाइ । निगः खें कुशं हिनाः ल्हाः निपा तयाः जैय् स्वचाकी । उत्तरभाद्रपदय्
 नक्षत्रय् मृत्यु जूसा छगः खें कुशं हिनाः ल्हाःनिपा तया जैय् स्वचाकी ।

रेवती नक्षत्रय् मदुगु जूसा नं पञ्चमय् लाःगु धायेगु चलन दु । तर थन
 छम्ह जक लाःगु धाइ । छम्ह धैगु सिद्धम्ह हे जुल । अकिं थन हानं मेम्हसित
 दोष लगे जुइ धाइ मखु ।

पञ्चमय् लाइगु धैगु मभिं हे धायेमाः । च्वय् च्वयार्थे क्रिया यानाः
 दशा फायेकेगु ज्या याइ । श्वं याना नं निमोह कुन्हु पञ्चरक्षा पाठ याकाः
 जलदान समेत बिइगु संस्कार दु ।

सिथं यंके पूर्वया ज्या

सिद्धम्ह मन्या म्ह आः केवल भौतिक वस्तुजक जुल । वयात गुलि पुलां
 यानातल उलि उलि हे दुर्गन्ध वयाः अन विनाशकारी फल जुइ । उत्पात
 जुइ । मृत्यु जूगु निश्चित जुइधुंकाः निष्प्राण बेहयात संस्कार यानाः नष्ट
 याना छ्वयेगु प्रक्रिया प्रारम्भ जुइ । म्वानाच्चंबलय् न्ह्याक्वं हे माया प्रीति

जुयाच्चगु शरीर जूसा सिद्धुकाः व शव (लास) यात जीर्ण यानाछ्वये हे माः । मन् सिद्धुका फुकी दाजुकिजापिन्त कने, सूचं बिये, स्थान्ठ्यापिं यः थितिपित कने, सनागुथि अथवा सिद्धगुथियात कंके छ्वये धुकाः अनं लिपा सिथं यंकेत यायेमाःगु क्रिया कर्म याइ । सिद्ध धुकाः सल्हासाहुति क्वचाय् धुकानिसें सिथं मयंकबल्य् तक यायेमाःगु विधि यन छसि ब्यागतं कयं च्वयागु दु । इपिं छसिकयं थये खः-

सउबैय् तयेगु

मृत्यु जूगु निश्चित जुलकि वयात मृत्यु जूगु धकाः विधिवत चरणय् तयेगु क्रिया जुइ । प्राण मदुगु म्ह्य् अनेक कीटाणुया वासस्थान जुइ फु । उसाँय् मदयाः मदुम्ह जूसा उसाँय् मदुबल्य् यी यी कीटाणुतय्गु वासस्थान जुयाच्चंगु शरीर हे खः । आः प्राण मदुगु शरीर जूगुलिं थये कीटाणुत व शरीरय् न्हापा गथे खः अये च्वनिमखु । इमिगु यः थःगु पहकयं चलायमान जुइगु स्वाभाविक हे खः । इपिं गुलिं ला शरीर पिने हे नं पिहां वयेत स्वइ । गुलिं ला आः प्राण मदुगु शरीरया कारणं अन न्हकयंया जीवन स्वउत्पन्न अथवा शरीरय् द्वाहाँ वःगु नं जुइ । यजाःगु कीटाणुत सूक्ष्म स्वयाः नं सूक्ष्म जुइफु । अजापिं कीटाणुत पिहाँ वयाः मेगु उपद्रव नं जुइफु । इमित नियन्त्रण यायेमाःगु आवश्यकता दु । इमित नाश याना छ्वयेमाःगु दु ।

थ्व खँयात नापं विचाः यानाः सउबैय् तयेगु धकाः छगू विधिवत क्रिया दु । गोबरं बैय् इलाः सिद्धम्ह मन् अकी छःने तइ । गोबर कीटाणु नियन्त्रक खः । गोबरं इलातःगु थासय् दुने च्वंपिं कीत व थासं पिने पिहाँ वये फइमखु । मेगु ला गोबरय् दइगु गन्ध व रसायन सामग्री कीटाणुत नाश यानाः छ्वइगु तत्व नं खः । छँ कोठाय् बरोबर गोबर लेपन यायेगु थ्व हे कारण खः । थये गोबर अर्थात् सउनं इलाः सिद्धम्ह मन्यात अन तयेगु वैज्ञानिक क्रियाया मिखां नं स्वयेवहः जू । सउबैय् तःगुया अर्थ आः व निष्प्राण शरीर त्याज्य खः धकाः निश्चित जुउगु संकेत नं खः ।

सउबैय् मतःतलय् दुःखं मक्यं, म्वानाच्चबल्य् गथे खः अये हे व्यवहार जुइ । अकिं सउबैय् तये न्ह्यः माःगु यिइ ज्यूगु अथवा यिइ मज्यूगु वस्तुत अखे युखे लानाच्चंगु चिइके चायेके याइ । दुःखं मच्चंसे मेयाय् मवंसे मगाःपिं

न माःमाःगु सामान ज्वनाः छैन पिने च्वनेन वर्नी । मउबैय् तलकि आः
अजाःगु ज्या दक्कं वर्जित जुइ । अर्यान् दुःख क्यन । आः शुद्धा शुद्धिया ज्या
दक्क अये दुःख क्यपिन्सं याये मज्जिन धकाः धाइ । मउबैय् तयेगु क्रिया अकिं
दुःखं मक्यनिगु अवस्था व दुःख क्यंगु अवस्थाया मध्यविन्दु जुन । थ्व क्रिया
धुंकाः आः सिद्धम्ह मन्यात दीपय् यंकंगु क्रिया क्रमाकयं ज्या न्याकंगु जुइ ।
सुकू मूलुखाय् धंकंगु

सुकले छकले हयाः सिद्धगु छैया मूलुखाया छम्हेर धंकातइ । थ्व सुकले
धंकुगुया कारणं यन छै सुं मन् सिद्धगु दु, सियं यंकंगु तयारी जयाच्चंगु दु
धकाः संकेत खः । थ्व संकेत अन छैय् वःपिन्त फलाना सिद्धगु धाःगु छै गन
धकाः न्यने कने यानाच्चने म्वाल । फलाना सिद्धगु धाःगु गन धकाः यजागु
कयं उखे युखे न्यं जुइगु नं हिसि लाःगु ज्या मखु । उजागु अवस्थाय् सुकू
धंकातःगु छै खनकि सिद्धगु छै वहे खः धका सिद्धकेत अःपुइ ।

छःतय्गु मूर्तिइ सुं त्वपुइगु

अन सिद्धगु छैया चुक ननिइ चिभाः छः, महाकाःछ, गणेछः आदि दुसा
इमित सुं त्वपुइगु ज्या जुइ । थये याइगु छःतय्त् सियं यंकंगु स्वयेगु पाखे
मिखा मवंकेत नं जुइफु । अयवा मभिगु ज्या धैगु छःतय्गु संसारय् मदुगु
जुयमाः ।

देवं फायेकेगु

सियं यंकबलय् सिद्धम्हसिया म्हया छःने तयेगु वस्त्रयात देवं धाइ । देवं
अर्यात् म्ह छःने तयेगु वस्त्र खः । थ्व देवं छ्वइमखु । सियं यंकाः दीपय् मि
मतः तले जक सिद्धम्हसित फायेकातइ । मि तये धुनकि देवं लिकाइ । देवं
स्थायी वस्त्र खः । न्ह्याम्ह सिद्धसां थ्व हे देवं छयलेगु याइ । देवं सिद्धगुयि
अयवा सनागुथिया पाःलाःया जिम्मा लानाच्चनी । थ्व देवं गुथिया
परिवारपिं सिद्धबलय् जक पित हयेगु याइ । गुथिया परिवार मखुसा
गुथिपाःलाःनं देवं पित हइमखु ।

गुथि मदुपिनि यजाःगु देवं दइमखु । गौंया व्यवस्था दुसा गौतसें हे देवं
ज्वनावइ । थये नं मखुसा पीताम्बरया अर्यात् म्हासुगु वस्त्रयात हे देवंया रूपय्
छयली । युगु वस्त्र स्थायी देवं जुइ मखु । गुथिपाःलाःनं देवं हयाः फायेके न्हयः

सिद्धिगु छैय् वयाः सिद्धिगु खः मखु स्वः वइ । सिद्धिगु मनु देव फायेके योग्यम्
खः धकाः पक्का याये धुन कि गुथिपाःलाः देव कायेत
वनी । देव हयेत्यल धकाः सूचं बियावनी । देव हइबल्य ध्वदुके मजिउ धकाः
धयातःगुलिं नं यथे पूर्व सूचना बिद्धिगु जरूरत दु ।

देव हयाः फायेकलकि सिद्धिगु लासया जिम्मा आः गुथियागु जुल धैगु
नं संकेत खः ।

गुथियार जःपिन्त कंकेज्या

यथे देव फायेके धुनेव गुथिपाःलाःनं गुथियारजःपिं सकलसित श्व बेल्य
वयेमाल धकाः कंवेनेगु ज्या जुइ । श्व छगूकथं मृत्यु जुगुया
औपचारिककथंया घोषणा धाःसां छुं पाइमखु । यथे गुथियारतयत् खबर
ब्यवनेगु ज्याभार गुथियार पाःलाःयागु जुइ । सूचं दतकि गुथियारत सकलें
अन थःथःगु भालाया ज्या यायेत वयेमाः धैगु सामान्य खैं जुल । छुं
जुयाः सुं गुथियार मवल अथवा वयेमफुत धाःसा अन दण्डया व्यवस्था
दु । श्वयात बं पुइकेगु धाइ । बं पुलेगु ज्या गुथिबल्य अथवा मेगु अवस्थाय
जुइ । बं मपुल धाःसा गुथिया जःनं पितिका च्वनेतकं मालेयः ।

यथे यायेजिउ यथे यायेमजिउ धयागु गुथिया छुं छुं बन्देज दइ । श्व
श्वबल्य थुम्ह थुम्ह गुथियारं श्व श्व ज्या यायेगु आदि इत्यादि च्वयातःगु
सफ् दइ । श्वयात बं सफ् अथवा हाकु-सफ् धाइ । ख्वातुगु भ्वैतय् हाकः
इला तइगुलिं श्वयात हाकु-सफ् धाइगु खः । युकी सलामं च्वयेगु याइ ।
गुथिपाः सिधलकि च्वयातःगु हयाः फेरकथं च्वयेगु याइ । गुथिपाःलाःनं
यजाःगु बन्देज सफ् ज्वनाः अन वइ । अले सामान जोरजाम याये माःगु आदि
माःमाःगु ज्या माःमाःगु कथं क्वचायेकेगु तयारी याइ ।

सिद्धिगुथि मनुपिं नं दयेफु । यजापिनि गोपाखे ज्या काइ । गौतसें नं देव
हयेगु याः । सिथं यंकेत सामान जोरजाम थःथःपिन्सं दाजुकिजा फुकी
पासाभाइ जःलाखःला आदिपिन्सं यानाः ग्वाहालि याइगु ला द हे दु ।

फांगा तयेगु

स्यान्यापिसं फांगा छ्वया दयेगु धकाः चिकिचापाःगु कपायया दयेकातःगु फांगा बियाहइ । यजागु फांगा जो लाकाः तयेमजिउ धाड । अजागु फांगा मृतक देहया छःने तयाः फायेकेगु ज्या जुड । भगवान ब्रह्म मदुबलय् यी यी जुजुपिन्सं छ्वयाहःगु कापतं म्हय् भुंकुगु धकाः ब्रनेदु । थ्व फांगा नं वया हे लक्षण जुडमाः । थौकन्हय् फांगा न्यायेगु मदुगुलिं खादागा तयेगु चलन बल । थ्व खादागा स्यान्यापिसं जक मखु न्हाम्हसिनं तःसां जिउ ।

कृताः दयेकेगु

सिद्धम्ह मनू तयाः दीपय् यंकेगु छगू कथंया साधनयात कृताः धाड । यजागु कृताः स्थायी जुडमखु । माःगु बखतय् जक दयेकेगु कथं पटके खः । थ्व कृताः दयेकेत विशेष सामाग्री माःगु यानातःगु दु । थ्व कृताः दयेकेगु विधि नं दु ।

कृताः दयेकेगु पंथागु खः । न्हयकु हाकःगु पंथात नित्वाः यली । थ्व नित्वाः समानान्तरय् ग्वतुइका अकिइ पंथा बाला उतिग्यंक पाकाः न्हयगू तइ । युकी सःखि खिपतं हिनी । छगू कथं ग्वतुइकातःगु स्वानेया त्वायः ये च्वनी । कृताः दयेकेत थ्व न्हयत्वाः सप्तरत्नया प्रतीक खः धकाः थ्व कार्यपत्रया मृत्यु संस्कारय् न्हयगू त्याःया महत्व धैगु परिच्छेदय् क्यनेगु कुतः यानागु दु । जंक्व याये धुंकुम्ह जूसा जंक्वखःया सिं कृताः दयेकेत छ्यली । त्यंगु सिं दिपय् यंकाः सीम्हनापं च्याकाछ्वइ ।

तिंकथिया ध्वज छखे स्वंगू छखे स्वंगू यानाः खुगू तइ । ध्वजया च्वकाय् खाइसिइ हाकूगु वा तुयूगु च्वामो तइ । मिजंम्ह सिद्धगु जूसा तुयूगु कापः च्वय् ह्याउँगू कापः क्वय् लाकी । मिसाम्ह जूसा ह्याउँगु च्वय् तुयूगु क्वय् तइ । यथे भेदं सियंहःगु खनीपिसं मिजंम्ह सियं हःगु अयवा मिसाम्ह सियं हःगु धकाः सिद्धकेगु संकेत खः धाःसा नं छुं पाइमखु ।

थ्वया अप्वः कृताःयात किंकिनीजाल धकाः स्वाँमाः हनाः छुं भचा लचकय् जुडक छायेपिका तइ । अकाय्माः तइ । अये हे फिप् बालाचीमाः, ताय्माः आदि तयाः छायेपिका तइ । थ्व कृताःया विशेषता स्वयेगु खःसा-

१. इहि मयाःपि मिसामचातयत् व चूडाकर्म अथवा ब्रतवन्ध याये मलाःपि मिजमचात जूसा कूताःया प्रयोग जुइमखु ।

२. अथे हे मचाबुइ धुनेव सिइपिं गाःमचायात मचायात नं कूताः प्रयोग जुइमखु ।

श्व निगू अवस्थास नं विधिवत् कूताः प्रयोग याये मज्यूगु खँ दु । छायाःसा श्व निगू कथंया अवस्थाया मृत्यु जूपिन्सं अन वंश परम्परा न्ह्याकेगु छुं नं ज्या मयाःनि । अकिं अन पं (वंश) तयाः दयेकेगु, तिकथिया ध्वाँय् दयेकेगु कूताः प्रयोगया छुं अर्थ हे मवः । अकिं इहि हे मयाःपिं व चूडाकर्म अथवा ब्रतवन्ध मयाःपिं मनू जुयाः जन्म काःसा नं धार्मिक व सामाजिक परम्पराया बन्धनय् दुने मलाःपिं जूगु निंतिं इपिं वंशय् लाकातःगु मदु । कूताः दयेकेत पं अथवा तिया प्रयोगया विशेषता नं श्वह हे खः । श्व विषयय् च्वय् विश्लेषण यानागु दु ।

थौकन्हय् पं काये थाकुगुलिं आत्मोनियमयागु स्थायी कूताः दयेकाः छयलेगु याःगु नं खने दत ।

पञ्चमय् लाःगु खःसा अकिया क्रिया

नक्षत्र नीन्हय्गु दु । अकी मध्यय् दकले लिपागु न्यागू नक्षत्रया दुने लाकाः सित धाःसा पञ्चमय् लाःगु धाइ । थथे पञ्चमय् लाःगुया सिइम्ह त्वःता छँजःपिन्त दोष लगे जुइ यः धाइ । अकिं दोष फायेका छवयेगु क्रिया विधि दयेकातःगु दु । श्व क्रिया विधि थन पुरा यायेगु ज्या जुइ । क्रिया विधिया विषयय् च्वय् च्वयागु दु ।

वसः हीकेगु

सीम्हं पुनातःगु वसः फोहरगु जूसा नीगु वसः पुंकी । फोहरगु हियेकी । म्हय् फोहर दुसा सफा याइ । म्हिचाय् धेबा तयाबी । मिजम्ह जूसा छयँलय् चिकं तीका तपुलि पुइकी । मिसाम्ह जूसा चिकं तयाः सँप्याकी । थाय्पा जूसा थाय्पाया भोत जामा पुंकी । देखा दुम्ह जूसा देखाया वसः पुंकी ।

दुखापिखां तियेके

सिद्धम्ह दिपय् यंकेत तयारीया भवनय् दुखापिखां तियेके धकाः छग्
दार्शनिक पक्षं पिज्वःगु विधिपूर्वक याये माःगु दु । वयात दुखापिखां तियेकेगु
धकाः धयातल । मितद्धम्ह अर्यात दागवति बिद्धम्हसिनं गोबरं बँय् स्वास्ति
च्वकी । उकिइ छःने पुलु लाइ । पुलुया छःने कापः १६ अंगुल हाकःगु तुय्
कापः लाइ । तुय् कापःया छःने सिद्धम्ह पार्यिव शरीर तइ । व सिद्धम्हसित
पञ्चगन्ध नस्वाःचिकनं बुइकी । सिंधुर मोहनी आदि नं तिकइ । सघवा
पिसाम्ह जूसा सिंच् नं छायेकइ । दीक्षा दुम्ह जूसा दीक्षाबल्य् छ्यःगु
कोखागाः छत्र पूजा अंगु सकतां तियेके ज्या याइ । पञ्चरत्न खँ न्या म्हुतुस
तयाः कंय् खोलां त्वपुयेकी । कपालय् ह्याउंसिन्हः तया जन्मपत्रिका जातः नं
कपालय् चिकेगु ज्या जुइ । थुलि धुनेवं लानातःगु तुय्गु कापतं सिद्धम्ह प्वः
चिनेगु ज्या जुइ । मितद्धम्हसिनं दुखया मुलुसुकां क्वनिसें न्ह्यति सुयाः छयँया
थासय् तकं थ्यंकाः मुलु सुका मुलुनापं स्वचायेके ज्या जुइ । थौकन्हय् पत्र-
पत्रिकाय् “बिचाःहना” तयेगु चलन वःगुलिं जातल्य् स्वयाः जन्ममिति ल्हययेगु
याइ । थ्व म्ह ग्यलेगु ज्या सिद्धगुयियारतसें याइगु व याकिगु खः । थुयाय्
तकया अवस्थायात दुखापिकां तियेकेगु धाइ । तुय्गु कापः तयाः यायेगु थ्व
ज्यायात मत च्याकेगु महादीप दयेकेगु धकाः धयातःगु दु । म्हयात इताः
सरह दयेकाः सिद्धम्ह छ्वयेकेगु कथं कयातःगु दु । म्हयात हे इताः
सरह जूगु कारण सामान्य दीप मखुसे महादीप धयातःगु खः ।

महादीपया परम्परा विपश्ची तथागतया पर्यायनिसें न्ह्यानावयाच्चंगु
संस्कृति खः धकाः बौद्ध क्षेत्रय् विश्वास दु । मनू सिनाः दाह संस्कार आदि
सकतां सिधःसा नं सिद्धम्ह मनुखं छ्यलातःगु तंआदियात चिराग थें खः
धयागु विश्वास दु । छग् अजगुतिया खँ थ्व दुकि सिद्धबल्य् गथे यानाः दाह
संस्कार जुइ गथे यानाः छु जुइ छुं घाये फुगु मखु धकाः म्वानाच्चंगु
अवस्थाय् हे नं म्हया छुं अंग ल्हाःया पचिं अथवा तुतिया पचिं आदि छ्वयेकुपिं
नं दु ।

भगवान् शाक्यमुनि गौतम बुद्धया महापरिनिर्वाण धुकाः वसपोलया शरीर छवयेकेत न थये हे तुय्गु कापतय् प्वः चिनाः छवयेकुगु खः । चक्रवर्ती जुजुपिनि मृतदेहयात न थये हे तुय्गु कापतय् भुनाः छवयेकीगु जुयाच्चन ।^{२१}

थये दुखापिखां तियेके धुकाः लानातःगु पुलुइ छयं, म्ह व तुतिपाखे सुयाः खिप्वतं चिइ । थ्वया छःने देवं नं फायेकी । अनंलि धौब्व तयेगु धकाः मृतक देहया च्वय् क्वय् जवं खवं पाचालपतेय् धौबजि तयाः धौब्व तइ ।
बापां दायेके पुलुपुलु

थये दीप अर्यात् मत दयेकेगु हे भ्वल्य् बापां दायेकेगु व पुलुपुलुया नं खँ न्ह्ययनेबहः ज् । पुलुपुलु धकाः सिइम्हसिया लंत च्याकेगु मुहालि (महादीप ये) तःधंगु इताः दयेकाः चिराग ये च्याकाः सियं यंकेबलय् सिइम्ह तयायंकुगु क्ताःसिकं न्हापान्हापा यनिगु खः । थ्व महादीप ज्वने छिक तःग्वगु सली अयवा सलापातय् दिके जिइक दयेकिगु खः । थ्व ज्या याइपिं धकाः छयी ब्यागलं कयंया जात दु । इमित पुलुपुलु हे धाइ ।

थ्व पुलुपुलुया मूखँ नं मृत्युपर्यन्त व अनं लिपा नं भोगय् याय्माःगु छुं लें बाँकि दनिसा थ्व पुलुपुलुया जःया सहायतां गन्तव्य स्थानय् थ्यंकाः पार जुइगु खः धाइ । थौकन्हय् पुलुपुलुया ज्या याःपिं मन्त । अकिं युगु संस्कृति न्हा वनेधुकल धाःसां छुं पाइमखु ।

थये पुलुपुलु च्याकाः सियं यंकेगुयात बापां दायेकेगु धकाः धयातल । थये बापां दायेका सियं यंकेबलय् पुलुयात चिचिः धंक प्यकुंलाक चानाः अकिइ छःने वाः छपुचः छपुचः व धिबा छाः छाः फिप् व अबीर तयाः दुवाः व छो पतिकं त्वःता त्वतावनेगु ज्या जुइ । थ्व ज्या सिइबाजं याइपिं भुजं (नाय) तय्सं याइ ।

पुलुपुलु तयाः बापां दायेकाः सियं यंकेबलय् काहाबाजं मतरे मगाः धाइ । काहाबाजं धइगु प्येताः ये ताहाकःगु पुइगु बाजं खः । काहाबाजं विशेष यानाः पल देशंजक वइ । येय् यजाःगु बाजंया व्यवस्था मदु । सियं यंकेबलय् थ्व नायबाजं स्वयाः न्हापा वनी ।

२१ भिक्षु अमृतानन्द, सलिल बुद्ध-जीवनी, (काठमाडौं : आनन्द कुटी बिहार गुठी, २०५०)

छ्वासय् वाये

छ्वासय् वायेगु घकाः मिनावम्प्रेसिया नं, मिनावम्प च्वनाच्चंगु सुक्छपाः, जनी आदि तथाः छैनं पिने थ्यंक च्वंगु छगु विशेष कयया मान्यता बियातःगु छ्वासय् यासय् वाके छ्वयेगु ज्या यादु । थ्व न्या छेया मिसा जःपि अथवा फुकिइ मिसापिन्सं वाः वनेगु ज्या जुदु ।

२२ छ्वास छेगुया विशेषता नं यन न्हयनेबहः जः । काचाक स्वयेबनय थ्व मिदम्पसियागु न आदि वायेगु थाय् छः । अकिं थ्व छगु घणा उत्पन्न जुडुगु थाय् छः छैबे च्वनी । थ्व छ्वासयात यथे हेलाया मिछां स्वयेगु मछु । थ्व छगु पवित्र थाय् छः । थ्व छ्वासय् वाडुगु यासय् मचा बुसानिसेया सम्बन्ध दुगु थाय् छः । मचा बुडबनय जुडुगु क्रियाय् पि वायेगु कलः वायेगु थाय् नं थ्व हे छः । अकिं व छ्वासया लागाय् मचा बगु व बम्प मचा निपा सिडगुया घलः तडम्प अधिकारी छः छैगु मिछां स्वयाः बुइका कायेबहः जः । म्यामचा पित बिया छवडबलय् घउ पलछ दनाः निखलःसियां गुरुजपि छै न्हाडुगु नं छ्वास अजिमायात न्यंकुगु हे छः । थौं कन्हया जन्म मृत्यु दर्ता यायेगु ज्या कुबि नाप तना स्वयेबहः जः । थ्व छ्वासय् मचा बुसानिसे मचा जंकु, बान्हा तयेगु, चडाकर्म, विवाह, न्याब जंकु (बुधा जंकु) आदिबलय् नं अन कलः आदि वायेगु ज्या जुडु । अकिं थ्व छ्वासयात सम्कृति परम्परा याः मयाः आदिया नं लगत तैगु थाय् छः । वास्तव्य थ्व छ्वासयात छ्वास अजिमा छड । छः थ्व अन लागया सकसियां अजिमा हे छः । थ्व अजिमायाके गुनिमछि न्हय लिसेया पुस्ताया घलः दु जुडु । गुलि गुलि पुस्तायाके थ्व कलः काये धुकल जुडु । गुलि गुलि पुस्तायः गिडबलय्पागु छ्वास काये धुकल जुडु । अन आः बे लिपिबट्ट घाना तयेगु जूसा व छ्वास अजिमा इतिहासया सफ् हे जुडु ।

यन कलः छवयेबलय् ब्वनेमाःगु विधि विधान अनुसार छ्वासयात छः भाःपाः कयातःगु दु । वयागु रूप नं यथे छः- भावना वाक्य - ताः स्वहृदये सय्यं मण्डुतोपरिस्थित पिण्डोर्द्वेष्टी कंकारमालाक्लकिनी द्रष्टकराल वदनी शिरस्थवाक्लकिनी श्लिष्टितवदनी धूमवदना त्रिनेत्रा अष्टादश भुजा एवं भृता ग्रीषणा मूर्ति धूमांगारी भगवती भाक्येत् ॥

१. पुक्कसी ॥ २. दामिडी ॥ ३. चण्डी ॥ ४. घोरीछी ॥ ५. रुधिर प्रिया ॥ ६. मानसीया ॥ ७. उग्री ॥ ८. ज्वलिता कुरु कुरु ॥ ९. बीभत्सी ॥ १०. कापाली ॥ ११. बडी ॥

थ्व देवीया (गणचक्र) स्तोक

ओं नमो गणचक्रनाभाय ।

नमस्ते ज्ञानडाकिनी नमस्ते सिद्धिरूपाय नमस्तेस्तु नमोनमः ।

भक्त्याहं त्वां नमस्यामि धी गणचक्रनाभ नमोस्तु ते ।

वसपोतयात स्तुति यायेगु वाक्य

ओं हरशिर भकुट किरति मणि भास्वर चरण युगं ।

गाढे सनिबहूपीठ कण्ठोत्कट देहधरु चारितस्फरण संचारिणी ।

गुह्योत्कट कमल युगं मोहिय बडसत्त्व परमेश्वर परम पदं ॥

श्व क्रियाया वैज्ञानिक लिधंसा स्वयेगु खःसा सिद्धिर्हासिया लासा फांगा फुंग तक ब्याक्क च्वंगु कीटाणु सूक्ष्म कीटाणु छँ तयातयेगु स्वास्थ्यकर जुइमखु । ताहाकःगु त्वचं कयाः मदुगु जूसा लोचं कयाच्च्वंगु अवस्थाय् मुनाच्च्वंगु कीटाणुत फुक्क फाक मुनाः छँन पिइने थ्यंक वाकेछवयेगु आवश्यकता दु । श्व हे ज्या पुरा यायेत याःगु ज्या छ्वासय् वाकेगु क्रिया खः । अकिं हे थः स्यान्हयापिं हे वनाः छ्वासय् वायेमाःगु खः । परचक्रिपिन्सं सामान्यतया छ्वासय् वाइ मखु ।

सूक्ष्मसिकं सूक्ष्म कीटाणु मुना-माना वांछवयेगु खँयात सौसायेगु क्रियायात नं यन त्वःफिके जिइ मताया । सौ सायेगु धकाः दुःखापिखां तिकेबलय् स्वस्ति च्वयेत छ्यःगु गोबर मुंकेगुयात संकेत याःगु खः । गोबरया सकतां कयंया कीटाणुत मुनाः अखे युखे वने मफयेक प्यपुना च्वनिगु हे जुल । श्व सौ सायेकेगु ज्या माँ बौ जूसा कायमचां अथवा मितइम्हसिनं याइ । भाःत जूसा कलातं याइ । कलाः दतलय् मिइतइम्ह जूसां कायमचां याइमखु । दुखापिखां तिइकुगुबलय् च्वःगु गोबर निगः धौभ्यगतय् बच्छि बच्छि यानातइ । छगः धौभ्यगः पिचा वायेबलय् यनी । श्व विषयय् क्वय् नं उत्लेख यानागु दु । छगः धौभ्यगः सिथं यंकिबलय् मि तइम्हसियां ज्वनाः पिखालुखाय् जोडं कुतका तछयानावनी ।

पाखा कुँ थनेगु

छँया पिनेसं पाखाया क्वसं च्वनाः सु, सप्पा म्व च्याकाः कुँ वयेकेगु ज्या जुइ । श्व कुँ वयेगु ज्यायात नं स्वास्थ्य सफा सुघरया मिखां स्वयेबहः जू । छँ जःखः दयाच्च्वंगु कीटाणुतय् न्हदंक सफाचट याना छ्वयेगु हे प्रक्रिया खः । मिच्याका कुँ वयेकेगु अर्थ छँ पिने लानाच्च्वं पि कीटाणुत हानं छँ दुहां वने फुगु संभावनायात त्वःफिका छ्वयेगु जुइ ।

भाजं

यये च्याकेगु सु, सप्पा म्वया नौ आदि गुन्हं च्याकाः भाजनय् तयाः सिद्धिर्हा नापं दीपय् यंकिगु खः धैगु सिद्धि । श्व हे भाजनय् च्वंगु मियात ग्वाकाः तिप्वाः च्याकाः अग्नि संस्कार यायेत छ्यलिगु खः । न्हापा मि कायेत थाकुगुलिं छँनिसं मि च्याकाः ज्वनावनेगु श्व छगु उपाय खः ।

पिख्वयेगु

सिद्धम्ह सिथं यंकेत पित ह्येगु ठिक-ठाक जुलकि पिख्वयेगु धकाः विवाहित म्थ्याय्मचात सिद्धगु छैनं ख्वयाः पिहो वड । पिने दुवातय् तक ख्वया वनाः अनं दिनाः मिखापियाः छेसं तु निहो वड । थ्व सिथं यंकेगु तयारीया सिलसिलाय् अन्तिम कार्य खः । पिद्धने थ्यंक म्थ्याय्मचात ख्वया वनिगुया लक्षण नं पिने थ्यंक च्वंपित सिथं हद्गु ईया आधिकारिक प्रक्रियागत सूचं हे खः धायेमाः ।

पिचा वायेगु

सिथं यंके धुकाः छें छ्वां च्वनिसे बें पुया ह्याः घ् घाः फुक्कं पिचाय् तद् । अले बेंपूगु तुफि तकं व सौसाःगु बाँकी दनिगु छगः भ्यगः नापं सिद्धम्हसिया छ्यलातःगु लासा फांगा आदि सकतां तयाः छ्वासय् हे वाके छ्वड ।

थ्व संसार भावनामयी खः । थ्व हे भावनाया लिधंसाय् सिथं यंके पूर्वया क्रियात न्ह्यज्याना च्वंगु खनेदु । यजागु विधि क्रियाय् सामाजिक व्यवहार ला दुहे दु । अले सिद्धम्ह मन्या सुगति लाद्गु क्रियागत खंत नं बियातःगु दु । व स्वयाः नं भबिष्यत् अजागु कथं हानं हानं दुःख मवयेमाः धकाः सफा सुधर यायेगु, सूक्ष्मसिकं सूक्ष्म कीटाणुत हाकुतिना छ्वयेगु, शहरं पिने थ्यंकं यनाः इमित नं छुं कथंहे पुसातकं त्यं मदयेक न्हंका छ्वयेगु आदि सुलाच्चंगु खंत आधुनिक मिखां स्वयेबहः ज् ।

सिथं यंकेगु

मनुष्य जाति चेतनशील व विवेकशील प्राणी खः । सिद्धयुं कुम्हसित नं ससम्मान जात्रा यानाः दीपय् यंकेगु नेवाः बौद्ध समाजय् विधि दु । थ्व परिस्कृत सभ्यताया लक्षण खः । सिथं यंके पूर्वया ज्या दक्कं क्वचालकि सिथं यंकेगु क्रम प्रारम्भ जुड । मृतकदेहयात गुथि दुसा गुथियारतसें ग्वाहाली यानाः छें क्वत ह्याः पिखालखुड यंका क्तालय् तद् । उत्क्रान्ति क्रिया जूम्हसा रथय् (खतय्) तद् । तर उत्क्रान्ति क्रिया जूगु जूसां मिसा जूसा क्तालय् तद् । थये तयेगु ज्या जुलकि आकाशमाला धकाः अकाय्माः तद्, स्वां जाकि अबिर, फिप् आदि ह्वलाः छेंया जःपिन्सं मृतक देहयात बिदा-बाजि बिड । अले बाजं सहित दीपय् यंकेगु शवयात्रा शुरु जुड । थये यात्राय् वनिगु क्रम नं विधिवत् दु । इपिं थये खः-

१. सिद्धबाजं

दकले न्हापां बाजं खलः वनी । अकिइ नं काहा-भुजा दुसा काहा-भुजा
निं न्हापा च्वनी । उत्क्रान्ति क्रिया याःगु खःसा काहा-बाजं मतसे मगाः ।
अनलि तिनि नायबाजं धकाः खिं व भुस्याः दइ । यजाःगु बाजं
फरमायस कथं म्हायामचातय्सं तइगु नं दु । नायबाजं सिद्धबलय् थायेमाःगु
ताल व बोलि वयेकाः थायां वनी । गनं गनं विशेष थासय् थ्यनिबलय् बोल
पाकेमाःगु नं दु । अजाःयाय् बोल पाकाः बाजं याना वनी । बाजंया ताल व
बोलि तापाकं च्वपिन्सं नं थ्व सिथं हःगु बाजं धकाः सिद्धका कायेफु । थ्व
बाजंया ताल बोलिया विशेषता हे थ्व हे जुल ।

बापां दायेका यंकुगु जूसा दुवातय् अथवा छःत दु यासय् पुलु टुक्रा, वा
फिप् अबिर व धिवा नं त्वःतु त्वःतुं वनी । खुसि थ्यनकि बाजं खुसि पारीइ
वनेगु वर्जित यानातःगु दु । वारीइ हे च्वनाःथ्व सिद्ध बाजं मितये सिमधःतलय्
थायेगु दिकी मखु ।

२. पुलुपुलु

बाजं लिउने पुलुपुलु च्याका वनिपिसं पुलुपुलु ज्वनावनी । यजाःगु
पुलुपुलु छगू जक दइ मखु । स्वंगू तयेगु चलन दु ।

३. भाजं

छखे पूजाया धकि व छखे मि च्याःगु भाजं नो तयाः कुबुया यंकी ।
पिखालुखुइ सिद्धम्ह कृतालय् तः थासनिसें मसानय् तक लैं दुच्छिं गाय् प्वः
चिनाहःगु वा ह्वला वनी । सिद्धम्ह उइत माःगु सु कले चिनाः ब्वहलय्
पाछाया यंकी । भाजं क्वबिइपिं व सु क्वबिइपिं धकाः सामान्यतः
गुयियारत जुइ । उत्क्रान्ति याइबलय् भेगतय् जज्ज याइ । थ्व हे भेगः
पूजाधकि लिसें क्वबुया यंकी, भाजं म्वाः ।

४. वा ह्वलेगु

वा ह्वला-वनेगु धकाः मिसात छैनःपि अथवा मय्-नर्कपि थ्व क्रमय् च्वनी ।

५. जिलाजपिं

जिलाजपिसं ताय्, अबीर, धेवा ह्वलार्निगु प्रथा दु । थ्व जिलाजपिं थाय् थासय् मदिक ताय्, अबीर व धेवा ह्वह्व वनी ।

६. गुरुजुपिं

गुरुजुपिं अथवा यथेहे सन्मानयुक्तपिं धुं च्याकाः नाप नाप दुर्गतिपरिशोधन धारणी लें दुच्छि पाठ यानावनी । युक्त्यात लें पाथ्यायेगु धाड ।

७. कुण्डाला

उत्क्रान्ति क्रिया जूसा थन न्याम्ह कुण्डाला धारा लेंज्वःछि हायेका वनिपिं च्वनी । थ्व न्याम्ह मितइम्ह सियां लेंया कुण्डाला हायेका वनिम्ह दकले लिपा च्वनी । थ्वया न्ह्यो मेपिं प्यम्ह क्वजि कयं न्हापालाक च्वनाः चाया अंपया धारा हायेका वनी । थ्व न्याम्ह बाहेक मेपिं ख्वया वनिपिं सिइम्हया लिउने च्वनी । यथे वनिपिनि धोतिं चिना वनेगु याना वयाच्चंगु दु । कुण्डाला व अंपय् कुसुं दुगु लः साया बिइम्ह लःघः क्वबियाः नापनाप वनी ।

८. सिइम्ह तयाहःगु कूताः अथवा खत

सिइ क्वबिइगु कूताः वा खत ज्वनाच्चपिं प्यम्ह पिखातुखुइ कूताः वा खत ल्हातं ज्वनाच्चनी । म्ह ज्वनावःपिसं मृतक शरीर कूतालय् वा खतय् तइ । कुतुं मवंकेत सिइम्ह कापतं भुनातःगु खिपतं स्वयाय् चिइ । देव फायेकी । अकायमाः स्वांमाः तइ । तुति न्ह्योने लाकाः कूताः ब्वहलय् क्वबियेव सिइबाजं यानाः शव यात्रा न्हयाइ । थन सिइम्ह तयाहःगु कूताः अथवा खतय् तयाहःगु खःसा खत च्वनी । कूताः अथवा खत क्वब्यपिन्ति सहयोग यायेगु अथवा माःसा क्वबिया बिइगु कथंया मनूत नं थ्व नाप नाप च्वनी ।

९. ख्वयावनिपिं

थन उत्क्रान्ति मखुसा ख्वया वनिपिं सकलें थजिकथं च्वनी । मि तइम्ह धाःसा दकले न्हापा च्वनी । म्ह ज्वनिपिसं मि तइम्हयात निम्हसें ब्वहल्य् ल्हाः पाछाया ब्वना यंकइ । बौम्ह मदुगुज्सा थकालीम्ह काय्, मांम्ह मदुगुज्सा दकले चिइधिकःम्ह काय् नं मितयेगु चलन दु । ख्वयावनिपिं सामान्यतया ख्वाः त्वपुइगु कथं धाकाया गां अथवा भुलाया गां छ्यने तक तयावनी । यदि क्रिया च्वनिगु खःसा मितइम्ह व पासा च्वनिपिं धोति चिनाः लं मफिसे वनेमाःगु दु । दुखं च्वने म्वाःपिं भिंचापिं आदि छयं त्वमपुसे गां न्ययाः ख्वयावनी । सिइगु धैगु परमार्थ सत्य खः । सिइबल्य् ख्वयेमज्य् धकाः दर्शन्य् धया तःसां सिथं यंकेबल्य् ख्वया वने हे माः धैगु मान्यता दु । अले थये ख्वयावनिपिं छम्हं अपो माः । छम्ह जक ख्वयावनिगु सिथं स्वये मत्यः धैगु नं जनधारणा दु । मिसाम्हं मि तइगु जुल धाःसा सिथं लिसे मवंसे अलग वनी ।

१०. सनावनिपिं

थनलि सनावनिपिं इष्टमित्र पासा भाइपिं तापाः फुकीत आदिपिं सिइम्हया लिउलिउ वनी । साधारणतया सिथंयंकेबल्य् वनिपिसं लाकां न्ह्याइमखु, तपुलिं नं पुया वनी मखु । थौकन्ह्य् लाकां न्ह्यातले नं छ्यंग्या लाकां न्ह्याना वनिमखु । दीप्य् थ्यंकाः मि मतःतलय् थये सनावनिपिं लिहां वयेगु चलन मदु । खुसिइ लः बांलाःबल्य् खुसिया लखं मिखा पियाः लिहां वइ । थौ कन्ह्य् खुसिया लः फोहरगुलिं मेगु हे लखं मिखा पियेगु याइ ।

दीप्य् यायेगु क्रिया कर्म

दीप वा श्मशान धैगु वास्तव्य् अन्तिम शरणाया अर्थ खः । जीवनया अन्त्य्य् दीप्य् शरण वने हे माः । थ्व कथं दीप धैगु धर्म हे खः । भगवान् बुद्धं यःगु अन्तिम अन्तिम अवस्थाय् दुःखित जुयाच्च्वम्ह भिक्षु आनन्दयात यःगु हे दीप्य् अनुसरण यांनाच्च्वनेगु उपदेश बियाबिज्याःगु खः । दीपयात श्मशान नं धाः । थन दीप्य् यायेगु ज्यायात छथी ब्यागलं न्ह्यब्वयेगु यांनागु जुल । सिइम्हसिया देह विधिवत् कथं सिथं हयाः दीप्य् थ्यनेव यायेमाःगु ज्यायात थये च्वयागु जुल ।

सिंपैय् तये

सिथं यंके न्हयो सिद्धगुथियारत दीपय् वनाः सिंपै (चिता) तःवनी । सिथं हयाः दीपय् थ्यनेवं सिंपै तयातःयाय् छयं पर्वय् लाकाः मृतक देहयात कृतालं लिकयाः तइ । उत्क्रान्ति क्रिया यानाहःगु जूसा सिद्धम्ह तयाहःगु रथ नापं पश्चिमाभिमुख याना कचि अपाया स्वंगू जज दयेका तःगुलिइ तइ । थ्व अवस्थाय् यजकुण्ड नं दयेकातःगु दइ । व यजकुण्डय् लाकाः रयनापं तइ । लः त्वंके

सिद्धम्हसियां लः ला त्वने फइगु मखु । अयनं विधि विधान कयं लः त्वंकेगु ज्या जुइ । सिद्धत्यनिगु अन्तिम अवस्थाय् नं भतिचा जूसां लः त्वंकी । थ्व लः त्वंकेगु जलदान सरह खः । अयवा थ्वयात सिद्धत्यम्हसियां अन्तिम लः त्वंगु भाःपाः खः । व अवस्थाय् सकसियां लः त्वंकेगु अवसर दइ मदइ धाये फुगुमखु । अकिं नं सिद्धधुंकुसां मृतकदेहयात अन्तिम रूपय् लः त्वंकेगु क्रिया दुगु खः । थ्व क्रिया मि तये न्ह्यः जुइगु कारणं सदा सदाया लागि त्याग याना श्रद्धाञ्जलि धैगु भावना धाःसां अतिशयोक्ति जुइमखु ।

सिथं हयाः दीपय् थ्यनेव सिंपैया द्यःने तयाः लः त्वंकेगु ज्या जुइ । थ्व लः त्वंकेगु नं क्रमबद्ध जुइ । मेगु भिं ज्या जूसा थकाली कयं प्रारम्भ जुइ । थन थथे मखु । दकले न्हापा सिद्ध क्वब्युया वःपिन्सं खुसिया लः हया मृतकदेहया म्हुतुइ लाके थें ल्हाःपासलं लः त्वंकी । अनलि स्यान्ह्यापिं तर छँजःया पिनेयापिं गथेकि जिलांजपिं, पाजुपिं आदिपिसं लः त्वंकेगु जुइ ।

अनं लिपा छ्वयावःपिं क्वजिकयंनिसें लः त्वंकेबिइ । दकले लिपा मि तइम्हसिया ल्हानं स्वकः लः त्वंके बिइ ।

थ्व क्रिया शोबहाः भगवतीइ कर्णदीपय् जक जू । मेगु दीपय् जूसा दीपय् यंके न्ह्यः खुसिया किनारय् हे लः त्वंकेगु ज्या जुइ । अनलि तिनि दीपय् यंकी । तर लिपा छ्वयावःपिं क्वजिकयंनिसें लः त्वंकेगु उत्क्रान्ति क्रियाया अवस्थाय् न्ह्यागु दीपय् नं खुसिया किनारय् लः त्वंकेगु थासय् दीपय् लः त्वंकेगु ज्या जुइ ।

लिकुकोला पिण्ड

मृतक देहया ह्यःने च्वनाः अर्थात् तुतिक्वय् सिंयात लासा यानाः मि तइम्हसित लिको पिण्ड थयेकेगु ज्या जुइ । थन पिण्ड च्वकाबजियागु दयेकी । काक पिण्ड, श्वान पिण्ड व प्रेतया पिण्ड धकाः स्वंगः पिण्ड थइ । थुकिया भाव पन्छिया कुलय् जन्म मजुइमा, पशुया कुलय् जन्म मजुइमा, व प्रेतया कुलय् जन्म मजुइमा धैगु खः । थन गुरु पुरोहितया अन्त्येष्टि क्रियाया विधिवत् वाक्यं पिण्ड थयेगु ज्या क्वचायेकी । थुलि धुनेवं च्वकाबजि तयाहःगु भेगः मितइम्हं थः च्वनाच्चंगु सिंद जोडं बस्वानाः तछयायेगु ज्या याइ । श्वया भाव आवंलि यजागु क्रिया यायेम्वालेमा धैगु खः । लः धाः तये

थनंलि अंपचाय् लः तयाः सिइम्हयात न्ह्यःखतं स्वचाः अःखतं स्वचाः चाहुयेकाः अंपयात भ्वपुके बिइ । श्व षड्गति योनिइ जन्म काः वने म्वायेक आशिका यायेगु जुइ ।

होम याये मितये

उत्क्रान्ति क्रिया कथं विधि जूगु खःसा थन होम विधि जुइ । होम यायेबलय् छयलिगु गं, बज्र, सुलुपाः, चत्वा आदि दक्वं खाइबःसिमाया सिंयागु दयेकी । होमय् अग्नि स्थापना याइबलय् जज्ञय् मि तये थासय् मृतक देहय् मितयेगु ज्या जुइ । मि तइबलय् नं लः धाः तइबलय् थें स्वचाः न्ह्यःकथं व अःकतं स्वचाः चाहुयेकाः मितयेगु अग्नि संस्कार जुइ ।

उत्क्रान्ति क्रिया मजूगु जूसा होम यायेम्वाः । मिप्वाः ज्वनाः सीम्हयात स्वचाः न्ह्यःखतं व स्वचाः अःखतं चाहुयेकाः मि तयेगु जक ज्या जुइ । मितःम्हं मृतकया तुतिइ अन्तिम वन्दना याके बिइ ।

मि तयेगु ज्या जुइवं फायेका तःगु देवं लिकाइ । देवं छव्येका छव्इ मखु । अस्यायी देवं पीताम्बर जूसा जक छव्येका छव्इ । श्रीखण्ड, अग्र, सिल्हाय, घ्यः तयाः मि च्याकेगु याइ । क्वबुया यंकुगु सु लखय् प्याकाः सिइम्हया छःने तइ । थुकिं मिया राप च्वय् थाहां मवंसे दुने तुं ग्वानाः याकनं भष्म जुइकेगु ज्या याइ ।

सिद्धबाजं थायेगु

मि तयेगु ज्या जुया च्वनिबनय् तक मिथं यंकुगु नापं नापं वःगु नायबाजं काहाभूजा आदि पारीद्व च्वनाः याना हे च्वनी । बाजंया बोर्लि व चाल न्हापा लिपायाथें मजुसे ससःतिकया नानं थाइ । मृतकयात मि तयेवं बाजं थायेगु दिइ । बाजं थाइपिं खुसि नाघये जुयाः वढमखु । वारीद्व हे च्वनाः बाजं थानाच्च्वनी ।

अस्थि कायेगु

सिद्धम्ह उयेगु ज्या गौतसें वा सिद्धगुथियारतसें याइ । दाह संस्कार थायेगु क्रिया सिधः मधः जूबलय् साहा साहा पतिकं भष्म क्वेया प्रमाण मात्रा कथं चायागु मिलाचाय् मुनेगु जुइ । श्वयात अस्थि कायेगु क्रिया धाइ । अस्थिया ज्या सामान्यतया याःपिं मदु । अस्थिया ज्या सूचि निची याये याकु धकाः थौं कन्हय् अस्थि कायेगु ज्या मयात । उत्क्रान्तिक्रियाया विधिइ धाःसा श्व अस्थि कायेमाःगु अनिवार्य जुल ।

मुकेगु

शरीरया दक्वं भाग भष्म जुइक छवःगु खः मखु स्वयेगु ज्या जुइ । दक्वं भष्म जूगु पक्का जुलकि लः तयाः ग्वानाच्चंगु मि स्थायेगु जुइ । उत्क्रान्तिक्रियाया भूवलय् श्व हेंगवाः नौ आदि फुक्क दीपय् तु मुंकाः भेगतं तपुइका थकी ।

भष्म प्रवाह अथवा नौ चुइकेगु

पार्थिव शरीरयात अग्निं भष्म यायां हेंगवाः व हेंगवाःयात नं नौया रूपय् परिणत याइ । श्व नौयात नं भष्म यायेमाः । अकिं पूजा तयायंकेगु धकिइ श्व नौयात ग्वतुलाच्चंम्ह मनूया मूर्ति आकार वयेकाः म्ह ज्याइ । मिखा कथं हयं तइ । म्हुतुया कथं कौ तइ । श्व मूर्तियात आः अग्निं भष्म याये फइमखु । अकिं जल प्रवाह यानाः भष्म यानाछवयेगु कथं खुसिइ हयाः चुइका छवइ । आः शरीरया शेष भाग नौ तक पूर्णरूपं नष्ट जुयावन । श्वयात नौ चुइकेगु धाइ ।

भगवान् बुद्धया शरीरं दत्त्वं नौ मज् । अस्मिन्धातु त् पायग्वः, च्वाकिः
पायग्वः जुयाः गुलि गुलि चिनावन धाड ।^{२३} सिद्धं पुरुषर्षिणिगु लक्षणा थ्व न
खः । भगवान् बुद्धया अस्मिन्धातु आतक नं दनि ।

मिखा पियाः लिहां वयेगु

शुलि न्या धुनेव खुसिड हे मिखा पियाः 'मन्या गति वये हे खः' धकाः
अनित्यतायास्त लुमंकाः फसुकाः तथाः लिहां वयेगु न्या जुड ।

बबे भष्य न्या क्वचायेकेत सामान्यतया ३ घण्टा निसै ४ घण्टा तक
लगये ज् । गुम्ह गुम्हसित थ्व स्वयाः नं अप्वः समय काः । छवयेकेत अःपु
बुल कि सिद्धम्ह मनूनं मि न्या याःगु दु धाड । छवयेकेत यक्व समय काःपि
मन्त पाप कर्म याःपि धाड । गुम्ह गुम्ह मेगु अंग प्रत्यंग दत्त्वं भष्य जुया नं
नुगःचु छक् मि हे मयिया त्यानाच्चनिगु अवस्था नं वः । बुजागु अवस्थाय
गोतसै सिद्धम्हया छैय् क्याः छैयागु मायां सिद्धं ममुनाच्चन धकाः खवर कं
वड । छैया बहानपिसं "बिमिगु माया काये म्वाल" धकाः धयात्र्यु
धयाछवड ।

भगवान् बुद्ध मदयाः मि तये धुंकाः नं लासयास्त मि कये हे मफु ।
मित्तःबलय् मिसु महाकाश्यप महास्वविर मद् । महाकाश्यप अन दाह संस्कार
जुया च्वाय् क्याः भगवान् बुद्धया चित्तायास्त स्वचाः चाःहुला पालि यिया
दर्शन याये मात्रं मि स्वतः दनके जुयाः च्यानावन धकाः ब्वनेदु । थ्व खँ कयं
मि मय्यगु धैगु पाप कर्मया लक्षणा मखु धकाः क्यानाच्चंगु दु ।

भगवान् बुद्धया पार्थिव शरीर मि नके न्ह्यः महाकाश्यप महास्वविरया
मान्यतायास्त तं च्वानाच्चंगु धैगु सिद्धदु । अये हे शरीरया छुं भाग मि थी
मफ्या च्वांगु नं वये हे छुं मतिनाया लक्षणा खः धकाः शंका याइपिं नं दु ।^{२४}
अकिं कलाः अबवा भाःत अये हे सुं भरोसाया मचस्त आदिया कारणं जगु
खयेफु धकाः स्वइपिं दु । अजापिन्सं त्याग याकेगु अबवा अजापिं हयाः इमि
पाखें छुं याकेगु क्रियास्तकं याःपिं दु । म्वास्तले उखें बुखें बुद्धगु शरीर । उगु
बगुं खँ न्हाना जगु शरीर । देश तक त्याका जगु शरीर । संसार हे जिगु खः
धकाः फुक देश त्याका कामेगु अभियान याःपिं योद्धास्तयगु शरीर । सिद्धधुंकगु

^{२३} बिष्णु अष्टात्मन्, लक्ष्मि बुद्ध-जीवनी, (कछमाडीः आनन्द कृती गृही, बि.स. २०५०) पृ. १४

^{२४} ऐक्य ।

शरीर : ८ घण्टा ९, ९, ९ मद्येक मद्यावनी । ख ९ ससारया अटन नियम ब्रत ।

दाह संस्कार लिपा दम्ब्यकुतलय् ब्रड्गु क्रिया

दीपय् दाह संस्कार ब्रड् । उन्कार्निर्क्रिया ब्रगु ब्रमा हेवाः नी आदि दक्व मुनाः छाः भेगत त्वपया बकी । उन्कार्निर्क्रिया मत्रगु ब्रमा व नी आदि मुका म्हा न्यानाः विधिकयं सुमिड चडकाव्रड । कर्नि द म्ब्य तक ब्रड्गु क्रियायात्त ख सण्डय् न्ह्येकेगुकयं उन्नेख यानाम् ब्रन ।

मुके कनेगु

दाह संस्कार भष्म प्रवह यायेमाःसा अत्रागु न्याप्तकं स्वचाःगुयान् मुकेगु घाड । छैजःपि मितःम्हा नापं मुकेगु न्या स्वमचाःनन्म्य छै लिहौं मवइपिं नं दु । मुकेगु न्या यायेत हानं दीपय् व्येगु यानाः दाह संस्कार सिमघःतलय् छै लिहौं वइपिं नं दु । मुकेगु न्या गुबियारत अबवा गौन्म्यन् हे बिम्मा बियाः छै लिहौं वइपिं नं दु । बबे ब्रसा मुका व्ये घुन घकाः छै व्याः कने न्या ब्रड् ।

क्रिया च्वम्ह सुनानं मबिडक च्वनिगु

क्रिया घकाः मितःम्हासित विमेष कयं दम्ब्यंतक तयेगु अवम्बा खः । बबे क्रियाया विधि ब्रसा व क्रिया च्वम्ह व वयात्त पासा च्वनिम्ह सकस्तिं घोतिं चिकाः लैय् वयेबलय् सुनानं मबिडक दीपं छैय् लिहा व्येगु ब्रड् । छैनं सुनानं मबिडक सु तायाः अक्रिया छःने राट्टी आदि तानाः च्वनी । पासा च्वम्ह नं सुनानं मबिडक बबे हे च्वनी ।

मेपिन्सं ब्रगु बा नये मनिउगुलिं पासा च्वम्ह ब्रगु बा नयेगु याड । व नं न्हिं छछाः बक नयेगु याड ।

बलिं पियाः दुकायेगु

सिबं यंकुबलय् स्वया वपिं दक्व छै लिहौं वइबलय् पिछल्लुखुड कनाः चाप्पागु अपचां तः बियाः नसता काप्पेगु न्या ब्रड् । च्वकाव्रनि बवं खवं ह्वयेकाः सलिखय् मि तयाः इका पःका म्हाय् पियाः तड् । पात्त नये भाय्

यानाः वा छ्बइ । लःया नसला काइ । ताःचा लःल्हाइ । युलि धुका छँय् दत कायेगु क्रिया जुइ । थये यायेबल्य् उमेरया हदं क्वकार्लिनिसं जुइ । मितःम्हासित दकले लिपाजक थ्व क्रिया याइ । क्रिया च्वम्ह दुसा अजापिन्त सुनानं मथिइक दत काइ । थ्व ज्या सामान्यतया छँ जःपिन्सं म्हय्नी अयवा सुं परचक्रिं याकेगु जुइ ।

छँ छ्खां बँपुनाः सामान्य निसी यायेगु

सिइ मुकावःगु सूचना थ्यनेवं छँ छ्खां बँ पुइ । न्हगु लः काइ । मनूत सकसियां ख्वाः सिली । मन्त्र कयातःपिं दुसा इमिसं मन्त्रया कर्म याइ । तर थन अभ्यन्तर आदि यासय् धाःसा बने मजिउ । पिने गनं अलग यासय् च्वनाः थ्व ज्या याइ ।

चिपं थीकेगु

मुके ज्या जूगु खुन्हु छँय् मि च्याके मत्यः घाइ । अजाःगु दुःखया अवस्थाय् छँजःपिन्सं तुं ज्वरजाम यानाः नयेत्वने धैगु मनं हे बिइगु स्थिति मखु । अकिं नके त्वंके ज्या यायेत स्यान्त्यापिं यःयितिपिन्सं (समधि खलः, पाजु खलः) पिने हे ज्वरे यानाः ज्यज्यगु नके हयेगु ज्या जुइ । यक्व यःयिति दुपिनि कन्हय् कंसतकं थये चिपं यिइके हइगु ज्या जुया च्वनी । चिपं यिइके हइबल्य् दूमाःज्वःछि नयेमज्यगु वस्तुत हइमखु ।

खाद्य भोज्य वर्जित वस्तुत

दूमाःज्वःछि दुःखं च्वपिन्सं नयेमजिउगु धकाः वर्जित यानातःगु वस्तुत थये दु । ला मांस लिसे ज्वःलाःगु खँ, न्या, माय्, मू, हामो आदि खः । म्हुतु दुगु छुं नं गेडागुडि गथेकि पःमाय्, मुसू, मस्यां, भुति, सिमि आदि इत्यादि नं वर्जित वस्तुत लाः । ग्वाः ग्वय् आदिनं खः । चिकनय् भ्रुवाँय् यानाः व हल् तयाः नयेगु दयेकेगु मज्य् । दूमाःपिनिगु चिप दूमाःपिसं थी मज्य् ।

सिंगार पतारया लसता मयायेगु

साधारणतः न्हिया न्हियं ख्वाः सिलेगु ज्या बाहेक मेगु सिंगार अयवा बाँलाकेगु ज्या आदि छुं नं ज्या याये मज्य् । थ्व भ्रुवल्य् बाय् बुयेगु, दाहि ग्वाय् आदि खायेगु, सँछ्यनेगु, न्हायकं स्वयेगु ख्वालय् क्रिम पाउडर तयेगु, साबुं छयलाः म्वः ल्हुयेगु आदि ज्या नं वर्जित यानातःगु दु । स्वयेगु न्हायकं

नं स्वये मज्झिमं कापतं त्वपुयातइ । थ्व न्नायकं त्वपुडुगु ज्यायात सिद्धम्
न्हायकं स्वइ अले यःगु किपा मम्बनाः दिक्क चाडु धकाः नं घाडुपिं दु । छैंगु
लाकां न्ह्याये मज्झिउ । तपुलिं पुये मज्झिउ ।

पिने भ्वय् इत्यादि वने मज्झिउ । पुजाभः आदि नयाः गनं छेकं वने
मज्झिउ । छवये नं मज्झिउ । छैं च्वम्हं छःयात नकं दमापिन्मं पुजा
याइमखु । बिपा छ्वयेधुंक्म्हं म्हाय्मचा अयवा अज्जापिं सु पाख्खे न्हिया न्हियं
आगं दुयाय् जूसा आगमय् नीलः तयेमाःगु ज्या याकइ ।

सिकया भाग

थ्व अवधिइ चिपं यिइके हःगु, ब्याहा वःगु, अयवा दमापिन्मं भोजन
याःगु आदि वस्तुत न्हापां सिकयात भाग तयेगु धकाः सिद्धगु वासय् वीयनाः
यल छगुलिइ तयाः बातां त्वपुयातइ । चच्छि तयाः कन्हें कुन्हु त्वाज्यात
बिद्धगु ज्या जुइ । थ्व न्हिया न्हिं जुयाच्चनी ।

विचाः वनेगु विचाः फयेगु

विचाः वनेगु धकाः थःयितिपिं, स्यान्ह्यापिं, इष्टमित्र पासाभाडपिं,
सिद्धगु छैय् वनाः दुःखं च्वनाच्चपित सान्त्वना बिद्धगु, माःगु कथं माःसा
सहयोग यायेगु, आदि संस्कार दु । थये विचा वःपित नाप लानाः थये जूगु
अथे जूगु धकाः मृत्यु जूम्हया खँ ब्याकेगु ज्या जुइ । यजाःगुयात विचाः
फयेगु धकाः धयातल । थ्व संस्कार दाह संस्कार जूगु दिनया कन्हय्
कुन्हुनिसें प्रारम्भ जुयाः दूब्यंके छुन्हु न्ह्यः तकं सामान्यतया जू । थ्व विचाः
संस्कारया दर्शनपाखे छकः विश्लेषण याना स्वयेवहः जू ।

बौद्ध दर्शनय् करुणाया अवधारणायात ताछायातःगु दु । करपिनिगु
दुःख थःम्हसैं नं कायेगु हे करुणाया लक्षण खः । मनूतय् लाःवःगु दुःख जक
मखु पशु पंक्षीतय्के लाःगु दुःख हे थम्हं फया कायेगु करुणाया
अवधारणा जुल । उदाहरण : छम्ह मनूनं थम्हं लहिनातःम्हं खिचायात दायेत
कथि ज्वनावःगु खनाः बोधिसत्वया करुणा जायावल । व खिचायात दाइबलय्
जुइगु कष्ट थःत कायेगु इच्छा जुल । खिचायात धायें कथिं दाःबलय् व
बोधिसत्वयात जें हे त्व धयें जुइक स्यात । खिचायात धाःसा छुं नं मज्झि ।

बोधिसत्त्वपिनि चर्याय् करपिनिगु पाप कायेगु अले थम्हं यानागु कुशल कमया फल अर्थात् पुण्य फल करपिन्त लायेमा धकाः अभ्यास यायेगु महामन्त्र खः । सासः दुकायेगु व सासः पिकायेगु अभ्यासयात प्राणायाम धाइ । नेवाः बौद्ध क्षेत्रय् दीक्षित धर्मावलम्बीतय्सं न्यास धकाः थथे सासः दुकायेगु व सासः पिछ्वयेगु धैगु थःके दुगु पुण्य करपिन्त वन धयागु भावना खः ।

थजाःगु संवर चर्याय् ब्वलनाच्चपिं दुःखं क्यंथाय् वनाः विचाः याःवनेगु बौद्ध दर्शनया छगू अंग जुल ।

विकृति धैगु न्ह्यागु क्षेत्रय् नं दइ । थ्व खँ विचाः वनेगु संस्कारय् नं मदुगु मखु । छता निता थन न्ह्यथने-

१. बिचाः वःपिं वल धकाः छँ जःपिन्त सूचं वलकि छँया मिसात छ्वयेगु यानाहइ । थन विचाः वनेगु धैगु हे मल्लःपितं नं छ्वयेकः वनेगु थें जुयावन ।
२. गुम्ह गुम्हं लोकाचारया नितिं जक छ्वयेगु नकल याइपिं नं दयावल ।
३. करुणाया भावं विचाः वनेगु ला पायछि जू । तर विचाः मवंसा धाइ धकाः जक अर्थात् लोकाचारया नितिं जक विचाः वनेगु नं जू ।
४. बिचाः गुथि धकाः दयेका सिइथाय् छँजःपिं नाप गुगु कथं हे सम्बन्ध मदुपिं मनूत मुंकाः मुनाः सिइथाय् छँय् म्वः म्वः जुइक वनिगु जुल ।
५. थथे बिचाः वःपिं दक्कसित पाहाँ ब्वनेबलय् निम्ता बिइमाःगु चलन नं ब्वलनावल ।

दश पिण्ड

दशपिण्ड धकाः न्हिं छगः छगःया ल्याखं भिन्हु तकया भिगः पिण्ड न्हिन्हिं खुसिइ वनाः पिण्डया ज्या यायेगु खः । न्हिया ल्याः सिइगु दिन सहित काइ । थ्व ज्या दाह संस्कार क्वचाःगु कन्हय् कुन्हुनिसैं जुइ । अकिं गबलें गबलें छन्हुं हे निगः स्वंगः पिण्डतकं थथेगु ज्या जुइयः । न्हय्न्हुं द्रव्यकेमापिन्सं न्हय्न्हुया दुने दशपिण्ड अर्थात् भिन्हु तकया ज्या क्वचायेकी । भिन्हुं द्रव्यपिन्सं थ्व अवधिया दुने दशपिण्डया ज्या क्वचायेकइ । क्रिया च्वंगु अवस्थाय् न्हिया न्हियं द्रव्यकुतलय् खुसिइ वनाः दशपिण्डया श्राद्ध यायेमाः । दशपिण्डया उद्देश्य विधि विधान हलज्वलं आदि श्राद्ध परिच्छेदय् उल्लेख यानागु दु ।

मण्डल सृजना व पूजा

सिनाः कंस कुन्हु मन्दः च्वयेगु धकाः उन्काति याःसा न्याम्ह ध्यानी बुद्धयागु व मखुसा अक्षोभ्य बुद्धया मूर्ति अथवा चिन्त्र आदि दुगु मन्दः यी यी रंगया पोतासं कलात्मक कथं च्वइ । श्व मन्दःयात दुर्गतिपरिशोधन मण्डल धाइ । श्व मन्दः केवल रंगया धनं च्वयेगु जुइ । श्व छगु कला हे धाःसां जिउ । श्व मन्दःयात सिइगु थासय् तयाः गुरु पुरोहित व म्हयाय् मस्त जजमान जुयाः विधिवत् दुर्गतिपरिशोधन समाधि दनाः पूजा जुइ । श्व विधि वजाचार्य, शाक्य व उदास समाजपिनि जक दु । मेगु जातिया पुचल्य् मदु । अस्थि प्रक्षालन विधिकथं अस्ति सिलेगु ज्या नं युखुन्हु हे याइ ।

लोचाः फयेगु

प्यन्हु दुकुन्हु लोचाः धकाः सन्ध्याकाल धुनका स्यास्याःपिं, थःयितिपिं, मिसा जातिपिं पिनेनिसें छ्वयाः अन छँ दुहाँ वया मन्दः तयातःथाय् वयाः मन्दः स्वयाः लिहांतुं वनी । अबलय् श्व मन्दःया छ्वाखेरं देवाः च्याकातइ । श्व मन्दःया गति स्वया मृतकया मृत्यु पश्चात गथे जुल धकाः अनुमान याइ धाइ । च्वयातःगु मन्दलय् गन गन स्थना च्वंगु दु धकाः स्वयेगु पारखीया छँ जुल । व मण्डलय् गन गन थाय् स्थंगु खः मृतक अन अन जुया वंगु धकाः अनुमान याइगु जुयाच्चन । लोचाः वःपिसं मन्दः दर्शन याइगु धैगु श्व हे लक्षण स्वयेगु नं खः ।

लोचाः वइबलय् दुःखं क्यपिं मिसाजःपिं नं अन थासय् अथवा छिं छिं थाय् च्वनाः छ्वयाः दुःख व्यक्त यानाच्चनी । श्वयात हे लोचाः फयेगु नं धाँइ । लोचाःवःपिन्सं इमित थियाः छ्वयेमते धैर्य या धकाः संकेत बियाः लिहां वनी ।

ब्याहा वये

थःयितिपिनि ब्याहा वयेगु अथवा छ्वयाहयेगु धकाः बजि, धौ, पालु साखः आदि तयाः ज्वनावइ । अथवा सुं मनूयात बियाछ्वया हइ । धौ बजि आदिया थासय् थौं कन्हय् फलफुल हामो चि आदि मदुगु महीचहि नं छ्वया हयेगु यानाहःगु दु । फलाना थासं छ्वयाहःगु धकाः लगत तयेगु नं याइ । थये

બ્યાહા વયેગુ થ:થિતિ જક મહુ મ્હસ્યુ તાસ્યૂપિન્સં નં છવયાહયેગુ અથવા જ્વનાવયેગુ જ્યા જુયા વ:ગુ નં સ્નેદુ । થજા:ગુ છ્વયાહ:ગુલિં સિકયા ભાગ ધકા: થલા: સિદ્ધમ્હસિયા નામં સિદ્ધગુ થાસય્ તયા: બાતાં ત્વપુયાતદ્ । થયે સિકયા ભાગ કન્હય્ કુન્હુ ત્વાજંયાત બિદ્ધગુ જુદ્ । ત્વાજનં કા: મવ:સા પિશ્ચાલુસુદ્ તયાબિદ્ધ ।

થયે બ્યાહા વ:પિન્ત પાંહોં બ્વનેગુ બચતય્ ભોજન યાયેત નિમ્તા બિદ્ધગુ જુદ્ । બ્યાહા વ:ગુ ધૈગુ ઋણ જુલ । પાહોં બ્વને જ્યા મજૂતલય્ સિદ્ધમ્હયાત ભાર સ્વ: ધકા: સ્વયેગુ નં યા: । બ્યાહા છ્વયાહદ્ધિપિન્ત નં અને તનેગુ ભાર જુદ્ગુ જુલ । અકિં બ્યાહા છ્વયાહયેમતે ધકા: ધાયેગુ નં ચલન વ:ગુ દુ । થ્વયાત બ્યાહા ગનેગુ ધકા: ધાદ્ । થ્વ ન્હકયંયા સંસ્કારયાત સકારાત્મક રૂપં સ્વયેગુ બ્વલના વયાચ્ચંગુ દુ ।

સ્વયમ્ભૂ જ્ઞાનમાલા ભજન સ્થાન સચિવ ઠમેલય્ ચ્વંમ્હ રત્નબહાદુર રાજકર્ણિકારજુયા માં નન્દકુમારી રાજકર્ણિકાર ૨૦૬૨ વૈશાખ ૨૬ ગતે દિવંગત જૂગુયા વિચા: વંપિન્સં નં થયે હે ધયાચ્ચન । અન છોં તલ્લાપતિકં રાજકર્ણિકાર સમાજયા નિયમ કયં મહિ ફલફલ આદિ છું હે કયં જ્વના: બ્યાહા વયે મજિત ધકા: ચ્વયાત:ગુ ભ્વં તિકાત:ગુ દુ ।

શ્રીચણ્ડ તરૂમ્લ મહાવિહારયા ફસિકેવ કવ:યા શાક્યતય્ નં પાંહોં બ્વનેગુ ધકા: ભ્વયે સ:તેમજિત ધકા: થ:વંથ: નિયમ દયેકા: અનુશરણ યાના વયાચ્ચંગુ ત:દેં મછિ દયે ધુન્કલ ।

લોચા: બજિ નયેગુ

લોચા: બજિ નયેગુ ક્રિયા સિના: સુન્હુ દુકુન્હુ સ્વ: । ન્હય્ન્હું દૂબ્યંકીપિનિ થ્વ કુન્હુ દૂમા:ગુ અવસ્થાય્ છ્યલાત:ગુ વસ: મેમેગુ વસ્ત્ર આદિ દક્કં હિજ્યા હિયેગુ જ્યા જુદ્ । થ્વ અવસ્થાય્ છ્ય:ગુ સાબ્ સોડા આદિ છું નં ત્યંકી મહુ । બહની જામ્યા: જુદ્ ધકા: જા નયેગુ જ્યા જુદ્ મહુ ।

લોચા: બજિ નયેગુ ધકા: બજિ, કય્ગૂયા દયેકાત:ગુ કમધાસા અચાર, આલુ આદિ વર્જિત મજૂગુ ધાસાતા તયા: દુમા:પિં જ:ત જક મુના: નયેગુ જ્યા જુદ્ । જ્વરે યાયેગુ વ નકેગુ જ્યા મ્હયાયમચાતસેં યાદ્ ।

पाः वयेगु

तच्चतं स्याःगु नाता कर्पापि म्प्याय्मचा खलः व यःछँ खलःपिसं घःस् कुन्हु पाः छ्वया हयेगु घकाः ला, भूति, कःस्, पाल, मुस्या आदि कचिकं तथा हइ । यथे पाः वःगुया लिउने घःस् कुन्हु दमाःयाय् यक्व अलमलया ज्या दु । माःगु समान न्यायेगु आदि उकुन्हु हे याये फइमखु । छ्न्हु न्हयः हे न्यायेगु नं मज्य् । दुःखं च्वंपिन्तं दब्यने घुनेवं हे गये यानाः ला भूति ये जाःगु छ्न्हु न्हयःतक तयेगु तकं वर्जित जुयाच्चंगु वस्तु न्याःवने फइ धैगु खँ नं मदु । थजाःगु खँ स्याःन्हयापिनि चासोया विषय जुल । थ्व हे आधारय् पाः छ्वया हयेगु वस्तुइ ला भूति ये जाःगु वस्तु तथाहयेगु जुयाच्चंगु खनेदु ।

संक्षिप्त कथं धायेगु खःसा अन छँया जःपिन्तं दुःखय् दुबलय् जुयाच्चनिगु कारणं इमित नयेगु त्वनेगु आदि तकं इमिसं जोरजाम यानाः नयेगु ज्या यायेत थाकु जुइगु मनोविज्ञानया विषय जुल । अकिं यःयित्तिपिनि चिन्ताया विषय जुल । यः माँ बौपिन्त नके माः त्वंके माः धैगु घन्दा बियाछ्वये धुंकुपिं म्प्याय्मचातय् सरोकारया खँ जुल । अये हे यः म्प्याय्या थाय् गये यात जुइ छु नल जुइ घकाः यःछँ खलःया चिन्ता जुल । थ्व हे चिन्ता मुक्त जुयेगु निंति इमिसं चिपं थिइकः वयेगु, ब्याहा छ्वया हयेगु, पाः छ्वया हयेगु आदि इत्यादि संस्कार ब्वलनावःगु सभ्यताया चिं खः धायेमाः ।

अये हे सिनावंम्हसिया अनागतया खँ गये खः घकाः नं यःयित्तिपिनि कुतुकुला स्वयेगु नं अवश्य दायित्व हे जुल । अकिं विचाः वयेगु, तोचाः वयेगु ब्याहा छ्वयेगु आदि आःया घडिइ गये गये च्वयें जूसां अबलय्या छधी छपाँय्या सामाजिक स्थितिइ थजाःगु संस्कार आवश्यक हे खः । समयया ह्यपाःयात मत्वःगु संस्कारयात त्वःता त्वःता वनेगु नं सभ्यताया चिन्ह खः धायेमाः अकिं ब्याहा गनेगु, पाहाँ ब्वनेगु आदि इत्यादि ख्यलय् वयाच्चंगु सुधारात्मक पलाःयात सकारात्मक विचार कथं स्वये जिउ ।

दूमाःज्वःछि दुःखं च्वंपिन्त ग्वाहालि यायेगु, सान्त्वना बिइगु आदि इत्यादि व मृतकयात सुगति लाकेगु ज्या संस्कार केन्द्रित जुयाच्चंगु खनेदु ।

घःसू (गृह शुद्धि) कुन्हुया विधि

मन् सामाजिक ब्यवहारय् च्वनेमाःम्ह प्राणी खः । मनूतय् नयेमाः त्वनेमाः । अकिया लागि थःथःगु लजगाः चलये यानाः समाजया सेवा यायेमाः । अकिं थः यःम्ह मन् सित धकाः वहे दुःखय् सदां च्वने मज्य् । समाज व राष्ट्रयात भार जुइ । जन्म जुलकि मरण नं जुयेमाःगु थ्व सांसारिक नियमयात लुमंकाः दुःखया बन्धनं मुक्त जुइमाल । छँ नं शुद्ध यायेमाल । थुगु विधियात संक्षेपं घःसू धाइ । थकियागु क्रिया पद्धतियात संक्षेपं दूब्यंकेगु धयातल ।

गाःमचा धकाः मचाब् मब्यंकुबलय् सिइबलय् दुःखं हे च्वनीमखु । माँ बौ निम्हसिया जक मोल्हुयाः पूवनी । अन्नप्राशन याये मधुंकुम्ह इही तथा चूडाकर्म मयाःनिम्ह मिसामचा मिजंमचा आदि सिइबलय् प्यन्हु जक बाहे याइ । नीछन्हुया क्रिया जुइ । थ्वयां अप्वः अन छुं क्रिया याइमखु ।

तःधी ल्याःकयं नेवाः बौद्ध समाजय् दूब्यंकेगु दिन गुम्हसियां भिम्हुं ब्यंकी, गुम्हसियां न्हय्न्हुं ब्यंकी । वज्राचार्यपिनि न्हय्न्हुं दूब्यंकी । जजमानपिनिगु ज्यायात तःन्हुतक पंके मजिउगु धारणां हे भिन्हुया ज्या न्हय्न्हुं क्वचायेकीगु यानातःगु खः । वज्राचार्यपिनिगु ज्यालिसे शाक्यपिनिगु ज्या नं उतिकं हे स्वाप् दुगु जुयाः शाक्यपिनि नं न्हय्न्हुं हे ब्यंकेगु ज्या जू । वज्राचार्य व शाक्य बाहेक मेगु समाजय् दूब्यंकेगु ज्या भिन्हु हे खः । थन न्हय्न्हुं दूब्यंकेगुया क्रमाकयं क्रिया यथे खः ।

दुर्गतिपरिशोधन मण्डल विसर्जन

१. सुय न्हापां दुर्गतिपरिशोधन मण्डल (रज मण्डल : लोचाः छन्हु न्हयः विधिवत् सृजना यानाः न्हियान्हिथं पूजा यानातःगु) विसर्जन पूजा जुइ । थ्व रज मण्डलयात खुसिइ चुइके छ्वइ ।

२. निसी यायेगु ज्या जुइ । छँ छखां बं पुइ, बँ इली ।

पेंती लाकेगु

उत्क्रान्ति क्रिया जूगु खःसा अथवा अस्थि काःगु खःसा पेंती लाकेगु धकाः सुय न्हापां गोकर्णनिसैं यानाः न्यागू तीर्यय् अस्थि सहित विशेष पूजा छवइगु दु ।

दशपिण्डया ज्या

क्रिया धकाः मितःम्ह सुनानं मयिदक विशेष शुचिनिची याना च्वंगु खःसा खुदि वनाः दशपिण्डया श्राद्ध याइ । वज्राचार्य व शाक्यतय् थ्व कुन्हु हे न्ह्यन्हु जक दुसां श्राद्ध न्ह्यकयाः फिन्हुतकया बाँकी दुगु श्राद्ध दक्व युक्नु हे क्वचायेकेगु ज्या जुइ ।

न्ह्यन्हुमा

मृत्याय्मस्तय्सं निसी यानालि न्ह्यन्हुमा धकाः न्ह्यमाना जाकिया जा व न्ह्यता न्ह्यता प्रकारया व्यञ्जन ताःलाकाः जा ज्वरे याइ । थजाःगु ज्वरेयाःगु जा व्यञ्जन आदि पिखालुखुस मृतकया नामं जोगिनीयात बिइ । थये पिखालुखु थ्यंक हयाः बिइगुया अर्थ थ्व न्ह्यन्हुनिसें मृतकया थाय् छें पिने धका संकेत खः ।

थये पिखालुखुइ तःगु जा व्यञ्जन आदि कपाली धकाः जोगी सम्प्रदाय नं काः वइगु खः । इमित त्वाजं धायेगु चलन दु । समय ह्युपाःकयं त्वाजं कपालीतय्गु पेशागत धारणा हिलावनाः आः थये न्ह्यन्हुमाः जा काःवःपिं जोगिनीत मन्त । थये न्ह्यन्हुमा काः वने मदु धकाः जोगी समाजया निर्णय जुयाः कार्यान्वयन तक यानाहःगु धकाः न्यनेदु । थये निर्णय जुइ धुंकाः नं सुनानं न्ह्यन्हुमाः काः वन धाःसा अये काःवंपिन्त कारबाही तक यायेगु यात धकाः नं न्यनेदु ।

थजाःगु अवस्थाय् पिखालुखुइ तःन्हुतक फोहर आदि जुयाच्चनिगु शोभा विपरीत जूगु कारणं थये न्ह्यन्हुमा खुसिइ थंकाः तयेगु नं व्यवहार जुयावःगु यक्व थासय् खनेदुगु जुल ।

खुसिइ वने

खुसिइ वनाः निसी यायेगु ज्या जुइ । नौ धकाः नापिततय्सं तुतिया लुसि थिइकी । मिजंतय् दूमाःगु सैं तयातये मत्यः धकाः सैं खाइ । थ्व बखतय् आति दायेका थंकी । दकले न्हापां थ्व हे आतिं मोल्हुइगु ज्या जुइ । अनलि अम्बः हामो नं मोल्हुइ । थजाःगु ज्या मितःम्हसिया दकले लिपा याइ । मोल्हुइगु ज्या, लुसि थिइकेगु सैं खाकेगु आदि सकतां खुसि न्ह्याःपाखे क्वस्वयेकाः (दक्षिण पाखे स्वका) याइ । माँबी मदुगु जूसा कायपित ग्वाय्

दाही मिखाफुसिया सँ आदि तक खाकी । थजाःगु सँखाकुगुया अर्थ
 वैराग्यपनाया लक्षण क्यनेगु भावना खः । अबुजु मदुसा ग्वाय् खायेगु, मां
 मदुसा मिखाफुसि त्याग यायेगु धकाः धाइ । तर आः सिउ मसिउ गथे खः
 मिखाफुसि व ग्वाय् नितां खाकेगु ज्या याना वयाच्चंगु दु । वस्त्र वारे
 यायेमाःपिन्सं तुयूगु ब्रतवसः (बर्खिवसः) लः ल्हाना कयाः पुनी । मिसातय्
 भाःत सिइगु खःसा उजाम्ह मिसाया नं आति कयाः खुसिइ क्वस्वयाः मो
 ल्हुइमाः । भाःत दुपिसं थये क्वस्वयाः मो ल्हूगु स्वये मजिउ धाइ । भाःत
 मदुपिसं तुयूगु बर्खिवसः पुंकेगु याइ । वयात व भिंचापिन्त नं थःछें बर्खि वसः
 तयेके हइ ।

अनंलि गुरु पुरोहितं शोधन यानातःगु पञ्चगव्य बियेगु ज्या जुइ ।
 मन्त्रजप यानाः नित्य कर्म याये माःपिन्सं थौं थन खुसिया लागाय् च्वनाः हे
 न्हिकं यायेगु याइ ।

मिसापिं दुजःत खुसिइ हे वने म्वाःपिं नं दु । अजापिं छँपिने हे च्वनाः
 च्वये च्वयार्थे लुसि थिइकेगु, मोल्हुइगु आदि ज्या क्वचायेकेगु ज्या जुइ ।

कचि अपा स्वपा क्वस्वकाः भुतू दयेकाः उकिया छःने चाया कसिइ
 छुचुं लः तयाः तुखः च्याकाः आति दयेकीगु खः । थ्व ज्या म्हय्नीनं याइगु
 खः ।

पञ्चगव्य सिंचन

थये फुकसिया ज्या क्वचालकि मितःम्हं लें दुच्छि चायागु भ्वंचाय् च्वंगु
 पञ्चगव्य सिंचन (हाःहाःयायेगु) यायां वनी । थये पञ्चगव्य सिंचन यायेका
 दुजःपिं ल्यू ल्यू वनी । थ्व पञ्चगव्य छें थ्यंकाः पिखालुखुस भ्वपुइकी ।

दर्पण दर्शन

थये पञ्चगव्य सिंचन यानाः छें वयेगु भ्वलय् खुसिं द्वाहाः वयाः
 शहरया लागाय् थ्यनेयाय् नौया ल्हातं दर्पण दर्शन धकाः ज्वलान्हायकं स्वयेगु
 ज्या जुइ । दुःखं च्वंबलय्या अवधितक सिंगार पतार याये मज्यू । न्हायकं
 तकं स्वयेगु वर्जित यानातःगुयात आः थनं निसें न्हायकं स्वयेगु फुक्का जुल
 धैगु संकेत खः ।

ग्वाः सगं

ग्वाः सगंयात अपभ्रंश कथं ग्वांसां धायेगु यानातःगु द् । श्व ग्वाः सगं नापं ग्वय् लाया व्रत फुकये यायेगु धकाः ग्वाः, ग्वय् स्वं तुक्रा आदि पिखालुखुइ विधिवत गुरु पुरोहितं पूजा यानाः शोधन याइ । यथे शोधन यानातःगु ग्वाः, ग्वय् स्वं तुक्रा यानातःगु लुखार्पिने च्वनाः यथे खुसिं लिहां वःपिन्त अन बियेगु ज्या जुइ । खुसिइ मवसे छे पियेच्वनाः सर्चीर्निचि याःपि मिसा दूजःपिन्त नं श्व ग्वाः सगं बियेगु जुइ । ग्वाः ग्वय् स्वं तुक्रा नयेगु भाव जक याइ । धाःये नयेगु ज्या जुइ मखु । यजाःगु ज्या क्वचायेकातिनि छे दुहां वनेगु याइ । श्व ज्या मजुइक छेय् दुहां वनेबलय् दोष लगे जुइ धाइ ।

पिखालुखुइ पिण्ड बियेगु

उत्क्रान्तिक्रिया इवल्य जुइगु घःसूबलय् पिखालुखुइ पिण्ड बिइगु ज्या यायेमाः । श्व पिण्ड सिइम्हसिया नामं छगः जक पिण्ड बिइगु खः । श्व पिण्ड काय्मचां बिइगु मखु म्ह्याय्मचां बिइगु खः । श्व पिण्डया विशेषता जुल ।

कैय् लः

यजाःगु दुःखया व्रत फुकेत कैय् लः सेवन यायेगु नं छगु विधि खः । छःया नामं किसली छगः तथाः कैय्या कलश स्वनाः पूजा जुइ । सधंपति, बौपाः तथाः होम विधि तकं पूजा जुइ । श्व बखतय् सिइबलय् स्वयावपि समेत सकलं थन होमया जलं म्ह पनी । सिइबलय् लोहा रक्षा धकाः सिइम्हसिया म्ह छःने तःगु चुपि आदि छु खः वनं थन मिइ पनेगु ज्या जुइ । श्व कैय्या कलश होमविधि सिइम्ह मिजंम्ह अले चूडाकर्म याये धुंकुम्ह जूसा चूडाकर्म याःगु विहारय् नं श्व ज्या क्वचायेकेगु यायेमाः ।

छेय् घःसू गृहशुद्धि होम विधि

छेय् अभ् सिइम्ह तःगु यासय् होमकुण्ड दयेका कैय्या कलश स्वनाः, बौपाः छपाः मत, पञ्चगव्य, खाज, थापिं आदि स्वनाः विधिवत पूजा जुइ । कपालिका धकाः जोगिब्व छब्व, पाखाजा तयेत माःगु सकतां व्यञ्जन सहित ब्व तइ । श्व ब्व विधिवत् वाक्य गुरु पुरोहितं ब्वना संकल्प याकी । विहार बहिलिइ वनाः जज्ञ याःवने म्वाःपिनि छेय् हे कैय् लः कायेगु व जज्ञय् मि पनेगु ज्या जुइ । पूजायागु थापिया प्रसाद कायेगु ज्या जुइ ।

शय्यादान

शय्यादान धकाः माःगु सकतां वसः, लासा, फांगा, भूल, खाता, न्हायकं, ककिचा, चिकं, तिसाः, कुसा, भुत, जासि, केंसि, जाकि बजि, तरकारी, चि, हल, मत, लः थल आदि मनं खंको दक्क गच्छे अनुसार लँयागु अंगू सहित मिजंम्ह सिङ्गुसा गुरुजुयात व मिसाम्ह सिङ्गुसा गुरुमांजुयात दान बियेगु ज्या जुइ । थये दान ब्यगु दक्क सिङ्गुसिया लिपायागु जन्मय् खाँचो जुइमखु धैगु धार्मिक विश्वास दु । हाकनं देखा दुम्ह जूसा मिजंम्हया गुरुजुयात व मिसाम्हया गुरुमांजुयात जःमू, पूजाभः तयाः न्हिकं लित बिङ्गु ज्या जुइ ।

पाठ याकेगु

पञ्चमय् लात धाःसा वा बुधवाः घःसू लात धाःसा घःसूखुंन्हु पञ्चरक्षा पाठ याकेगु याइ ।

त्वाजं बियेगु

त्वाजंयात बियेत अलग ब्व तयाः संकल्प तकं यानातःगुयात संक्षेपं जोगी-ब्व धाइ । थ्व जोगी-ब्व पिखालुखुइ हयाः कपालिपिन्त लः ल्हाइ । वसः लिसे थलबल नं दान बियेगु याइ ।

जाप्वः खायेगु

उत्क्रान्ति क्रिया यात धाःसा छँया क्रिया दक्क क्वचायेकालि जाप्वः खायेगु धकाः मितःम्ह व मेपिं बहनिइ खुसिइ वनाः न्हाय्पंकथिया स्वाने गुंगू त्वायः दुगु चिकिचा धंगु स्वाने यें दयेकाः खुसिइ स्वयुनाः अकिइ कापतय् जाप्वःचिना तःगु म्हिचा खायेगु ज्या जुइ । अनं मिखा पियाः छँय् लिहां वयेगु याइ ।

पाखाजा खायेगु

मनूत लँय् जू मदयेकाः अर्थात् बहन्ही पाखाजा गुगुकि न्हापा हे संकल्प यानातःगु खः, थ्व ब्व छपाः खःमू अयवा थये हे थल दयेकाः पाखाय् खायेगु ज्या जुइ । थ्व पाखा जाया छःने पाल्वा च्याका तइ । युकी कथि छपु नं तयातइ । चच्छि तयाः कन्हे कुन्हु सुय न्हापां थ्व पाखा जा क्वकयाः सडकय् बैप्वःपिन्त बिया छ्वइ ।

चूडाकर्म यादबल्य् चूडाकर्म याःमसै विहारया सर्वसंघयात भव्य
नकेमाः । यायपा लुइबलय् न्हम्ह यायपां सकल यायपापिन्त विधिबत् भव्य
नकेमाः, पञ्जराद्यः स्थापना यायेत अयेतुं स्थापना याये मज्ज् । पञ्जरा
न्यायेका जक पञ्जराद्यः स्थापना यायेगु विधि खः । सम्यक दीपंकर
स्थापना यायेत नं सम्यक भोजन न्यायेकेमाः । जुजु जय प्रकाशमल्लजुं ये
वसन्तपुलिइ कुमारी तयेगु विहार स्थापना याःबलय् अबलय्या सकल
विहारया द्यःपिं नापं पशुपति आदि तकं निमन्त्रणा बियाः अन उपस्थित
याकुगु खः । दुजलय् थ्याकः वनेत न्हापा दुजः जुयाच्चपि सकलसित भोजन
याकेमाःगु नेवाः बौद्धया संस्कृति खः । अये हे मृतकतय्गु पुचलय् दुथ्याकः
वनेत नं मृतकतय् भव्य नकेमाः ।

थ्व पाखाजायात नं थ्वहे दृष्टिं स्वये ज्य् । न्हय्न्हुमा बिये धुंकलकि
मृतक पाखां दुने वये मजिल । अकिं पाखाजा खायेगुया अर्थ मृतकया भाग
आः पाखां दुने मखुत धैगु सुचं खः । पाखाजा नयेत मृतक याकःचा वइमखु,
वया पासापिं मेपिं नं ब्वनाहइ हं । अकिं साःसाःगु भिंभिंगु व्यञ्जन गाक्क
तयेमाः धाइ । मृतकया साथ वःपिं चित्त बुझये मज्जासा मृतकयात सास्ति
यानाः लित ब्वना यंकी धाइ । यकिया प्रतिरक्षाया निम्ति हे पाखाजा
खाइबलय् कथि छपु नं तइगु खः ।

पाखाजा क्वकयाः अन छु छु यानातल धैगु स्वयेगु पारखीतय्गु
ज्या खः ।

दूब्यंकेगु विधिं नं थी थी कयंया संस्कृति कयनाच्चंगु दु । थ्व ज्या पुवन
कि आः अन लोकाचार कथं दुःखं च्वनेम्वाल । थःगु आत्मस्नेहया दुःख ला
त्वःमंकेत समय ला काइगु सुइतं सुइतं दइगु हे जुल ।

निमोह

निमोह : थ्वया सामान्य अर्थ नीगु मोहलुयाः यायेगु क्रिया खः । छुन्हु
न्हयः अर्थात् दू ब्यंकेकुन्हु गुगु मोहलुना शुद्धाशुद्धि याःगु खः व दुःखं च्वंगु
अवस्थाया मोह ल्हगु जुल । शुद्ध मोह ल्हगु मखु । थये दुःखं व्याप्त जुयाच्चंगु
मोह ल्हयेगु ज्या क्वचायेकाः वयां कन्हय्कुन्हु व शुद्ध जुल । थ्व शुद्ध जगु
प्रक्रिया स्वरूप मोह ल्हयेगु क्रियायात हे निमोह धयातल । व्यवहार्य नीगु

मोह ल्हये धुकाः तिनि शुद्धया पूर्णता जुइ । थ्व कुन्हुनिसें तपुलि बारे यायेमाःपिनि तपुलि फुक्का जुइ । चिकं बारे याइपिनि चिकं तिलेगु ज्या जुइ आदि आदि । निमोहकुन्हु जुइगु सस्कार यथे खः-

छें सूची निजी याये

गोबर सिउचा आदि तया छँय् छखां बें यिलेगु ज्या जुइ । सकल जहानपिनि मोह ल्हयेगु ज्या याइ ।

पूजा विधि

दागवति ब्यूम्हसित जजमान यानाः अन कलाशार्चन पूजा जुइ । थ्व हे भ्रुवलय् जाया पिण्ड दयेकाः लोकोत्तर भ्राद्ध जुइ । पिण्डयात कलशया लखं तकं हायेका शुद्ध याइ । पिण्डयात विसर्जन याके छवयेगु ज्या जुइ । जाया पिण्ड जुइबलय् खुसिइ वनाः पिण्ड विसर्जन जुइमखु । थःगु बहाः बहिलय् क्वाःपाछःया न्हयःने पिण्ड स्यान दयेकातःगु दइ अन हे विसर्जन यायेगु खः ।

चक्रपूजा धकाः न्यं मन्यं सकल देवतापिन्त पूजा यायेगु भाःपाः चाकः पूजा जुइ । सकसित कलशया लखं अभिषेक बियाः पञ्चसूत्रय् अधिष्ठान याइ । सिफं लुयेगु धकाः सिंयागु पाथिइ दुने मत तयाः तोषण बियेगु ज्या जुइ । अथे हे माःताचा लःल्हानाः ताचां तोषण यायेगु ज्या याइ । थ्वयात शिष्याधिवासन धाइ । अले सकल देवतापिन्त स्तुति यायेगु ज्या जुइ । थ्वयात किगः तिनेगु धकाः धयातल ।

गुरुजुया ल्हातं सिन्हः तिनाः प्रसाद कायेगु ज्या जुइ । थ्व पूर्णता जग्गुया संकेत खः । आः थःगु व्यावहारिक जीवनय् न्हयाः वनेगु संकेत नं जुल ।

बाधा फुक्का

तापाःगु नाता क्यपिं बाहेक सतीपिं स्यान्हुयापिनि तपुलि चिकं सपः हिनेगु आदि दक्वं गुरुजु गुरुमांजुपाखें लःल्हाना कयाः ब्रत फुक्का याइ ।

भोजन

थः कुलयापिं सकलें च्वनाः भोजन यायेगु ज्या जुइ । थः कुलयापिनि समूहया भोजन जग्गुलिं थन कुलब्व भोजन यायेगु धाइ । थव कुलब्वय् विशेष कथंया घासाता ताःलाकाः ब्वतयेगु ज्या जुइ । थ्व कुलब्व विशेष यानाः नयेगु ज्या जुइमखु । छः छानाः नःगु भाःपाः छक् नक् जक नइ । मेगु थया

पंकेगु जुड । अर्थात् मनसैं यः यः गु ठैं पंकेगु कयं ज्या जुड । थ्वयां लिपा माः गु
कयं भोजन जुड ।

कलः वायेगु

कलः वायेगु धकाः धुमांगारी पृजा जुड । भोजन यानाः बाँकी दुगु
लपते ब्व फुक्क तयेगु बाता छगतय् मुना ह्याः थ्वयात विधिवत् पृजा
जुड । थ्वयात कलः घाड । थ्व कलः नं छः समान हे छः । पृजाआदि
सिधयेकाः दिगु धैगु छगु कयं तहाकः गु धस्वाकाः च्याकाः छ्वयगु इनाः छः
तियावाके छवड । थ्व वाः वनेगु बाय् नं छ्वास अन्नमया बाय् हे छः ।
घःसूनिसैं निर्दया तियि तक कलः वायेगु ज्या जुड । थ्व छ्वास अन्नमयात
ज्या सिधःगु सूचं बिडगु छः ।

समापन

थुलि धुनेवं स्वां क्वकयाः सकसित प्रसाद बियाः ज्या क्वचाःगु संकेत
बिड । उत्क्रान्तिक्रिया अथवा क्रिया च्वनाः दशपिण्ड विधान कयं ज्या
याडबलय् थ्व निमोहया क्रिया यायेम्वाः ।

दच्छि तकया दुने क्वचायेकेगु ज्या

बर्खी बाहे यायेगु

सिनाः दच्छि तकया दुने बत च्वनेगु थी थी कयं दु । इपिं बबे छः -

तपुलि बाहे यायेगु - तपुलि बाहे यायेगु धकाः न्हापा लिपा गबे छः अबे
मखुसे छुं अवधितक तपुलि पुहे मपुडगु, तुयगु तपुलि पुडगु, मुलाम्तःगु तपुलि
पुडगु आदि संस्कार दु ।

तपुलि मपुडगु

सिनाः दूमब्यंतलय् दुःमाःपिसं तपुलि पुडमखु । सिधं यंकेबलय् बाज
याइपिं काहा पुडपिं पुलुपुलु ज्वनिपिन्सं नं तपुलि बाहे याड । नापं सु क्वब्यपिं,
भाजं क्वब्यपिं, सिडक्वब्यपिं आदि सकल गुबियारतय्सं नं सिधं यंकेबलय्
तपुलि पुडमखु । नापं दुर्गतिपरिशोधन धारणी ब्वना वनिपिं गुरुजु
पुरोहितपिन्सं नं तपुलि पुडमखु । ख्वयावनिपिन्सं ता तपुलि पुडगु खँ हे
मदु । थुलि जक मखु सिधं यंकेबलय् सना वनिपिं इष्टमित्र पासा भाइपिं
लगायत सिधंयंकेबलय् थी थी कयं ज्या ज्वना वनिपिं सम्पूर्णं मन्त्रय्सं तपुलि
पुया वनिमखु ।

थन सुं स्यान्हयापिं, थःथितिपिं, सुं इष्टमित्र पासापिं, सिद्धगु धैगु सर्कासत दुःखया खँ जुल । सिथं यंकुबलय् नाप नाप वनिपिं ला छु, सिथं यंकुबलय् लैय् च्वनाच्चपिं जुल लैजुवातय्सं नं पुयातःगु तपुलि छकः त्वःताः सिद्धम्हसित भ्रद्धाञ्जलि प्वकी । सिद्धम्ह सुं खः म्हस्यनि तास्य् । थन थ्व खँया छुं महत्त्व मदु । मृत्यु धैगु सत्य खः । अले दुःखया खँ नं जुल । थजाःगु सत्य दुःखया न्ह्यःने शिर क्वछुयेगु स्वाभाविक जुल । शिरयात शोभायमान जुइक पुयातइगु तपुलि आः थ्व घडिइ ल्वःगु खँ मखुत ।

सिद्धयाय् छँ दूमब्यन्तलय् छँ दुजःपिन्सं तपुलिं पुइगु ज्या याइमखु । सिद्धयाय् बिचाः वइपिं, ब्याहा ज्वनावइपिं, पाः हइपिन्सं नं सिद्धयाय् छँ तपुलि पुयाः द्वाहाँ वनिमखु ।

तुयूगु तपुलिं पुइगु

तपुलि धैगु शिरशोभा खः । अयनं न्हापालिपा गथे भःभःधाःगु बुत्तादार आदि तपुलि पुइगु जुइ, अजाःगु शोभाकथं धाःसा तपुलि पुइमखु । केवल तुयूगु तपुलि जक पुइ । थजागु तुयूगु तपुलि पुनाः दुःखया ब्रत च्वनेमाःपिं थःथितिपिं खः । थये दुःखया ब्रत स्यान्हयाया सत्तिइ समतीकथं थी थी अवधि निश्चित यानातःगु दु । प्यन्हुतक जक बाहे याये माःपिं दु । दूमब्यन्तलय् बाहे याये माःपिं दु । लत्या, स्वला, खुला, दच्छियंकं तुयूगु तपुलि पुइकथंया नं दु ।

विशेषकथंया तुयूगु तपुलि पुइगु

तपुलिइ सि मदुगु एकसरो मुलातःगु तुयूगु विशेषकथंया तपुलि जुल । थजागु विशेष कथंया तपुलि कायपिन्सं जक पुइगु ज्या जुइ । थजागु तपुलि पुइपिन्सं सामान्यतया दच्छितकं पुया दुःखया ब्रत च्वनेगु याइ ।

तुयूगु रंगया नामय् सिसि धाःगु, अथवा म्हय् म्हय् धाःगु कापः नं छ्यलेगु जुयावःगु खनेदु ।

लाकां बाहे याइगु

मृत्यु दुःखया अवस्थाय् शिरशोभा तपुलि थें हे पादशोभा लाकां नं मृत्यु दुःखया घडिइ बर्जित यानातःगु दु । सिथं यंकुबलय् नाप वनिपिं सुनानं लाकां न्हयाइमखु । तर थौकन्हय् लाकां धैगु छँ लाकांयात जक धयातःगु खः

धकाः न्हकथया परभाषा बियाह्याः कापःया लाका, प्लाष्टिक अथवा रबरया लाका आदियात छयलाहःगु जुल । अय न ख्वयावर्नापि सिद्धवर्बिर्दपि, सुवर्बिर्दपि, भाजं वर्बिर्दपि आदिपिन्सं घाःमा छु कथया लाका न्ह्यायेगु मयाः लिपा गथे जुइ लिपायात हे जुल ।

तपुलि बाहे याये थें लाकां न प्यन्हु, लत्या, दच्छित्तक बाहे यायेमाःपिंकथया नाता गोता दयेकातःगु दु । यन घाःसा लाकां बाहे यायेगु धैगु छैग्या लाकांसम्म मन्ह्यायेगुयात हे सीमित यानातःगु दु । अर्यान् छैग्या लाकां बाहेक मेगु लाकां न्ह्यायेत पनातःगु मदु ।

वस्त्र बाहे यायेगु

सिद्धम्हसिया कायपिन्सं तुयूगु निफा तयामतःगु एकसरो लं फिडगु जुइ । सामान्यतया यजाःगु तुयूगु लं फिडगु ज्या दच्छित्तक खः । अयनं यःगु ज्या हथाय् कथं आदि विचाः यानाः स्वलातक जक बाहे याना त्वःतीपिं नं दु । गुम्हसियां खुलां बर्खीं त्वःतीपिं नं दु । बर्खीं च्वनीपिसं तुयूगु कापः लाकां न्ह्याइ । तुयूगु हे कुसां कुइ ।

थये तुयूगु लं तपुलि साइतया ज्याय् क्यनिमखु । अकिं तुयूगु लं फितलय् विवाह ब्रतबन्ध आदि लसताया भ्वजय् ब्वति काइमखु । यये दुःखया ब्रत च्वनाच्चपिं सरकारी जागीरय् जूसा उदीं आदि भेलाया यासय् उपस्थित हे जुइ मदु कथं सरकारं हे उदीं जारी याःगु भ्वेतय् च्वयातःगु तकं दु ।

नारायणहिति राजदरबारय् दुने वने माःपिन्त अन दुत तकं छ्वइमखु । अन दुने हे जागीरदारतय्सं कित ई मज्जनिबलय् हे बर्खीं त्वःफिकेगु ज्या याइ, कित न्हिया न्हियं जागीरं लिहां वयेधुंका हानं तुयूगु वसतं पुनेगु ज्या याइ ।

तुयूगु रंग धैगु शान्तिया लक्षण खःसां यन तुयूगु दुःखया वसः अशुभया चिन्ह हे जुल । नेपालय् प्रजातन्त्र वये न्हयः राणाशासन कालय् थये तुयूगु बर्खीं वसतं पुनाः पिने पिहां वयेगु हे बर्जित याःगु जुयाच्चन । यजाःपिं तुयूगु वस्त्र पुनाच्चपिं खनकि पुलिसं ज्वनायंकाः ग्वाः ग्वय् आदि नकाः लनय् ह्याउंक किकाः त्वःता हइ । नेवाः बौद्ध समाजं थये नं छगू अवस्था भोगय् याये धुंक्गु जुयाच्चन ।

लसताया ज्या जुइ मखु

सुखया लसतायाकथं छुं नं वस्तु नयेगु ज्या जुइमखु । ग्वाः ग्वय् आदि नयेगुयात बर्जित यानातःगु दु । खः ला दूब्यंकेबल्य् ग्वाःसगं धकाः ग्वाः ग्वय् नयेगु नकेगु भाव याये धुंकुगु खः । अयनं श्व ग्वाःसगंया संस्कार केवल रीत सम्म जक जुल । बर्खि वसः फिनातबल्य् ग्वाः ग्वय् नयेगु ज्या जुइमखु ।

ग्वाः ग्वय्या अलावा सुखया अनुभूति जुइ कथं छुं नं लसतां नयेगु वस्तुत दयेका नयेगु ज्या जुइमखु । अथे हे प्याखं स्वयेगु मे हालेगु आदि इत्यादि ज्या नं दुःखया प्रकृति लिसें पायछि मज् ।

चिकं तिलेगु सँछयनेगु बाहे याइगु

बर्खी च्वं ज्वःछि चिकं तिलिमखु । सँ आदि छ्यनाः समाः यायेगु नं सामान्य ढंगं मत्वः हे धायेमाः । चिकं ला बिया छ्वये धुंकुपिं म्ह्याय्मचातय्सं नं लत्या स्वला दच्छि तकं बाहे याइगु संस्कार दु ।

दुरु अथवा धौ बाहे याइगु

मां नं दुरु त्वंकाः ब्वलंकुगुया लुमन्तिइ मांया बर्खीइ दुरु त्वनेगु अथवा दुरु दुगु चिया आदि त्वनेगु याइमखु । दुरु दायेकाः तिनि धौ दयेकिगु खः । धौयात बौया प्रतीक कयातःगु जुल । अकिं बौ सिनाः बर्खी च्वनिबल्य् धौ नयेगु बर्जित यानातःगु जुल । धौयागु खाय् तकं त्वनी मखु ।

उच्च शय्या शयन परित्याग

बर्खीइ च्वंपिन्सं ऐश आरामया जीवनय् च्वनिगु ज्या याइमखुया भूवल्य् ततःजाःगु लासाय् छनिगु ज्या याइमखु । खाताया छःने लासा तयाः छनेगु ज्या याइमखु । खाताया प्रयोग याइमखु ।

तिसा तियेगु बर्जित

लुं, वहः जवाहरात आदिया छुं कय्या तिसां तियेगु याइमखु । न्हापालिपा तुकि सुयातःपिं भाःत मदयाः बर्खीइ च्वंपिं मिसातय्सं रूप हे बेरूप जुइक न्हाय्पनय् तुकि मदयेक च्वनी । ह्याउँगु स्वांतकं छुयेगु ज्या याइमखु । तिसा

धकाः ह्याउँगु सिन्हः क्वम्बाः आदि तकं बारे यानाच्चनी । भाःत मदुपि मिसातय्सं जीवन पर्यन्त ह्याउँ न ह्याउँ सिन्हः तिइमखु । तर फुके जुल्कि ह्याउँगु सिन्हः ह्याउँगु वसः तिउँपि न द ।

पेशकी ब्वने

दुःखया वातावरणयात बुलुहुं त्वःता छ्वयेमाल । छैय् न्ह्याबलेस न च्वनाः नयेगु त्वनेगु सुख दइमखु । दुःखं व्याप्त जुयाच्चपिन्त मन न्ह्यइपुके न यायेमाल । श्व हे लिधंसाय् सकं सतीपिं यःयितिपिन्सं बखीं च्वपिन्त यःगु छैय् नके ब्वनेगु ज्या जुइ । श्वयात पेशकी ब्वनेगु धाइ ।

नखः दंके छवये

दुःखं कयाच्चपिसं न्हापा ये नखः बांलाक हनी मखु । उकिं सम्धी आदिपिसं न्ह्यःने वःगु नखःबलय् नके त्वंकेगु ज्वरे यानाः छ्वया हइ ।

देवा च्याकेगु

सिइम्हसिया कलाः व काय्म्हयाय्पिसं दिवंगतया नामं थाय् यासय् छःया न्ह्यःने देवा च्याकेगु धकाः १०८ प्वाः देवा च्याकेगु न संस्कार जुयाच्चन । देवाया अर्थ सामान्य कथं देहयात हे संकेत बियाच्चंगु खः । श्वयात संस्कृत भाषां दीप हे धाइगु खः सिइम्हसित मृत्यु उपरान्त छु कथं दुर्गति मजुइमा धैगु आशिका यानाः थाय् यासय् देवा छ्वयेकिगु जुया च्वन । देवा छवयेकुगु सामान्यतया छः व थाय् बाय् थये खः-

१. प्यम्ह भगवान धकाः स्वयम्भू, नमोबुद्ध, बरेगां, बौद्ध ।
२. प्यम्ह करुणामय धकाः चोबहाः बुंगछः, जनबहाः, नाला करुणामय ।
३. यलय् मतयाः वनेगु - यैय् सापास्या कन्हे कुन्हु व यलयपिनि यल नगर लागाय् दुने दक्क बौद्ध विहार व चैत्य परिक्रमा यानाः दीप प्रज्वलन यानाः थःथःगु छै जःया मदुम्ह सुगति लायेमा धकाः मनोकामना यायेगु जुइ । श्वयात मतयाः(जात्रा) धाइ । मतयाः वंपिं दक्क यै पञ्जरां कुन्हु स्वयम्भूइ वनी । अन दीप प्रज्वलन याना परिक्रमा याइ । श्व धुंकाः मतयाःया ज्या क्वचागु जुल ।

४ मत छवयेगु - येंयापिनि येंद्याःया द्वादशी कुन्हु उपाकु ऊ वनेगु धकाः कचिगु पाल्चाय् मत च्याकाः, छःछःपिन्त छानाः धुं धुंपाय् ज्वनाः तुतः ब्वनाः देय् चाःहिली ।

५ उराय्तय् विशेष ज्या - येंया उदास जातपिनि विशेष मत छायेगु दिन दु । येद्याःया क्वःनेयाः कुन्हु, मिसा मचायात तिसां तीकाः छायेपाः कुमारी चाःहिलीगु थाय् सकभनं मत ब्यवनी ।

६ गुंपुन्हीया मत छायेगु - यःयःगु रीत, यःयःगु हे जुल । थी थी कथंया जातजातिया छपुचः नेवाःबौद्ध पुचः जुल । अकिं थी थी रीति रिवाज दइगु स्वाभाविक हे खः । अकिइ मध्यय् गुंपुन्ही वा सापारु कुन्हु छेनिसें स्वयम्भू तक मत बिया वनीपिं नं दु ।

शतबीज ह्वलेगु

बालाचतुर्दशी कुन्हु सिद्धम्हसिया नामं सुथय् शतबीज ह्वलेगु ज्या जुइ । थ्व ज्याः स्वयम्भूइ वनाः याइगु खः । गैर बौद्धक्षेत्रय् नं थ्व संस्कार दु । इपिं गुह्येश्वरी पशुपति वनिपिं खः । थौं कन्हय् बौद्ध धर्मालम्बीपिं नं गुह्येश्वरी पशुपति लागाय् वनाः शतबीज ह्वःवनिपिं नं दु ।

लय् लय् पतिकं श्राद्ध यायेगु

लय् लय् पतिकं तीर्थ तीर्थय् वनाः श्राद्ध याइ । प्रत्येक तीर्थय् मोल्हुइगु हलंज्वलं दु । दान प्रदान यायेगु नं थी थी ब्यागलं दु । गन गन तीर्थय् छुकिं छुकिं मो ल्हुयेगु व छु छु दान यायेगु धैगु विषय श्राद्ध खण्डय् च्वयागु दु । अस्थि कयातःगु जूसा अस्थि श्राद्ध याये थासय् यंकाः अस्थिया भाव नापं तयाः श्राद्ध जुइ । लत्या याइपिनि लत्याया कन्हय् खुन्हु न्हापांगु लय्प्यं (मासिक श्राद्ध) थइ । बाःछि लिपा निकःगु लय्प्यं थइ अले लयलय पतिं थयेगु याइ । खुला व दकिलाबलय् लय्प्यं थयेगु बाःछि न्हयकायेगुयाइ । थौंकन्हय् तीर्थया लः फोहर जूगुलिं छेय् हे लय्प्यं थयेगु यानाहःपिं नं दु ।

लत्या

त्रिपक्ष श्राद्ध लत्या यायेगु विधि येंया बज्राचार्य शाक्यपिनि मद्दु । येंय् मेगु जातिपिनि लत्याया क्रिया दु । यल व छ्वपय् सकल जातपिनि थ्व क्रिया

यायेमाः गु परम्परा दु । श्व हे नन्याया यद्वनय नीन पिण्डया ज्या न
 वचचायेके गु जुड । सुयय लौकिक पिण्डया प्वय यद्वनय होम न याड ।
 न्हिनय लौकोत्तर पिण्ड यद्वनय जाया पिण्ड यड । यद्वनय क्वाः पाः लाका
 पिरा व तुयगु वस्त्रया छः ने पिण्ड तये गु याड । नन्या कः मां कुडकुड । श्व हे
 पिण्ड पिखालुखुड यकाः संक्षिप्त श्राद्धया पूजा याड । लौकोत्तर वज्राचार्य व
 शाक्य जुल धाः सा शेषवलि न यायेमाः, नृत्य जक जुडमखु ।

स्वलाया क्रिया यायेगु

स्वलाया क्रिया केवल येंया वज्राचार्य व शाक्यार्पिनिजक यकः ति क्रिया
 खः । वज्रयानी परम्परा कथं पञ्चशाली पूजा याना चर्यागीत तक छयला
 पूजा जुड । देखा मदुसा कलशार्चन पूजा यानाः लौकिक श्राद्ध याड ।

पूजाया प्रसाद दिवंगत जूम्हसिया नामं दान जुडगु पिण्डयात बिडगु तक
 ज्या जुड । यथे पिण्ड संकल्प याडबलय “मायाजाल” नांगु चचा न हालेगु
 जुड । श्व चचाया मू खँ दिवंगत जूम्हसित श्व संसार यथे हे खः । छन्हु
 त्वः ता हे वनेमानि । श्व हे नियम पूरा जगु खः । माया मोह आदि आसवय
 च्वने म्वाल धकाः सान्त्वना बिडगु कयंया भावार्य न्यंकेगु खः । राग
 देशारया लयवद्धय हालाच्चनिगु श्व चचा न्यनाच्चनिपिन्त मन हे खुल्ल मिना
 वइला छैथे च्वनी गुलिस्यां ला मिखां ख्वबि हे पिज्वड ।

श्व चचाया पूर्ण पाठ थन बियागु दु । श्व चचा खुला, दकिला, व
 निर्दंया तिथि याडबलय तक हालेगु जुड । मेगु अवस्थाय श्व चचा हालेगु
 वर्जित यानातः गु दु । मेगु चचा थें श्व चचा हालेगु स्थनीमखु थम्हंतु सयेकाः
 हालेगु यायेमाः ।

मायाजाल

ताल : माथ । राग : देशार

मायां जाल विम्बु सदृश शरीरा २

मोह माया न दर्पण छादिले माया मोह ॥

ए संसार असार २

राग द्वेष मोह छादिरे निर आशा ॥

आनानष नयन दृढ कस्या २

उम मरि किक दुष्ट चे पुण्यइ ॥

सहज संभावनय उदनागत धरिया २

एश्व परम सवासर रूपे ॥

अओधुओ उय चन्द्रोपाय प्रसादा २

गाओन्ति निरदुःखपाया, भय चक्र तोरीके बोरे ॥

खुलाया क्रिया यायेगु

स्वलाया दोब्बर खुला जुल । खुलाया क्रिया सकसितं माः । खुलाया श्राद्धयात षाण्मासिक श्राद्ध धाड । यें यल ख्वप दक्व देशय् नं यायेमाःगु क्रिया खः । वज्राचार्य शाक्य व उदास समाजय् च्वय् स्वलाया क्रियाय् जूगु विधि विधान मुताविक मेगु जातिपिनि थःथःगु रीति अनुसार ज्या जुड । लय् प्यं थये धुंकेगु

खुला धुंका दकिला वड । दकिला वये न्ह्यः लय् लय् पतिकं थयावःगु क्रिया क्वचायेके माल । दकिला कुन्हु हे क्वचायेकेत अलमल जुडगु कारणं भिंछलाया ज्या जुड धुंकाति दकिला वये न्ह्यः भिंनिलाया श्राद्ध नं यायेमाःगु जुल । थ्वयात लय् प्यं थये धुंकेगु धकाः धाड । लय् प्यं थये धुंकेगु विषय श्राद्ध खण्डय् च्वयागु दु । लय्प्यं थये धुंकेबलय् होम यायेमाः व षोडश पिण्ड थयेमाः । वज्राचार्य व शाक्यपिनि कुशपूजा नं यायेमाः । थ्व अन्तिम श्राद्ध जुयाः विशेष दान प्रदान याड ।

अस्थिया ज्या नमोबुद्ध वनेगु, जामाच्च वनेगु, कोदुवाः वनेगु

अस्थिया ज्या दच्छि तकया दुने जुडगु न्ह्यागु कथंया श्राद्धय् जुड । युलि त्वःताः नमोबुद्ध धकाः नम्राय्, व जामाच्चय्, यंकाः अन नं अस्थियात पूजा यानाः वज्रयानी कथं कुशपूजा यानाः अकिया प्रसाद अस्थियात तकं बिड । नम्राय् थ्व अस्थिया छगू भाग नमोबुद्ध चैत्यया गर्भय् दुस्वयनेगु ज्या जुड । जामाच्चय् धाःसा अस्थियात चूचू यानाः पञ्चरत्नचुं व अवीर त्वाक छ्यानाः फय् वडबलय् फसं अस्थियात पुडका यंकिगु कथं ल्हाःपातय् तयाः

फय् वड्गु पाखे स्वयाः पुइके छवड् । च्वय् नामाच्चय् वने मफुर्पनि क्वय् च्वचिइ हे अस्ति पुयेकेगु याइ । मनसुवा दुःपिन्म अस्मि विसर्जन यायेत कुरुवाः नं वर्निपिं दु । कुरुवा थ्व न्हापाया कय नेपान मण्डुलया अन्तिम किनार खः । कुरुवानं पिने वनेगु खुसि नेपाःगाः त्वःता वर्निगु खः । थ्व हे अवधारणा कय अन्तिम प्रवाहया विन्दु थ्व कुरुवायात न मान्यता बियातःगु जुल ।

नेक् पुइकेगु

गुला ज्वःछि स्वयम्भू चैत्यय् मेला जुया च्वनी । थ्व हे अवम्याय् अन स्वयम्भूया बुद्धाचार्यत भुस्या खिं यानाः मेया नेक् पुया स्वयम्भू महाचैत्य परिक्रमा यानाच्चंगु खनेदइ । स्वयम्भूया क्वय् गःचाः हिलाः नं नेक् पुइगु याः । यथे नेक् पुयाः परिक्रमा यानाच्चंगु सुं दिवंगतया नामं संस्कार जुयाच्चंगु खः । थ्व परिक्रमा लसताया खँ मखु । श्रृंगभेरी कया अनुसार नेक् पुइकिगु खः ।

थ्व नेक् वास्तवय् छगू जमानाय् भगवान बुद्धं मे जन्म जुया भोगय् याःगुया खँयात लुमंके बिइ । भगवान बुद्ध मे जन्म जुयाः जीवन न्ह्याकाच्चंगु इलय् धुँ वयाः नयाबिइ । वयात स्याहार सुसार यानाच्चम्ह मिसा वास्तवय् वसपोलया न्हापागु जन्मया थः मिसा (कला) जुयाच्चन । थ्व खँ व मिसाम्हं बांलाक सिउ । अकिं न्हिया न्हि बांलाक स्याहार सुसार यानाः थःम्ह मिजं सरह व्यवहार यानावयाच्चंगु जुल ।

मेयात धुं नयाः क्वेँ व नेक् जक बाँकी याना थकुगु खनाः साब नुगः मछिंका ख्वयाः हालाः जुइगु स्वाभाविक खः । थ्व क्वेँ दक्व मुनाः चैत्य दयेका श्रद्धा प्वंकल ।

चैत्य दयेकाः व हे मेया नेक् पुयाः स्वर्गय् तकं आवाज बिया छवःगु जुयाच्चन । थ्व हे नेक् स्वयम्भूइ हयातःगु धाइ । थ्व नेकूया माध्यमं स्वर्गय् तकं आवाज प्रसारित यायेफुगु धैगु जनविश्वास खः । थ्व खँ श्रृंगभेरीया जातक धकाः अतिकं प्रख्यात जू ।

अकिं दिवंगतया नामं नेक् पुइकेगु श्रद्धाया प्रतीक जुल । नापं स्वयम्भूया बुद्धाचार्यपिन्त छुं निसलाः किभू दां दक्षिणा आदि तयाः दिवंगतया नां दर्ता याकेगु चलन दु । नां दर्ता जूगु कथं दिवंगतया नामं नेक् पुयाः स्वयम्भू चैत्य परिक्रमा यायेगु जुइ ।

चैत्यय् लः छायेगु

घःसू सिधसानिसे दच्छि तक सिजःया लःथलं चैत्यय् लः छायेगु याइपि नं दु । जलदानया पुण्यं सिद्धम्हसिया दुर्गति मोचन जुइमाः धयागु कामनां लःछाइगु खः । छ्वाः सिलाकथं नं सिद्धम्हसिया नामं जल अर्पण याइ ।

दागिं वनेगु

दागिं धकाः भाद्र शुक्ल चर्तुदशी कुन्हु कुमारी रथ मरुं क्वःनेया जात्रा क्वचायेकाः लिथ्यनेवं छ्वासपाक्व (छ्वपनिसें वयाः लखुतीर्थ फि कयाहःगु खनाः शंखधरं व फि न्यानाकाःगु, लिपा लुं जुयावःगु थाय्) पिहाँ वइगु जात्रा दु । थ्व दागिंयात इन्द्र धकाः धाइ । थ्व इन्द्र स्वर्गय् लिहाँ वनेगु भूवल्य वःगु खः । अकिं थ्व दागिं नाप वन धाःसा दिवंगतयात नं स्वर्गय् छवये फइ धकाः श्रद्धा तयाः दिवंगतया नामं दागिंया लिउ लिउ कलाः व काय्पिं वनिगु परम्परा दु । थबल्य् न्हिच्छि तक छां लानाः बीबः ह्वलाः दागिं वंथाय् तक वनिगु संस्कार दु । थये दागिंया यात्रा क्वचायेवं बौमतः धकाः तहाकःगु मतया यात्रा जुइ । दागिल्य् वंपिं थ्व बौमत स्वयाः जक छँ लिहाँ वइ ।

दागिल्य् वनिपिं न्हिछितक छुं मनसे वनी । दागिं वनाः लिहाँ वये धुंकाः पालं धकाः निरामिष भोजन याइ । दागिं वःगु स्वयाः इन्द्रदहल्य् म्वःलूवनिपिं नं दु ।

दकिला

दच्छिया क्रियायात वार्षिक श्राद्ध किला धाइ । थ्व कुन्हु स्वलाः खुलाबल्य् थें पिण्डया ज्या जुइ । थ्वयां कन्हे कुन्हु भिं पूजा यानाः बर्खी वसः त्वःतेगु ज्या जुइ ।

पाहाँ ब्वनेगु

पाहाँ ब्वनेगु धकाः सिद्धबल्य् थी थी कथं हालिग्वालि याःपिं इष्टमित्र लगायत थःयितिपिं सकलसित सःताः भोजन याकेगु प्रथा दु । थ्व पाहाँ ब्वनिगु सामान्यतया दकिलाबल्य् याइगु खः । अयनं थःथःगु सुविधा अनुसार खुलाया अवस्थाय् नं यायेगु ज्या जू । थये पाहाँया निमन्त्रणा वल कि थःयितिपिन्सं पिण्ड छायेके हयेगु धकाः स्वाँ सिंहः मरि फलफूल धौ आदि छ्वया हइ ।

अनालाया विशेषता

दच्छिया दुने अनाला लाः वल धाःसा दच्छिया १३ ला दड । १२ ला दतकि लयप्यं थये धुंकेगु दकिला याड । लच्छि लिपाया तिथिड साधारण पिण्ड थयेगु याड । भिंपूजा नं थबल्य जक याड ।

थथे थी थी कथं दच्छि तकया दुने याये माःगु ज्या यक्वं दु । समय परिस्थिति अनुसार थजागु ज्या क्रमिक रूपं म्हो जुजु वयाच्चंगु खनेदु ।

निर्दया तिथि व वार्षिकी

दच्छिया क्रिया दकिला थितुं थिइक यायेमाःगु संस्कारया ज्या क्वचाल । सिइम्हसियागु लुमन्ति आः बुलुया वनिगु क्रम प्रारम्भ जुड । लुमन्ति ता पापां वनी । यायेमाःगु संस्कार नं तापाना वनिगु जुल ।

सिइम्हसियागु नामं यायेमाःगु संस्कार दहे मन्त धाःसां जिल । अयनं निर्दया संस्कार क्वमचाःतलय् सिइम्ह वन्धनं मुक्त मज्जनि धाड ।

सिइम्ह वन्धनं मुक्त मज्जतलय् व छँया दुजःपिनि लसताया ज्या गथेकि विवाह यायेगु, चूडाकर्म यायेगु, ईही यायेगु, बाहा तय्गु, लसता भव्य न्यायेकिगु आदि इत्यादि नं याये मज्ज धैगु सामाजिक मान्यता खः । अजाःगु कर्मया ज्या क्वःछिनातःगु खःसां लिछ्याना छ्वड ।

सिइम्हसिया नामं छैनं याइगु कर्म जक मान्यता दु । छैनं याइगु दानधर्म त्वःताः मेपिं थःथिति इष्टमित्र पासाभाइपिन्सं तकं छुं नं दानधर्म कर्म याःगु तकं सिइम्हसियागु उपर लगय् जुड मखु धाड ।

सोह श्राद्ध धकाः आश्विनया कृष्ण पक्षया पारुनिसैं आमाइतकया दुने पितृपक्ष बलय् छगू विशेष कथंया श्राद्ध जुइगु दु । अकी थः थः सिइपिनिगु नामं श्राद्ध पिण्ड बिइगु चलन दु । थ्व भवलय् थः स्यान्हयापिं दिवंगतपिनिगु नामं नं श्राद्ध जू । दिवंगत इष्टमित्रतय्गु नामं नं पिण्ड बिइ । थजाःगु सोह श्राद्धबलय् नं निर्दया कर्म मख्निपिनिगु नामं पिण्ड बिइ मज्जनि धाड । अजापिनिगु सोह श्राद्ध बिइगु धलखय् लाकिइ मखुनि ।

दच्छिया दोब्बर निर्दे जुल । सिङ्गु निर्दे थ्यनिगु कुन्हु छगु दकिलाबलय्
थेतु जाप्य थयाः विशेष कथंया पूजा जुइ । थुबलय् नं 'मायाजाल' चचा हालाः
श्राद्ध जुइ । वज्राचार्य, शाक्य व उदासपिनि जक थजाःगु जाप्यंया पिण्ड
जु । जाप्य थयाः श्राद्ध यायेगुयात लोकोत्तर श्राद्ध धाइ । वज्राचार्य, शाक्य
व उदास समाज बाहेक मेगु जातिपिनि सामान्यकथंया पिण्ड दान जुइ ।

लोकोत्तर श्राद्ध बांलाःगु संस्कार खः धकाः थ्व क्षेत्रय् मान्यता दु ।
अकिं थजाःगु श्राद्ध दैय् दैसं जुइब्यु धकाः आयस्ता वङ्गु गुथि तकं स्वनाः
न्याकेगु चलन न्हापा दु । मनूतय् थः मसिङ्गबनिबलय् नं थः सितकि थथे
लोकोत्तर श्राद्ध जुइब्यु धकाः सत्जीव अवस्थाय् हे बुं आदि दानपत्र च्वंयाः
गुथि निस्वना थकेगु न्हापा न्हापाया संस्कृति खः । थजाःगु लोकोत्तर श्राद्ध
यायेमाःगु विधियात संक्षेप 'तिथि' जक नं धाः ।

निर्देया तिथि सिधलकि मृतक नं वन्धनं मुक्त जुल । छँजःया घेरां पिने
वने दत । छँजःपिं नं मृतकया भारं मुक्त जूगु जुल । आः छँजःपिनि विवाह,
व्रतबन्ध, चूडाकर्म, ईही यायेगु, बाहा तयेगु लसता पसता भ्वय् आदि तकं
याये जिल । छः पलिस्था, छँपलिस्था आदि सकतां याये जिल । आः न्हिला
जुलसां जिल । प्याखं हुया जूसां सुनां नं छुं धाइ मखुत । निर्देया संस्कारया
मतलब थ्व हे जुल ।

न्हापा न्हापाया संस्कार व परम्परा थथे खःसा निर्देतक मप्यूपिं नं खने
दयावल । दकिलाया संस्कार क्वचायेवं हे विवाह व्रतवन्धन याःपिं दु ।
लसताया ज्या याःपिं नं दु । थ्व थौकन्हय्या युग स्वयाः ज्या न्ह्याका
वयाच्चंगु धायेमाली ।

निर्देया संस्कार सिधलकि वर्ष पतिकं श्राद्ध कर्म याइ । छँया हामा हे दिवंगत
जूगु जूसा जक दैय् दैसं श्राद्ध याइ । छँया हामा बाहेक मेपिं मदुगु जूसा वर्ष पतिकं
श्राद्ध साधारणतया याइमखु । सोह्र श्राद्ध याइबलय् अकी हे घाका छ्वइ । छँया
हामापिं नं लिपा लिपा बाज्या बज्येया अवस्थाय् थ्यनिबलय् इमिगु तकं इमिगु
तिथिइ इमिगु नामं वर्ष पतिकं श्राद्ध जुइमखु । लिपा इपिं न्हपिं दिवंगत हामाया
श्राद्ध याइबलय् पितामह पितामहीया रूपय् जक श्राद्धया भागय् च्वनी ।

सन्दर्भ ग्रन्थ सूची

वज्राचार्य, अमोघवज्र, पिण्ड विधानम्, कान्तिपुर, पूर्व सेवा खलः
ने.सं. १०९४ चिल्लागा अष्टमी (दे आचार्य गुण्य) ।

भिक्षु अमृतानन्द, संक्षिप्त बुद्ध जीवनी, काठमाण्डौ,
आनन्दकुटी विहार गुठी । वि.सं. २०५० ।

वज्राचार्य, कमलमान, जमल बहलिको सारांश परिचय, धोवीधारा,
बृद्धिर्हर्ष वज्राचार्य । प्रेस, २०६१ ।

वज्राचार्य, मोहनराज, मञ्जुश्रीपाराजिका, यल, दानवहादुर शाक्य,
२०४२ ।

वज्राचार्य, मोहनराज, महादीप छक्येगु दीपकथा, कान्तिपुर,
चिनिकाजी वज्राचार्य, ने.सं. ११०२ ।

वज्राचार्य, रत्नकाजी, नेवाः संस्कार संस्कृतिया जातः, ये,
वज्राचार्य प्रकाशन ।

सं. वज्राचार्य, सर्वज्ञरत्न, वज्रयान पूजाविधि संग्रह, म्हायपि, नेपाल
बौद्ध संस्कृति संरक्षण केन्द्र, वि.सं. २०६२ ।

सजीव पञ्जानुभाव, भिक्षु, सुमेध धीरसुमेधो, सद्धर्म प्रचारक पुचः,
२०५८ ।

अनुवादकहरू : खेन्यो वागीन्द्रशील व नारायणप्रसाद रिजाल (बुद्धवज्र),
मुनिमतप्रकाश, ललितपुर, पद्म घले, वि.सं. २०५६ ।

बहुलेखक, प्रतीत्यसमुत्पाद : स्थविरवादी दृष्टिकोण, प्रतीत्यसमुत्पाद,
वाराणसी, केन्द्रीय उच्च तिब्बती शिक्षा संस्थान, सारनाथ १९८६ ।



भदन्त सम्यक सम्बोधि प्राणपुत्र, सम्यक संस्कार, काठमाडौं,
सुखी होतु नेपाल, वि.सं. २०६० ।

Narada, *The Buddha and His Teachings*. Malayasia,
Buddhist Missionary Society 1988.



अनुसूची १
रेखाचित्र
लिक्वपिण्ड थयेगु थापिना

लिक्वपिण्ड थये

पार्थिव शरीरया तुतिकवय् फि लाये



लौकिकपिण्ड (प्वप्यं) थये



अनूसूची - २

हलज्वलं

सिथं यंकेत माःगु हलज्वलं

१ बन्याज्वलं पूजा सिन्हः म्हासुसिन्हः अबिर ह्याउँ सिन्हः धुं-धुंपाय्-कप् हयं - २ गः कौ - १ गः च्वाम्बः - ६ पु श्रीखण्ड अगुर सिन्हाय् फिप् - बालाचि २. पसः ज्वलं जाकि - बजि सिसा बुसा भम्मि वा खाइसि तुयूकापः - २ मीटर ध्वाँय् दयेकेत तुयूकापः १/२ मीटर अम्प - १ गः सप्पा - ३ पा घ्यः पुलु - १ पाः सःखिखिपः - माक्व	(कूताः दयेकेत) नालुखिपः (भाजं, धकि क्वब्बीत, तिँप्वाँय्) कचिका - मुलु - १ ३. मेगु माःगु : ज्वलं पुलांगु भाजं - १ गः पुलांगु धकि - १ पाः पाःचा - १ पाः अम्प - १ गः धौभेगः - ३ गः तुफि - १ फि सुकू - १ पाः च्वकाबजि १ माना हँय्छ्ये - १ गः (मकलय् छुनाः) न्या - १ म्ह कँय् ख्वला - १ गः पं - माक्व म्ब - माक्व कुशालप्ते - ३ पाः मदुम्हेसिया वसः - जुछि मदुम्हेसिया जातः - १ सुकले - माक्व सिँ - माक्व स्वां - माक्व	स्वांमाः - माक्व अकाय् माः ३ माः बालायिमाः माक्व शंखः - १ गः कुश - माक्व वा हवलेत - वा माक्व चिकं - इताः माक्व पाचालपते धौबजि - ४ पाः चानचून धिबा माक्व किस्ती १ पाः ४. दुखापिखां तियेत गोबर धौभेगः - २ गः पुलु - १ पाः तुयूकापः - २ मीटर कचिका व मुलु - १ चिकं ह्याउँसिन्हः मदुम्हेसिया जातः मकलेछुनागु छ्ये - १ गू न्या - १ कँय्या ख्वला - १ म्हुतुइ तयेगु लुँ - १ पाचालप्ते धौबजि - ४ पाः
--	--	--

<p>५. छ्वासय् वायेगु मदुम्हेसिया वसः १ जु जनी पुलांगु सुक् - १ पाः ६. पाखाकु यनेत म्व माक्व भाजं - १ गः सप्पा - माक्व ७. ध्वाय् दयेकेत तुयूकापः - १/२ मी. हयाउँकापः - १/२ मी. खाइसि - ६ गः च्वाम्वः - ६ ग् तिंकथि - ६ पु कँय्चि - १ पु ८. कूताः दयेकेत पं - माक्व चुपि - १ कःति - १ सःखि - माक्व ध्वाय्तिथे - ६ पु बालचिमाः तये</p>	<p>स्वामाः तये अकाय्माः तये ९. लिक्वपिण्ड ययेत धकि - १ पाः पुलांगु जाकि बजि धुं - इताः म्हासुसिन्हः पूजासिन्हः कुशालप्ते - ३ पाः च्चकवनि तथाः पाःचा - १ पाः अखुं दुगु अम्प - १ कुश - शंख १०. नौ चुयेकेत म्हासुसिन्हः पूजासिन्हः अबिर जाकि बजि पुलु हयं - २ गः कौ - १ गः</p>	<p>११. सिइ उयेत श्रीखण्ड अग्र घ्यः सिन्हाय १२. दव्यंकंत माःगु ज्वलं कचि अप्पा ३, तुखः, अम्बः, हाकुहामो, सादुरु, गोबर, कसिचा १, छुचुं, सित्तु, सली ५, चिकं, शंख, भोचा १, खौ, जाकि, जःम, लीबाता १ १३. ग्वाःसगंयात माःगु ज्वलं खालि ग्वाःपाः माक्व, ग्वय् टुक्रा माक्व, सिन्का माक्व, सली माक्व चिची ग्वःगु ढलचा - ३ गः, चिची कूगु ता वा स्वं (माःसाजक) पुजा ज्वलं</p>
---	---	---

अनुसूची ३ : भिनिंग तीर्थया विवरण

क्र.सं.	क्षेत्र	तीर्थ	यात्राया	संगम जुगाच्चांगु नदीत	मोतुयेत छयलिंग वस्तु	दान बियेगु वस्तु	नाग	पीठ	पाप मोचन/अपयवा फन प्राप्ति
१	वागमती	पुण्य तीर्थ	गोकर्ण	अमोघ फल बायिनी	दाफोस्वा	कमण्डलु व पिण्डपात्र	तभक	गोकर्णेश्वर विगपाल	नरक तीर्थक, हिंसा मोचन
२	वागमती	शान्त तीर्थ	गुह्येश्वरी	मारदायनी	धालपतिस्वा	पञ्चपात्र व वही	सोमसिद्धि	गुह्येश्वरी	वात पित श्लेष्म मोचन
३	वागमती	शंकर तीर्थ	शंखमोल	मणिरोहिणी	सर्वजिफोस्वा	चन्द्रमा	शंखपाल	चामुण्डा	नाना उपदेव मोचन
४	वागमती	राज तीर्थ	पचली पारी	राजमञ्जरी	इतायिता चा	छत्र कुसा गुलपाः	सुरूप	पचली, वाराही	पुणं आरोग्य प्राप्ति
५	विष्णुमती	मनोरथ तीर्थ	भनमयजु, तोळा दुवाः	विमलावती	नै स्वा	सिताकु गुलपाः	कुलिक	मनमयजु	राग, द्वेव मोह, पाप नाशन
६	विष्णुमती	निर्मल तीर्थ	सोवहाः भगवती भवाळुसि	भद्रमती	कनिवःस्वा	कैदेमाय् मारपा तयाः कंसखोलास घृत छाया	उपलाल	इन्द्रायणी लुतिअजिमा	कुष्ठ रोगादि नाश
७	विष्णुमती	निधान तीर्थ	लखुतीय	सुवर्णवती	अजस्वा		नन्वोपनन्व	कोश्वरी चामुण्डा	दरिद्र दुःख नाश
८	विष्णुमती	ज्ञान तीर्थ	करळुसी	पापनाशिनी	तुयसितु	सुवर्णया गुलपाः	बालसुकि	टंकेश्वरी	सुख प्राप्ति
९	वागमती विष्णुमती संगम	चिन्तामणि तीर्थ	टेकदोभान	वागमती केशावती	पञ्चसुगन्ध	सफ पिण्डपात्र नवरत्न व पिण्डपात्र	वरुण	पचली	धन धान्यादि आय प्राप्ति

अनुसूची ३ : भिंनिगू तीर्थया विवरण

सू.	क्षेत्र	तीर्थ	यात्राया	संगम जुयाच्चंगु नदीत	मोल्हयेत छयलिगु वस्तु	दान बियेगु वस्तु	नाग	पीठ	पाप मोचन/अथवा फल प्राप्ति
१०	संगम क्षेत्र पिते	प्रमोद तीर्थ	दानगा:	रत्नावती	पलेस्वो	वस्त्र	पदमनाग	त्वहृदपारी इन्द्रायणी दिग्पाल	राज प्रीति सुख प्राप्ति
११	वागमती	सुलक्षण तीर्थ	भा:जगा	चारुमती	कपसिन्हायस्वो	तुतां लाकां गुल्पा:	महापदम	वैष्णवी	रूप यौवन प्राप्ति
१२	वागमती	जय तीर्थ	नेळु	प्रभावती	सर्वोषधि	शाय्यादान	श्रीकान्ति	यच्या	हेचरि हेतु संगभेद पाप नाराज



वि.सं. २०३७ स जूगु नःरां पञ्चदानया शोभायात्राय्
मोटिकाजी वज्राचार्य व मां नानीमय्जु वज्राचार्य



वि.सं. २०३८ सालस शंखरापुर सक्च देया मणिलिंग तीर्थय्
सिमन्ती धलान यानाः दयेकुगु फलेचा ।



बागवजारया थःगु छेंया चुकय् स्थापित वज्रधातुचैत्य



वि.सं. २०५४ सालय् विजयवारी वैरोचनतीर्थया जिनसंघ विहारय् स्थापना जगु श्री अशोभ्य बुद्ध, सारीपुत्र व मौद्गल्यापन ।



वि.सं. २०५८ सालय् स्वयम्भू आनन्दकुटी विहारय् स्थापित
श्री शाक्यमुनि बुद्ध

(१०१)



ने.सं. १९२५ स लोटस रिसर्च सेन्टरपाखें प्यक्वःगु अन्तरराष्ट्रिय नेपालमण्डलया बौद्ध संस्कृति सम्मेलनया ज्याङ्गल्य् ख्वप, यें व यलया चक्रेश्वर आजुपिन्त लसकुस यानाः दुत हयाच्चंगु ।



ने.सं. १९२५ स लोटस रिसर्च सेन्टरया ग्वसाल्य् जूगु प्यक्वःगु अन्तरराष्ट्रिय नेपालमण्डलया बौद्ध संस्कृति सम्मेलन उद्घाटन समारोहस उपस्थित जुयाबिज्याः प ख्वप, यें व यलया चक्रेश्वर आजुपिं - दथुड येंया चक्रेश्वर सत्वतारावज्ज वज्जाचार्य



वि.सं. २०६६ मार्ग शुक्ल पञ्चमी कुन्हु महारथारोहण स्वक्वःगु जंक्व यानाबिज्याःपिं
चक्रेश्वर सत्वतारावज्ज वज्जाचार्य व गुरुमां नानीमय्जु वज्जाचार्यपिंलिसें
छँया जःपिं ।



वि.सं. २०६३ वैकुण्ठ चतुर्दशी कुन्हु : बौद्ध दर्शन अध्ययन पुचः इकुबहाःया
 आयोजनाय् स्वयम्भू महाचैत्यया छचाःखेरं सवा लाख दीप प्रज्वलनया
 ज्याइवल्य् सप्तविधानुत्तर पूजा यानाः बिज्याःपिं वज्जाचार्यपिं- दथुइ
 श्री सत्त्वतारावज्ज वज्जाचार्य ।



लेखक परिचय

नां : सत्त्वतारावज्र वज्राचार्य (सत्त्व गुरुजु)
बुवि : वि.सं. १९७६ कार्तिक शुक्ल प्रतिपदा,
महपूजा
बूथाय् : रत्नकीर्ति महाविहार मखंबहाः, यें ।
च्वंथाय् : बसपार्क, बागबजार, यें ।

- शिक्षा : सामान्य संस्कृत, पूजा पद्धति, चर्यागीति, चर्यानृत्य व पञ्चताल ।
- चक्रसंवरया दीक्षादान ४ क्वः
- दीक्षा व चक्रात्मक पूजाया उपाध्याय १० क्व
- वि.सं. २०३७ श्रावणकृष्ण त्रयोदशीकुन्हु न.रां पञ्चदान ।
- रत्नकीर्ति महाविहार, मखंबहाःया चक्रेश्वर, वि.सं. २०५८
- धर्मोदय सभाया धर्मानुशासक वि.सं. २०६५
- भीमरथारोहण वि.सं. २०५४, देवरथारोहण वि.सं. २०६०, महारथारोहण वि.सं. २०६६
- स्वर्गारोहण वि.सं. २०६६ मार्ग शुक्ल पूर्णिमा, योमरि पुन्ही ।

प्रकाशित कृति: नेवा: बौद्ध समाजय् मृत्यु संस्कारया व्यवस्था वि.सं. २०६८
निःशुल्क वितरणार्थ पुस्तक प्रकाशन -

१. पञ्चदान विवरण- लेखक पं. बद्रीरत्न वज्राचार्य ।
२. पञ्चरक्षा पाठ सूत्र - नेपाल भाषानुवादक आदिवज्र वज्राचार्य ।
३. बौद्ध स्तोत्र संग्रह - ५ क्वःगु संस्करण तक ।
४. भद्रचरी स्तोत्र - नेपाल भाषानुवाद सहित ।
५. भैरव पूजा विधि - सम्पादक बद्रीरत्न वज्राचार्य ।
६. वज्रयान पूजाविधि - संपादक फणीन्द्ररत्न वज्राचार्य, निक्वःगु संस्करण, वि.सं. २०६६